











Nicolai clemangis de corrupto ecclesiastatu	1
Rhythmi franco[n]is	78
Nicol. clemangis de concilio generali	87.100
petrus de Aliaco. de Reform. Eccle	145
Excerpta ex Joh. Gersonne	193
ex Bernhardo	206
ex Johanne Sarisburiensi	221
ex Marsilij petri defensoris pacis	226
ex Alvaro pelagio de planctu Eccle.	231
ex theodorico de Nicta	241
Picus mirandula de Reformandis moribus	250
Instructio francisci Cheragati	275
De exilationibz paparum	278

The first of these is the fact that the  
 government has been unable to secure  
 the necessary funds to carry out its  
 policy of non-interference in the  
 internal affairs of the country.  
 The second is the fact that the  
 government has been unable to secure  
 the necessary funds to carry out its  
 policy of non-interference in the  
 internal affairs of the country.  
 The third is the fact that the  
 government has been unable to secure  
 the necessary funds to carry out its  
 policy of non-interference in the  
 internal affairs of the country.



SPECVLVM ECCLESIAE  
PONTIFICIAE

NICOLAUS CLE-  
MANGIS ARCHIDIACO-  
NVS BAIOCENSIS, DOCTOR  
S. Theologiæ Parisiensis, de cor-  
*rumpo Ecclesiæ statu.*

Huic accesserunt duæ eiusdem Epistolæ super  
materia Concilij generalis: Tractatus Petri de Aliaco  
Cardinalis Cameracensis, de reformatione Ecclesiæ  
Concilio Constantiensi oblatus, aliæq; ex D. Gersono,  
Bernardo, Iohanne Sarisburiensi, Episcopo Carno-  
tensi, Marsilio Patauino, Alvaro Pelagio Episcopo Syluensi,  
Theodorico de Niem Episcopo Verdensi,  
& alijs, eiusdem argumenti ad detegendam Ecclesiæ  
Pontificiæ fœditatem, collecta & edita opera & studio  
EDWARDI BVLKLEI S. Theologiæ Doctoris.

NAHV 3. 5.

Ecce me contra te, dictum Iehouæ exercituum, & retegam  
fimbrias tuas replicans in faciem tuam: vt ostendam Gen-  
tibus nuditatem tuam, & regnis ignominiam tuam: & pro-  
ijciens in te res detestandas, turpitudine afficiam te, dispo-  
namq; te vt speculum.



Jacobi Typ. B. F.  
LONDINI,

Impensis Georg. Bishop.

1606.





Ex Io. Tritemio Abbate Spauheimensi,  
*de Ecclesiasticis scriptoribus.*

**N**icolaus Clemangis Archidiaconus Bai-  
nocensis, vir in diuinis scripturis eruditus,  
& in secularibus literis nobiliter doctus, me-  
tro excellens & prosa, in gymnasio Parisiensi  
magisterium sacrae paginae consecutus mag-  
nam eruditionis suae euidentiam dedit. Scrip-  
sit utroque; stilo multa praecleara volumina, qui-  
bus luculentissimi ingenij sui memoriam reli-  
quit. De quibus subiecta feruntur ad Petrum  
de Aliaco Dominum Episcopum Camera-  
censem, & Cardinalem supradictum, opus in-  
signe quod praenotauit.

*De fructu Heremi.* lib. I.

*De corrupto Ecclesiae statu.* lib. I.

*De nouis Festiuitatibus.* lib. I.

*De materia Schismatis.* lib. I.

*Epistolarum ad diuersos, & multa alia.*

Claruit temporibus Sigismundi Imperatoris  
& Concilij Constan: An. Dom. Mccccxvij.





Clarissimo viro , & suis  
virtutibus ornatissimo, Domino  
Richardo Chetwoodo , Equiti aurato:  
Gratia, misericordia & pax à Deo Patre  
& Domino Iesu Christo.



*Vm veritatis diuina vindice*  
*ces, quos Deus pro immensa*  
*sua misericordia, in hac se-*  
*nescentis mundi etate ad*  
*Antichristum detegendum*

*& debellandum excitauit, Pontificiorum*  
*adulterinam doctrinam, cōmentitios cultus,*  
*& teterrimos abusus, ac corruptelas redar-*  
*guunt, luculentissimisq; scripturae sacrae testi-*  
*monijs refellunt: isti ad nudum Ecclesiae no-*  
*men tanquam ad Asylum confugiunt, & sub*  
*eodem se tutò delitescere, suasq; sordes omnes*  
*tegere se posse arbitrantur. Neque hoc no-*  
*uum est, & ante hunc diem inauditum.*  
*Maiores enim ipsorum qui Baali adolebant,*  
*deos alienos colebant, omniaq; scelera summa*  
*cum auaritia perpetrabant, Hieremia Pro-*  
*phet.a*

# EPISTOLA

- pheta hac illis obijcienti & exprobandi, hoc  
 Jerem. 7. ipsum occlamabant, Templum Domini,  
 Templum Domini, Templum Domini.  
 Quibus verbis penes se templum Dei esse ia-  
 ctabant, seq<sup>3</sup> pro veris illius ministris ven-  
 ditabant, cui ampliores & luculentiores pro-  
 missiones quàm Terpeia rupi & septi-colli ci-  
 uitati Deus fecerat. Simili fastu inflati fue-  
 runt sacerdotes tempore Christi; qui cum se  
 pro vinea Domini colonis ducerent, & apud  
 ipsos Ecclesiam esse iudicarent, Dei filium  
 hand satis idonea autoritate ad munus suum  
 obeundum instructum, quia eam ab ipsis  
 non acceperat, existimabant: eum extra vi-  
 neam ejiciebant, multisq<sup>3</sup> contumelijs tan-  
 quam schismaticum aut hereticum afficie-  
 bant. Servator noster Christus apud diuum  
 Apocal. 2. 9. Iohannem dicit, quosdã se Iudeos appellasse,  
 quo nomine Ecclesiae titulo superbiebant,  
 cum reuera essent synagoga Satanae. Singuli  
 Lib. 4. ca. ult. quoque hereticorũ cœtus (vt ait Lactantius)  
 se potissimũ Christianos, & suam esse Catho-  
 licam ecclesiam putant. Qua verba adducit  
 Tom. 1. cont. quoque Bellarminus (qui Dominici hume-  
 4. de notis ris diuturno onere iam lassis & defatigatis,  
 Ecclesiæ. c. 1. suos

# DEDICATORIA.

*suos ad sustentandā Lateranensem Ecclesiā  
 ruentē supposuisse videtur.) Ex his liquido  
 constat, non nudo Ecclesie nomini esse inni-  
 tendum, sed de doctrina veritate & politia  
 integritate esse inquirendum. Ea enim vera  
 Christi Ecclesia censenda est, quæ veram do-  
 ctrinam scripturâ Prophetis & Apostoli-  
 cis consignatam profitetur, & ordine à Iesu  
 Christo instituto gubernatur. De priori  
 Christus ait, Oves meæ vocem meā audiunt: Ioh. 10. 27.  
 D. Paulus dicit, domesticos Dei, qui sunt Eph. 2. 20.  
 Ecclesia, (Nihil enim aliud est Ecclesia, in-  
 quit Chrysostomus, quā ex nostris animabus  
 constructa domus) superstructos esse super  
 fundamentum Apostolorum & Prophetarū,  
 summo angulari lapide ipso Iesu Christo.  
 Vnde D. Hieronimus, Ecclesia non in parie-  
 tibus consistit, sed in dogmatum veritate: Hieronym.  
 in Psal. 133.  
 Ecclesia ibi est, ubi fides vera est. Et rursus:  
 Ecclesia Christi quæ habitat benè, & in toto  
 orbe ecclesias possidens, spiritus unitate con-  
 iuncta est, & habet urbes, legis, Prophetarū,  
 Euangelij, & Apostolorum: non est egressa  
 de finibus suis, id est, de scripturis sanctis.  
 Huic D. Augustinus sæpe asserit, scripturam  
 Augustin. de  
 civitate Dei,  
 lib. 3. cap. 1.*

## EPISTOLA

De unitate  
Ecclesie. ca.  
23. 4. &c.  
Bellar. tom.  
1. contr. 4. li.  
de notis Ec-  
clesie. cap. 9

*Ecclesia testem esse, eamq; demonstrare. Denique ne plura confectet, ipse Bellarminus vi veritatis victus cogitur confiteri, veram Ecclesiam dici Apostolicam, quia doctrinam retinet quam Apostoli tradiderunt. In quo cum Bellarmino eiusq; commilitonibus Ignatij Laiole tyronibus, pedem figimus, & comminus pugnamus, eosq; prouocamus ut si planè ac dilucidè nobis ostendant, doctrinam illam quæ nunc in Ecclesia Romana recipitur, & ferro flammâq; defenditur, alijsq; obtruditur, eandem esse quam Apostoli tradiderunt, suiq; sanguinis effusione obsignarunt, & nos omnes facile superabunt, & illustrem victoriam reportabunt. Si enim docuerint Apostolos tradidisse Romani Pontificis esse urbi & orbi praesidere, imperatores & reges cum excommunicare, tum de solijs deturbare, eorumq; subditos à iuramento fidelitatis & obseruantia absolvere, & in ipsos concitare: eum in iudicando errare non posse, preces peregrina & incognita lingua esse profundendas, Angelos & Sanctos vita defunctos inuocandos, & pro mediatoribus nostris apud Deum adhibendos: si ostenderint Apostolos*  
pur-



# DEDICATORIA.

*purgatorij ignem accendisse, indulgentias  
 pro pecunia vendidisse, Christum in Missa  
 pro viuis & defunctis obtulisse, calicē à cœna  
 Domini remouisse, substantiā panis & vini  
 paucorum verborum demurmuratione in  
 ipsum corpus & sanguinem Christi conuer-  
 tisse, placentam tenuem & rotundam in al-  
 tum eleuatam pro Deo ac creatore adorasse,  
 coram imaginibus procubuisse, easq; etiam  
 latriæ cultu coluisse, & ad illas inuisendas  
 longa itinera suscepisse, Monachorum &  
 mendicantiū ordines instituisse: si hac aliq;  
 eiusmodi portenta Ecclesiam primauam ab  
 Apostolis hānisse demonstrauerint, sanè re-  
 demus, & cum nosmetipsos deceptos fuisse;  
 tum alios in errorem induxisse, agnoscemus.  
 Hoc igitur premendum, in hoc ab istis om-  
 nibus viribus esset desudandum, & non ina-  
 niter, ne dicam ridicule, de externa locorum  
 & personarum successionē declamitandum,  
 ut Kellisonus, orator dulcis, disputator parū  
 vehemens, calumniator verò nimis impu-  
 dens, aliq; eiusmodi rabula faciunt. Hoc  
 præstare summo studio conatus est Bellarmi-  
 nus, quantū & ipse & aliq; Laiolani satellites*

## EPISTOLA

efficere potuerunt. Verùm quo successu, quàmque parùm profecerit, omnes qui oculos occludere nolunt, facile vident. Eius enim scripta à doctissimis hominibus D. Whitakero, D. Reynoldo, D. Sutcliuio, Francisco Iunio, Lamberto Daneo, Sybrando Lubberto, ac alijs sunt refutata & protrita: eorumq; defensio, neque ab ipso Bellarmino, aut alio quopiam suscipitur, sed penitus deseritur. Quis verò non videt quàm deplorata sit huius doctrinæ conditio, cuius propugnatio ab omnibus negligitur & respuitur?

De pontificiæ Ecclesiæ politia quid attinet dicere? quantum enim ea à Christi ordinatione defecerit, multi quibus aliquis pietatis sensus fuit, in ipso Papatu, caliginosissimisq; temporibus demonstrârunt & deplorârunt, deq; fœdis Rom. Ecclesiæ corruptelis scripta posteris reliquerunt. Quorum (ut aliquos recenseam) fuit Garardus Ridder ex superiori Germania, circa annum Domini 1369. qui duos libros edidit De fratrum mendicantium nequitijis ac sceleribus obscœnis, quod opus vocabat, Lachrymæ Ecclesiæ. Aluarus Pelagius Episcopus Syl-

# DEDICATORIA.

*Syluensis in Lusitania circa annum Dom. 1320. librum magnum edidit, quem De planctu Ecclesiæ inscripsit. Giraldus Cambrensis librum exarauit, quem Speculum Ecclesiæ appellauit.*

*Denique, ut alios omittam, Nicholaus Clemangis, Doctor Parisiensis & Archidiaconus Baiocensis, vir doctus & disertus, qui ducentis ab hinc annis & tempore Concilij Constantiensis vixit, librum de corrupto Ecclesiæ statu euulgauit. Hunc librum auuidissimè expetens, sæpè multumq̃, sed diu frustra quæsiui, tandem tamen Dei prouidentia in illum incidi, & à Doctore Bulle-  
no nuper Ecclesiæ Lichfieldensis Decano accepi: de quo in lucem emittendo multis rationibus adductus cogitaui. Primum, ut illum ab interitu vindicarem, quem Romanenses omnibus modis opprimere, & sempiternâ obliuione obruere student. Quod ex eo liquiddo apparet, quia in priore editione ingentis illius operis Lutetiæ editi, quod Bibliothecam Patrum inscripserunt, etsi aliquos huius Authoris libros ediderunt, hunc tamen de industria, ut videtur, reiecerunt: in poste-*

## EPISTOLA

*steriori verò etiam illos libros prius excusos  
 expunxerunt. Præterea in Indice librorum  
 prohibitorum per Clementem octauum nu-  
 per edito, hæc de huius Nicholai Clemangis  
 operibus verba habentur. Nicholai Cle-  
 mangis opera illa tantummodò permitti  
 poterunt, quæ iuxta censuras Patrum de-  
 putatorum emendata excudentur. Qui-  
 bus verbis Papa innuit, ut alia huius viri  
 eruditissimi scripta nisi fædè mutilata &  
 truncata non euulganda, ita hunc librum  
 penitus esse suppressendum. Cùm ergo illi  
 tantoperè doctissimorum virorum scripta  
 deprauare, mutilare, ac suppressere conen-  
 tur: eorum qui veræ pietati student officium  
 est, illa à clade eripere, & integrè omnibus  
 proponere. Deinde hæc ratione pontificijs  
 nostris laruam detrahere volui, qui de Ec-  
 clesia Romana tantoperè gloriantur, eamq;  
 tanquam virginem puram & incorruptam  
 ab omnibus ambiendam & imitandam ar-  
 bitrantur; simulq; ut omnes intelligant in  
 quàm multos magnosq; abusos & corrupte-  
 las illa dilapsa sit. Denique cùm pontificij  
 nostrorum hominum mores tantoperè accu-  
 sent*

# DEDICATORIA.

sent & exagitent (quos in plerisque à vera pietate nimium deflexisse agnosco & deplo-ro) quot quantisq; ulceribus ipsi scateant, omnes videant & intelligant. Verum quia uni testi ne Catoni quidem creditum est, ut inquit Hieronimus, testimonio plurium eorumq; idoneorum testium hac confirmanda censui. Clemangi igitur tractatum Petri de Aliaco Cardinalis Cameracensis de reformatione Ecclesie Concilio Constantiensi exhibitum adiunxi. Deinde nonnulla ex operibus Iohannis Gerson Academiae Parisiensis Cancellarij, & regis Gallie ad illud Concilium Constantiense Legati, cuiusq; magna pars fuit, collegi & adieci. Hos tres unà coniungere volui, quia συγχροοὶ uno eodemq; seculo vixerunt. Postea ex Bernardo, Iohanne Sarisburiensi, Marsilio Patavino, Theodorico de Niem, ac Alvaro Pelagio, qui omnes illis antiquiores fuerunt, aliqua excerpsti & apposui, ut ex his omnibus perspicuum fiat, quantum à vera pietate & recta rerum administratione Romana Ecclesia (quam velut filiolum vel potius matrem suam plerique deosculantur) defecerit. Po-  
stremo

## EPISTOLA

*stremò ex varijs Scriptoribus pontificijs ostendi, quàm auarè & miserè Papæ eorùmque Emisarij provincias Christianas & præcipuè Angliam nostram importunis & inauditis exactionibus spoliârint & expilârint. Ex quibus omnibus, ut de adulterina doctrina, & horrenda Idololatria nihil amplius hîc dicam, cuius constare poterit quàm iustis de causis, hoc aliâq; regna eius iugum grauisimum excusserint.*

*Hæc omnia, ut ab animò veræ religionis promouendæ studio, ac Babylonis euerrendæ cupido, profecta sunt: ita sub tuo clarissimo nomine (ornatissime Chetwoode) exire volui, ut ante mortem, quam post quadraginta annorum labores in Euangelij ministerio exantlatos indies expecto, & diu abfuturam non arbitror, aliquod grati animi indicium ac testimonium pro tua summa humanitate, quam non parcè ostendisti, sed plenè in me effudisti, & nunc ostenderem, & posteris relinquerem. Plura nunc non persequar, neque te (ut spero) currentem ad veram doctrinam amplectendam, & pietatem colendam incitabo. Tantùm te*  
*rogo,*

# DEDICATORIA.

rogo, ut hoc Leuidense munus non pro ipsius quantitate, quæ exigua, sed pro animi mei erga tuam amplitudinem propensione, quæ maxima est, serenâ fronte accipere velis. Deum Patrem Domini nostri Iesu Christi ex animo oro, ut diuina sua dona indies in te magis magisq̃ augeat, tibi ac electæ Domine coniugi tuæ, suauissimisq̃ liberis benedicat, vosq̃ omnes quàm diutissimè florentes custodiat. Apud Wobullum tuum  
12. Octobris. 1605.

Tuæ dignitatis studiosissimus:

EDVARDVS BVLKLEVS.



## Lectori Christiano.

**U**m in Epistola Dedicatoria rationes quibus adductus sum, ut D. Nicolai Clemangis librum de corrupto Ecclesia statu è tenebris eruerem, & in lucem proferrem, aliaq; scripta eiusdem argumenti illi adiungerem, supra ostenderim: è re tua (Christiane Lector) fore existimaui, site de nonnullis alijs certiozem facerem. Ac primum ut quâ fide in his versatus fuerim, intelligas. Qua in re persanctè testari, atque adeò (si opus esset) iurare possum, me eâ fide in his edendis vsum esse, quæ virum veritatis & pietatis studiosum decet, id est, optimâ, adeò ut ne verbum quidem de industria addiderim, aut detraxerim, aut immutârim. Odi enim eam libros mutilandi & deprauandi rationem, quam pontificij non modo sequuntur, sed etiam profuerunt, ut ex ipsorum iudicijs expurgatorijs in Belgio ac Hispaniâ editis, ab illis quidem quantum fieri potuit occultatis, à nostris verò in lucem protractis, quibus iam perspicere poterit. Verùm mirum nemini esse debet, eos qui corruptissimam doctrinam amplectuntur, in doctorem hominum scriptis corrupendis tam studiosè



Lectori Christiano.

diōse incumbere; cū à sacris Scripturis deprauandis, & antiquorum Patrum scriptis interpolandis manus cohibere non possunt. Quod calumniam non esse, ipse alio libro antè indicani, & posthac si necessarium visum fuerit, ac vitam Deus concesserit, me plenius & planius demonstraturum promitto ac spondeo. Hinc quoque constare poterit me in hoc D. Clemangis libro euulgando, non perfide, sed fideliter officio esse perfunctum, quia eum non ex manuscripto, sed typis excuso, idq; Roma, ut præ se fert titulus, profero: quem si qui habeant (ut aliquos habere non dubito) eumq; cum hoc contulerint, facile perspicient, quæ mea fides in eo recudendo fuerit. Idem illi quoque intelligere poterint, qui hunc ipsum in Gallicam linguam transsumum, ac 40. abhinc annis Aurelia excusum viderint & examinauerint, quem D. Iohannes Reynoldus huius Ecclesie decus & ornamentum, mihi anno superiori ostendebat.

Præterea te scire cupio me Rithmos illos qui D. Clemangis librum sequuntur, non à meipso addidisse, sed in exemplari quod sequutus sum, inuenisse: quis eorum Author fuerit, me latet. Deinde duas illas D. Clemangis Epistolas de materia Concilij, quæ in fasciculo rerum expetendarum & fugiendarum continentur, (qui liber valde rarus est) quia doctæ ac utiles sunt, & à superiori argumento non omnino alienæ, adiungendas

## Leſtori Chriſtiano.

*gendas eſſe iudicani. Atque optarem, ut ſi qui vel alia huius Authoris opera, vel illa aliorum quos antè nominavi, ſcripta habeant, ea non intra priuatos parietes contineant, ſed in publicum ad Eccleſiæ utilitatem proferant. Narrauit mihi M. Thom. Iames vir eruditus & de literis bene meritus, eſſe quadam D. Clemangis opera non typis excuſa, ſed manuſcripta in Bibliotheca illius Collegij Oxoniensis, quod Nouum appellatur. Gratum mihi aliſq; ille aut alius quiſpiam faciet qui ea à tineis & blattis eripiet, & in publicum aliorum uſum producet.*

*Ad extremum te rogo, Chriſtiane Leſtor, ut hos meos qualeſcunque labores in his colligendis & edendis non Theonino dente arrodas, ſed candidè in bonam partem accipias, utq; errata quæ Typographi incuria commiſſa fuerint, corrigas, ipſe enim prælo adeſſe non potui. Poſtremò, ſi quam utilitatem ex his ceperis, mei apud thronum gratiæ in pijs tuis precibus memora eſto. Vale.*

Nicolai



fatis horrenti & perturbato, pressuræ ac calamitates quas nunc Ecclesia perfert, & quascunque maiores multo ( nisi falsum mens conjiciat ) passura est. Occurrerunt & pariter causæ tantorum malorum iustissime. Nam cū ecclesiæ ipsius ministros ( quorum dos & possessio Christus esse debet ) ab omni contagione terrenæ cupiditatis excussos esse oporteat, cū pudicos esse conueniat, & ab omni inquinamento, carnisque petulantia alienos, qui cœlestia sacramenta, preciumq; dignissimū redemptionis humanæ tractant, conficiunt, alijsque conferunt: cū pij esse debeant, qui piissimum iudicem vicariā sorte representant: cū iusti, qui iustissimum, humiles, qui humillimum, concordēs & pacifici, qui pacis atque cōcordiæ inter Deum & homines esse debent conciliatores ac mediatores. Postremo cū eos deceat omni luce virtutum clarescere, qui in speculā positi, forma & exemplar viuendi cœteris esse debent: sed pro his atque alijs quibus adornari deberent virtutibus, omnium colluione vitio-

vitiorum contaminati sunt. Quid tãdem mirum, si illis multa aduersa eueniunt? aut si auersus ab eis Deus, immanitate facinorum, dicat verba Psalmi: *Odiui Ecclesiam malignantium?* Atque vt pauca de vitijs ipsorum quibus ab irato Deo iure affligi meruêrunt, enumerando perstringam, primum à cupiditate (quæ omnium fomes ac radix est malorum) initium sumamus.

Nemo est ( vt opinor ) qui non satis audierit & mente teneat, quantum Christi Ecclesiæ ministri, viri vtique probatâ virtute clarissimi omniq̃ue tempore laude meritò celebrandi, terrenam opulentiam contempserint, quàm nulla cura vel labore temporalia commoda quæsierint, solis victu & vestitu abunde contenti: *Habentes, inquit Apostolus, alimenta, & quibus tegamur, his cõtenti simus*, quamq̃ liberaliter rem familiarem ( si aliunde vberior obuenerat ) ad inedia pauperum subleuãdam erogare curauerint. Metuebant profecto deuotissimi homines, solam rerum coelestium meditationem ani-

Causa pri-  
mitiæ iun-  
dationis &  
dotationis  
Ecclesiarum

mo gerentes, ne si ad hæc transitoria amplectenda suum paulo latiùs affectum adiecissent, tanto animus eorum à spirituali contemplatione (cui se totos deuouerāt) auocatus, minus in Deum ferretur, quanto esset ad inferiora curanda atque cogitanda magis inflexus. Docti insuper cœlesti magisterio, *Deo pariter & Mammonæ seruire non posse*. Sed diuinâ agente gratiâ, quanto magis aspernabantur temporalem substantiam aut gloriam, tanto illis abundantius omni ex parte affluebat, instar vmbræ, quæ sequentem fugit, at vero si fugias, semper indefessa comes insequitur. Cernentes etenim seculares homines tam Principes quàm alij locupletes, eiusmodi virorum Dei sanctam & sinceram conuersationem, ab omni terrena fece, igne diuini amoris excoctam, certabant vndique illis copiosissima bona congerere, vt ab omni curâ soluti, feruori possent deuotionis (absque interruptione) liberiùs incumbere: beatos se existimantes, si aliquid quod de suis opibus in vsus istiusmodi cõtulissent, recipere dignarentur,

narentur, & pro se suorumque expiatione peccatorum, apud diuinam clementiam intercessores fieri, sic multis præclaris dotibus opibusque magnificis Ecclesia aucta & insignita est. Sic fundata coenobia, conuentus instituti, extructa Capitula atque Collegia, sic sedes pontificales & parochiæ exortæ, sic templa, sic basilicæ pulcherrimæ sumptibus ingentissimis & mirabili opere ex Principum plebiumque impendio fabricatæ, sic denique omnes gradus, vniuersæque professiones hominum ecclesiasticorum in amplissimas copias excreuerunt, quas primitiui illi patres (qui suis eas adquisierunt virtutibus) non in profanis vñibus (quemadmodum nunc plerique) consumpsērunt, sed aut in elemosynas & hospitalitatem coeteraq; charitatis ac pietatis opera impendebant, aut si quid istis operibus mensæq; frugali supererat, in cellas ædificandas, si fortassis alij fratres coelitus inspirati religionis gratiâ aduenissent, inque alia paranda, quibus parandis opus erat, conuertebant. Nullus his

De laude  
priscorum.

thesaurus erat, nisi bonorum operum, sed amplissimus ille & refertissimus, nulla argentea vasa nec aurea, stanneis & fictilibus bibebatur, nullus magnorum equorum phalerarumque apparatus, nulla histrionum turba præambula, nullus calamistratorum aut comatorum iuuenum comitatus, virgatis monstriferis habitibus, patulis & terratenus defluentibus manicis, quasi ritu barbarico indutorum. Foelix erat his incolis mundus, plenæ vrbes & agri populis, quos nulla aut rara lues absolvebat, plena armentis stabula, pecora foetibus, pomis arbores, fata frugibus, quia & coeli temperies terram in suo influxu ad apta quæque germina fecundabat. Et terra nulli obnoxia maledicto, sed vberi benedictione, horum interuētu donata, quasi ultro ferax erat omnibus bonis. Viuebant diu homines, prosperaq; valetudine fruebantur: nulla erat domi seditio, nullus foris metus, pacata omnia, tuta & tranquilla. Vigebant in hominibus illius sæculi, charitas, innocentia, fides, pietas, iustitia, sincera amicitia,



citia, rara fraus aut calumnia proximo fiebat. Quoniam in sanctâ vitâ & salubri doctrinâ pastorum, totius boni exempla, suo gregi æmulanda relucebant. Tanta siquidem apud Deum erat talium viro-  
rorum ex vitæ integritate potentia, ut suæ intercessionis obtentu, bona mun-  
dus amplissima adipisceretur, & aduersa pauca sentiret.

Vbi vero (ut fere assolet) paululū ex di-  
uitijs rerūq; secundarū affluentiâ, luxus  
& insolentia in Ecclesiâ subiēre, tepefce-  
re sensim cæpit religio, virtus hebesce-  
re, solui disciplina, charitas minui, tolli hu-  
militas, paupertas opprobrio esse, simul-  
que parsimonia. Sed ut pompis & luxui  
res subesset, auaritia crebrescere, quæ non  
suis diu contenta finibus, aliena non mo-  
do ambire, sed rapere & inuadere moli-  
retur, inferiores opprimere, & tam iure  
quàm iniuriâ spoliare. Et quoniam latif-  
simum hunc campum ingressi sumus, li-  
bet de execrabili hac peste (quæ Eccle-  
siam iam adeo consumpsit ut pauca re-  
stent consumenda) paulo latius loqui.

De insolentia orta ex affluentia rerum temporalium in Ecclesia.

Ordiri autem rectissimè à prophetico possumus oraculo, & cum sancto Propheta Hieremia de ministris nostris verissimè hodie dicere, *à minimo usque ad maximum omnes auaritiæ student, & à Propheta usque ad sacerdotē cuncti faciunt dolum.* Quid enim satis dicere de eorum auaritiâ inexplibili possumus, quæ laicorum omnium negotiatorum cupiditatē superare videtur? immo quæ secularibus vniuersis (seu Principes seu plebei sint) omnis iniustitiæ, doli, fraudis & rapinæ prouocatio est & incitamentum: dum simplices ouiculæ pastorum suorum exempla imitantes, quæ eos agere viderint sibi licere arbitrantur. Sed nos istius pestis nefariæ ab ipso summo vertice usque ad pedes originem & progressum videamus. Postquam (sicut iam dicere coeperam) ex rerum opulentiâ, studium temporalium mentes seruorum Domini occupare coepit, Deo simul & Mammonæ duobus dominis tam aduersarijs non potuerunt pariter deservire. Fuit itaque necessarium vt quantum diligentie in vnius seruitium

seruitium impenderēt, tantum alteri subtraherent. Quanto vero amplius animū ad temporalia lucra adiecerant, tanto magis illa sitire, tanto amplius immergi in illis, sicque à coelesti amore longiūs auerti coepērūt. Hanc enim diuitiarum naturam nouimus, vt quo vberius habentur, eo abundantius animum ad sui semper incrementum maiori accendere soleant concupiscentiā. Ita igitur factum est, vt paulatim extincto in cordibus eorum spiritu, frigescente charitate, tepente deuotione, Deo deniquè oblito, solis terrenis fructibus capescendis inhiarent, sola in dignitatibus beneficijsq; alijs emolumenta pensarent. Nulla prorsus hodiernā die in assumēdis pastoralibus sarcinis, in curāq; animarum subeundā de seruitio diuino, de salute subditorum aut ædificatione, mentio habetur, de prouentuum vbertate tantūmodo & quantitate quæritur. Nec vero tantopere quæritur, quanti sit præsentī hominī & in Ecclesia rite seruienti valor beneficij, quàm quid suo possessori longius otia agenti & perpetuo fortassis ab futuro

abfuturo, annuo prouentu reddere valeat. Quis enim beneficium nunc postulans (neque enim cuiquam quantumlibet merito absq; postulatione instanti & importunâ tribuitur) quis inquam talis, quis sanctus veneretur in Ecclesiâ per eum requisitâ inuestigauit, quæ illic sanctorum dotes, quæ capsæ, quæ reliquiæ habeantur? Quis de qualitate plebis (cui præesse expetit) de moribus aut vitijs interrogat? Quis monasterium cupiens de regulæ in illo obseruatione, de tenore religionis, cultu ceremoniarum, de subditorum disciplinâ percunctatur? Quis humerorum suorum vires librat, an sufferendo oneri cui se supponere querit, sufficiat? Quis sua aut subditorum pericula cõsiderat? Quis eis prædicat aut euangelizat? Quis viam per quam ad salutem perueniant, factõ aut verbo demonstrat? Imo vero quis hodie prælatorum non quâcunque viâ potest suos vndiq; subditos spoliât? Quis eorum miseretur inopiæ? paupertati cõdolet? subuenit indigentia? Immo quis indigentiam ipsorum non iure & iniuriâ ampli-

amplificat? Et (vt ita rem se habere, à supremo Ecclesiæ vertice vsque ad membra humilia doceamus) primum de ipso capite à quo coetera pendent (si placet) inspiciamus.

Postquam ergo affluentia rerum mundanarum exuberantia & (maiorum virtutibus postpositis) immensa auaritia, cum ceca ambitione virorum ecclesiasticorum inuasit animos, quo ad hoc consequens fuerat, vt fastu elationis atque dominationis extolli coeperint, & luxu effœminato resolui: tribus itaque dominis exactoribus, vtique infestissimis, fuit satisfaciendum. Luxui, qui delitias vini, somni, epularum, munificorum ludorum, effœminatorum lenonum, scortorumq; exposcebat. Fastui, qui domos excelsas, castella, arces, palatia lata, & abundantissimam supellectilem vestium charissimarum, equorum familiarium pompaticam requirebat ostentationem, & suæ cupiditati, quæ ingentes ad hoc thesauros studiosius condebat, vt ad præmissa explenda suppeterent, aut si satis aliunde proue-

De tribus vitijs ex quibus coetera mala orta sunt in Ecclesia.

proueniret explicanda esset, ad pascēdam saltem ex figuræ numismatis aspectu, oculorum delectationē. Quorum proculdubio dominorum insatiabilium ad exequenda mandata desideriaq; perficienda, aurea (vt in fabulis est) Saturni sæcula (si orbi hac tempestate recurrerent) nec sufficere posse viderentur. Quoniam ergo ad ea agenda quæ hæ tres rapaces Harpiæ exquirebant, nullus quantumlibet optimus & redditibus amplissimus præsulatus sufficere posse compertus est, subsidia aliunde quibus eis satisfacerent excogitata sunt.

De exorbitantijs per summos pontifices in ecclesiâ introductis.

Summi etenim Pontifices (vt tandem ad eos veniam) qui quantum primatu & authoritate se videbant coeteris præstare, tantum in huius primatus & supremæ potestatis argumentum, plerunque se super alios libidine dominandi extulērunt, ceruantes emolumenta Romani Episcopatus, Petriq; patrimonium super regna quæque amplissimum (licet eorum ignauia satis iam attenuatum) ad status reuerentiam, quem vltra Imperatores & reges

reges omniumque gentium principes in excelfo extolli statuêrunt, nullo modo suffectura, in aliena ouilia lanâ & lacte copiosa, incurrêrunt.

Omnium quippe Ecclesiarum vacantium, quâcunque per orbem terrarum Christiana religio protenditur omnium præfulatuum aliarumque dignitatum electione fieri solitarum, iura & collationes sibi attribuêrunt, electiones ipsas à sanctis olim patribus in tantâ vigilantia & utilitate institutas, cassas atque irritas esse decernentes, ut vel sic sua vberius complere possent marsupia, ex omni que provinciâ Christiano nomini dedicatâ, molem auri atque argenti infinitam ad suæ opus cameræ, sedulâ negotiatione congregare.

De abolitione electionum & reservatione beneficiorum.

Quæ Camera quanti constiterit, quantum vniuersas Ecclesias, regna pariter & provincias exhauserit, & inenarrabile est & prorsus incredibile. Sed fortè Romanæ sedis antistes, creationem Pôtificum, collationemque superiorum graduum Ecclesiæ idcirco abolitis electionibus ad suum reuocarunt arbitrium, ut suâ prouisione salubrius

De Camera Apostolica.

salubrius confuleretur ecclesijs, rectoribusq; in illis, tū vt vitā laudabiliore, tum doctrinā præstantiores instituerētur. Forſan ita factum hac de cauſā quis crederet, niſi res ipſa ex aduerſo reclamans, apertius doceret poſtea quī hęc ſunt, ignaros inutilēſque homines ( dummodo pecunioſos ) ad gradus ſublimiores Eccleſiæ, patrociniſi Simonis euectos, qui ſuſcepta creditaque ouilia qualiter adminiſtrent, poſterius dicam. Sed de ſummis Pontificibus inchoatus ſermo prius mihi abſoluendus eſt, qui vt regifico luxu ſuū, quemadmodum habebant ſuper omnes mortalium magnificentias, ſtatum exaltarent, non ſolum ea egērunt quæ de electionibus audiſtis, verū vt aurei riuuli omni ex parte deriuati, ſuam vberius curiam irrigarent, omnibus dioceſanis & patronis præſentandi facultatem, conferendique libertatem, quoquoque alio modo de ſuis beneficijs diſponendi ademērunt, interdicientes illis ſub poena anathematis, de auſu temerario ( ſic enim illorū loquitur tritum iam frequentiori vſu reſcriptum )

De expectatiuis & qualitate currentium ad Curiam Romanam.



Scriptum) sub quouis beneficio sibi subiecto aliquem instituere præsumerent, quamdiu quis occurreret ex illis, quos suâ autoritate beneficia illa expectare concesserant qui illud adipisci vellet. Quantum vero (Deus optime) expectantium numerus, ex illo tempore & qualium vndique effluxit, atque ibi præsto fuit? Non tamen à studijs aut scholâ, sed ab aratro etiam & seruilibus artibus ad parochias regendas, coeteraque beneficia passim proficiscebantur, qui paulo plus Latinæ linguæ quàm Arabicæ intelligerent, immo qui & nihil legere & (quod referre pudor) Alpha vix noscerent à Beta discernere. At morum in illis compositio, hanc forte ignoratiam excusabat, immo si parum docti, negligentius morati, utpote qui absque literis in otio educati, nihil nisi impudicitias, ludos, comestiones, iurgia, vaniloquia sectentur. Inde omnibus in locis tot sacerdotes improbi & miseri, atque ignari, qui ruine & scandalo suâ turpi conuersatione subditi sunt. Inde in ore vulgi tantus sacerdotum contemptus,

tus, tanta vilipensio. Inde totius ordinis ecclesiastici dedecus, ignominia, opprobrium, & nimis erubescenda, si erubescere scirent: sed frons multorum attrita erubescere nescit. Olim summo in honore apud seculares sacerdotium erat, & nihil venerabilius præsbyterali ordine: nunc verò nihil abiectius aut despicabilius.

De vacantiis  
& alijs vecti-  
galibus ec-  
clesiam op-  
primantibus

Adiecêrunt autem summi Pontifices personis ecclesiarum & ecclesijs ipsis vltra præmissa onera, vectigalia alia ad illam suam Cameram, immo potius Charibdim fulciendam. Statuêrunt namque vt quoties aliquem virum ecclesiasticum quâcunque foret dignitate vel conditione ex istâ luce migrare contingeret, aut suum cum altero quouis qualecunque beneficium permutare, totiens omnes prouentus primi anni secuturi certam ad summam suo arbitratu taxatos, sua memorata Camera acciperet. Quod si illam fortassis summam annua fructuum collectio, aut ex diminutione fructuum, aut alia calamitate cōficere non posset, trienniali vel quandoque quadrienniali fructuû exactione

exactione ad summam ipsam pertingi voluêrunt. Quid prælatorum spolia? quid creberrimas decimas omnibus ecclesiasticis indictas? quid angarias alias commemorem? quid concessas Principibus super clero vniuerso à Papa & pontificibus exactiones cum seculari in illos soluendi coertione? quid retentas procurationes & sine vlla visitatione ab ipsis Episcopis & Archidiaconis ibi subtractas? quâ nescio an maiorē plagam Ecclesia sustineat. Quantæ enim pernitiei est Ecclesiarum visitationes, rectorumque reformationes penitus repressisse atq; extinxisse de politia Ecclesiasticæ destructione quæstum atque emolumenta percipere? Quid infinita alia quotidiana onera tributorum ab infortunatissimis Ecclesiarum ministris exacta (quæ longum esset exequi) particulatis referam?

Ad hæc autem omnia exigenda & ad illam seu Cameram (seu potius Charibdim dixerim) transportanda suos per omnes prouincias collectores instituêrunt, illos videlicet quos scirent in extorquendo

De institutis  
one collectarum & malis  
per eas illatis.

C

argento,

argento, vel industriâ aliquâ vel diligentia, vel naturæ acerbitate acriores, & qui nulli omnino parcerent, nullum eximerent, sed vel ex silice aurum elicerent, quibus & authoritatē annuerunt, quoscunque etiam Prælatos anathemate ferendi, extraq; communionem fidelium exturbandi, nisi intra præfinitos dies de postulata pecunia satisfacere curassent. Quanta autem hi collectores mala egerint, quantum pauperes Ecclesias ac personas oppresserint, ne vnquam ex loco isto pateat exitus, vtilius est præterire. Hinc illæ tot quærimoniæ infortunium Ecclesiæ ministrorū quos audiuius & cernimus sub importabili iugo iuge portare ministeriū, immo fame pereuntium. Hinc illæ suspensiones à diuinis, illæ à templi liminibus interdictiones, illa anathemata grauissima totiens exaggerata, quæ non nisi rarissimo vsu & pro horrendo scelere à patribus infligi solebant, cū per ea homo à fidelium contubernio segregatus, in potestatem Sathanæ redigitur. Sed hodiernis diebus adeo inualuerunt, vt passim

sim pro leuissimo, quasi delicto, sæpe etiã pro nullo inferantur. Sicq; in nullum timorem, sed in extremum peruenêrunt contemptum. Hinc præterea illæ tantæ Ecclesiarum ruinæ, illa tot monasteriorum excidia, illa sacrarum ædium tot in locis solo æquatarum deiectiones, dum ea quæ in illis instaurandis ac reficiendis impendi solebant, in his tot vectigalibus exsoluendis impenduntur, quinetiam vt compertum est, ex illis quibus res accidit, sacrosanctæ reliquiæ plerisque in Ecclesijs pro horum redditione tributorum, Cruces, Calices, feretra, aliâq; preciosa ornamenta vænierunt. Quis nescit tot Abbatibus, totq; alijs prælatis, cum decessissent, Cameræ præ inopia obnoxij, negata funeralia, negata exequiarum solennia, negatam humationem, nisi fortè in agris, aut hortulis, aut prophanis alijs sedibus clanculò tumulati sint? Coguntur (vt videmus) sacerdotes præ angustia rei familiaris, suas villas, sua loca, sua beneficia deserere, & famelici passim victû quæritare, laicisq; hominibus in prophanis

phanis officijs ministrare. Tulerunt aliquamdiu hæc onera pingues adhuc & vberes Ecclesiæ, sed iam, verè omnibus lōgo emungendi vsu exhaustis, vltra portare nequeunt.

De litigijs  
Curie Ro-  
manæ.

S. Clemens  
Papa agens  
Aunione.

Præterea multa alia me præterire necesse est, si ex hac velim abyſſo emergere, quot in Romana curia sint (sic namque illam vocabat, quamuis longe à Roma distaret) fraudes? quot doli? quot calumniæ? quot per illos litium venatores pecuniâ corruptos, contra innocentum iura insidiæ? quot venalia illic iudicia? quantum ibi aurum valeat ad euertendum iustitiam? quàm raro pauper optatum finē de lite referat, si modo aduersarium opulentum nactus fuerit? Cur tam pauci admodum quocunque nituerint titulo absque lite & aduersario beneficium obtineant?

De regulis &  
constitutionibus  
Can-  
cellariæ.

Nam quid hæ tot nouæ regulæ & constitutiones per vnumquemque pontificem editæ, vltraque antiqua iura & paternas sanctiones obseruari iussæ, nisi quidam captiosi laquei sunt, atque vberissima  
litium

litium materia? quibus illi cauilloſi curiales, ſophiſticiq̃ue iurium peruerſores, ad exſuſcitationem infinitarum litium contra ius & veritatem mille nocendi artibus abutūtur, vt vix aliquis inueniatur, etiam ſi titulum ſole lucidiorem demonſtraret, qui abſque controuerſia beneficium tulerit.

Ita namq̃ue florere & foelicē eſſe ſuam illam affirmant Curiam, ſi multis vndique cauſis, litibus, querelis & concertationibus, clamore inſaniſſimo perſultet, contra vero inutilem, deſertam, inopem, ſi litibus ſit vacua, ſi pace gaudeat, ſi ſuis poſſeſſoribus ſua pacificē iura permittantur. Nihil itaque hodie vel parum intereſt, quo pacto beneficiū quis habeat, vtrumne vero oſtio verus paſtor introeat, an doſoſē aliunde vel latro irrumpat. Quod ſi explorator aliquis intelligēs liquidò poſſet diſcrimen vtrorumq̃ue internoscere numerum, quod non eſt apud me dubium, plures nunc latrones in Eccleſia repertum iri quàm veros paſtores, vt iam vera ſit Chriſti ſententia quā ait ad nego-

De proſperitate Curie Romanæ.

tiatores de domo sua eiectos, *Domus mea domus orationis est, vos autem eam fecistis speluncam latronum.*

De statu &  
introduc-  
tione Cardina-  
lium.

Iam verò Cardinalium qui Papæ affi-  
dent spiritus, verba tumentia, gestus tam  
insolentes, vt si artifex quisque vellet su-  
perbię simulachrum effingere, nullâ con-  
gruentiùs ratione id facere posset, quàm  
Cardinalis effigiem oculis intuentium  
obiectando, ex sortis tamen infimę Cle-  
ricatu in hanc elationem cum sedis Apo-  
stolicæ pompatus incremento, peruene-  
runt: quippe quibus id olim erat negotij  
vt efferendis mortuis, sepulturę quę man-  
dandis inseruirent. Nunc vero phylateria  
sua in tantum dilatauêrunt, vt non modo  
Episcopos (quos episcopellos solent pas-  
sim vocare) sed Patriarchas, Primates, sed  
Archipræsules velut infra se positos des-  
piciant, immo se iam ab illis supplicibus  
propemodum adorari sinant, quinetiam  
reges ipsos æquiparare contendant. Sed  
hac eorum omiſsa vanitate, quis immen-  
sam & inextricabilem voraginē ipsorum  
concupiscētiæ verbis equare valeat: nulla  
prorsus



prorsus ad hoc verba sufficiunt, nullum ingenium, nulla facundia. Quoniam de re ista plenè differere non nostræ facultatis est, pauca solum summam attingam ex aceruo grandissimo excerpta.

Atque inprimis quantæ illud auiditatis est, quòd tantam multitudinem beneficiorum inuicem repugnantium tenent: quod Monachi simul & Canonici sunt, regulares & seculares, quod sub eodem habitu omnium religionum, ordinum, professionum, iura & officia beneficiaq; possident: Non quidem duo vel tria, decem vel viginti, sed centena & ducentena, & interdum vsque ad quadringenta vel quingenta aut amplius. Nec parua vel tenuia, sed omnium pinguissima & optima, quibus si contenti essent, postquam ad summam illam numerosam peruentum esset, nec vltra quærerent, prosperè cum pauperibus clericis, qui reliquias eorum expectant, ageretur, sed quantumcunque ad numerum aut summam venerint, ad ampliorem festinant. Nouas indies gratias, nouas cōcessionones petunt.

De multitudine beneficiorum Cardinaliū & eorum incomparabilitate.

Quas cum senferint ad finem properare, integras reformari, aut denuò in maius augeri sine vlla cessatione exposcunt, sic omnia vacantia (quæ alicuius sunt momēti) amplectuntur, omnia rapiunt, omnia auferunt, nihil omnino, saltem quod fructuosum sit, vel pauculum nimis alijs partiendum relinquitur. Nec tamen illâ vndâ tantâ beneficiorum extinguitur, sed vehementiùs ardet, & arentes animi fauces magis semper accendit, non modo illis fructibus omnium ecclesiarum toto orbe constructarum, sed neque tota auri mole. quàm Tagus suis arenis secum vehit, quamq; Pactolus voluit, explebiles.

De contrac-  
tibus simo-  
naicis.

Cernentes igitur inopes alij & calamitosi ecclesiastici, nihil se posse consequi, sed omni prorsus spe alicuius boni nisi his authoribus, destitutos, non habentes quid faciant, aut quo se vertant, ad hos ipsos se conferunt, & aut cum simonaicâ prauitate beneficia ab eis mercantur, aut pensione annua (quod æque simonaicum est) ab illis redimunt, aut vestigijs eorum aduoluti, in suam familiam admitti postulant,

stulant, vt vel longo famulatu, sæpe etiam ignominioso, aliquem in Ecclesiâ titulum pariant. Nam quid hodierna die est quod sibi aliquis de probis moribus vel eruditione quo promoueri valeat, blandiatur? Non iam his artibus ( vt quondam apud maiores fieri solitum esse accepimus ) ad honores Ecclesiæ ascēditur, sed illis quas modò retuli, quasque de secularium potestatum famulatu & importunis petitionibus paulò post relaturus sum.

In Monasterijs autem & locis alijs in quibus beneficia Cardinales occupant, quomodo Deo seruiatur, quomodo domus & ædificia labentia reparentur, res ipsa loquitur. Omnia illic corruunt, omnia labuntur, omnia pereunt, adeò vt sæpè oporteat omnem ab eis administrationem per laicam manum subtrahi, donec reparationes ibi necessariæ ( quæ nunquam aliàs fierent ) expletæ sint. Quomodo ibi viuatur, qualis disciplina aut regula obseruetur, nihil ad eos attinet, dummodo suorum procuratorum solertia bursa sua nummis multis onusta, redeat.

De statu beneficiorum  
Cardinaliū.

deat. Sed iam diutius quàm oportuerit, leuiores rerum mediocrium detrimenta querimus, ruinam potiùs vniuersalis Ecclesiæ, ex dira ambitione horum proborum virorum profectam queramus. Quis enim nesciat feram truculētissimam omnia exterminantem, consumentem, profligantē, sectionis scilicet scismaticæ horrendam pestem, per nequitiam Cardinalium in Ecclesiæ gremium iniectam, fectam, auctam, propagatam, tamdiu inueteratam? quæ quantā cum perniciē per tres fermē & viginti annos Ecclesiam omnibus viribus, omni laude, omni honore nudauerit, quantum eam in profundum omnium miseriarum, malorum dimiserit, vix Tullius (si reuiuisceret) satis eloqui posset.

De ommissione  
multiplicium  
vitiis  
Ecclesiæ.

Transeō simoniacas apud Papam intercessionēs, transeō patrociniā venalia, transeō corruptiones aut promotiones turpissimas & damnatissimas, quę omnes ferē istis authoribus & suasoribus fiebāt; transeō mercedes & stipendia temporalium Dominorum, quę cum maximo Ecclesię

Ecclesiæ dispendio cupiebant, vt in eorum negotijs adiutores & curatores & consiliarij forent, magis illis proculdubio quàm Ecclesiæ consulentes, immò dum eis placerent, Ecclesiæ incommoda minimè curâtes. Nec enumerare volo eorum adulteria, stupra, fornicationes, quibus Romanam curiam etiam nunc inestant, nec referre obscœnissimam illorum familiæ vitam, à dominorum tamen moribus nullatenus absconam: sed nec illud etiam refero, qui vsuras & comerca publicè exercent, quàm mercatoribus ac numularijs suas pro mutuò mutuant pecunias, quâ ex causâ numularios supremæ tabulæ non incongruenter eos quidam vocant. Hæc omnia aliaque permulta etiam grauiora (quæ longa nimium narratione onerosam redderent orationem) prætereo.

Sed me præterire nō deceat, priusquam de hac Curiâ egrediar, quantam & quàm abhominabilem fornicationem Papa & hi sui fratres, cum seculi Principibus inierint. Namq; vt sua dominia immo vero

vt

De promotionibus ad instantiam principum per Papam solitis fieri.

vt suam tyrānidem omnibus, nec iniuria, supra modum inuisam, inconcussā stabilitate cōfirmare possent, sicq; tuto quodcunque libitum esset peragere, temporalium Principum, ad quorum se imitationem componere atque conformare in animum induxerant, captare amicitias, fauiores conquirere quācunque possent industria studuērunt. Nunc multa beneficiorum his pro quibus exegissent, largitione, nunc encenijs & donis, nunc promissis vberimis, sæpe assentationibus & Gnathonicæ doctrinæ versutis fraudulentij. Itaque ne longum faciam adeo se & Ecclesiam vniuersalem eorum arbitrio subiecērunt atque dediderunt, vt vix aliquam paruulam Præbendam nisi eorum mandato vel consensu in prouincijs eorū tribuere ausi essent. Si Episcopus aliquis obierat, si Decanus vel præpositus, vel alia quælibet persona ecclesiastica, aliquis in demortui locum surrogari appetens, non prius ad Regem quàm ad Papam ibat, immo verò quis ita insanus vt absq; Regijs literis ad Papam postulaturus accederet?

cederet? Mirabile dicturus sum, & quamquam vix credibile, veruntamen si quis Papæ necessarius, propinquus, familiaris, aut quolibet alio titulo dilectissimus, pro sua apud eum promotione institisset, regales ante omnia ab ipso met pontifice iubebatur literas quærere: alioquin se frustra niti, omniaq; tentamenta in vacuum abitura, quantumcunque ad gratiam illi faciendam, Papæ esset procliuis animus. Quàm vero importunè, quàm improbè, quàm manu (ut ita dicam) ensifera terreni ipsi domini per suos sollicitati, Papam per suas quotidianas literas vrgebant, nequaquam credibile foret, nisi res usu assiduo promulgata, certitudinem faceret. Plus enim præceptorij & comminatorij scriptis res agebatur quàm commendatorij vel precatorij, quibus si detractassent pontificibus obtemperare, & alteri quàm pro quo petebatur contulissent; certum erat illum non recipi. Sic itaque omnes vacantes præsulatus, omnia beneficia fructuosa, secularis illa familia omnium rerum Ecclesiæ mysteriorum ignara,

vi atque importunitate extorquebat, nulli eruditi viri (de literarum sacrarum eruditione loquor) nulli probi, iusti, virtuosì, qui Curiarum limina rariùs terunt, ad suprema dignitatum fastigia veniebant: sed ambitiosi quiquè, sed adulatores, sed histrionici, sed omnibus vitijs imbuti, quales in aulis Principum frequentes conspiciamus. Nam quotusquisquè hodie est ad pontificale culmen euectus, qui sacras, vel perfunctoriè, literas legerit, audierit, didicerit, immo qui sacrum codicem nisi tegumento tenui vnquam attigerit, cùm tamen iureiurando illas in sua institutione se nosse confirment? Aut pontificia tenent homines ignari & illiterati, aut si qui literati sunt, hi solummodo temporalia Imperialium legum præcepta sacerdotibus interdicta, lucrosasque scientias secuti sunt: nihil omnino de lege diuina vel spiritali eruditione quâ plebs ad salutem erudienda est, sentientes.

Quòd cõgregatio pecuniarum est præcipua cura prædictorum Prælatorum.

Igitur iuxta morem suarum professionum, summo vndique studio ad lucrum inhiant, non quidem animarum, sed crummenarum



menarum potiùs quæstum vbique explorant, quæstum flagrant, quæstum pietatem putât, nihil omnino agunt, nisi quod ad colligendam quacunque ex occasione pecuniam suffragari posse crediderint, pro ipsa altercantur, certant, iurgantur, litigant, multò æquanimiùs laturi iacturam decem millium animarum, quàm decem vel duodecim solidorum. Sed me iure reprehendo qui æquanimiùs dixi, cum nullo animi motu vel turbatione, animarum dispendia, de quibus non modo nulla apud eos cura, sed neque cogitatio est, excipiant, damna vero suæ rei familiaris etiam leuia, furiatâ prope mente sustineant. Denique si quis fortassis pastor surrexerit qui non hoc more incedat, aut qui pecuniam contemnat, aut auaritiam damnet; qui deniq; non omnia seu iusta seu iniqua, aurum à suis subditis extorqueat, aut salutari exhortatione vel prædicatione animas lucrifacere studeat, & plus in lege Domini quàm in legibus hominum meditetur, extemplo in morsus ipsius omnium dentes acuen-  
tur.

tur. Illum prorsus ineptum, nec dignum sacerdotio clamitabunt: quippe qui legum humanarum nescius, iura sua defendere non idoneus sit, suos subditos regere, mulctare & coercere per Canonicas censuras non nouerit, nihilque aliud didicerit, nisi inerti etiam otio aut sermocinationi incumbere, quæ officia mendicantium palam esse astruunt, nullâ temporali curâ vel administratione, quæ utiliori occupatione suos animos teneat, fûgentium. Iam itaque sacrorum eloquiorum studia cum suis professoribus in risum atque ludibriû omnibus versâ sunt, & persertim quod magis prodigiosum est pontificibus, qui suas traditiones, diuinis longè mandatis anteponunt. Iam illud egregium & præclarissimum prædicandi officium solis quondam pâstoribus attributum, eisque maxime debitum, ita apud eos viluit, vt nihil magis indignum aut magis suæ dignitati erubescendum existiment.

De virijs  
Prælatorum.

Sed, ecce dum animaduerto proprias Curiae Romanæ ægritudines ad ea (quæ  
vna

vnâ secum alijs etiam prælatis communia sunt) vitia delapsus sum, quæ tamen magis in peculiari (quia locus incidit) succincta relatione pertractare volo. Principio nulli debet alienum vel mirum videri, si corradendis omni ex parte pecunijs nostri prælati summopere inuigilent, si macri, tenues, atque inaniti succo lanâ & lacte suarum ouium se incrassare student, quibus pastores fieri tam charò constitit. Muscæ enim (vt in prouerbio est) macie confectæ asperius mordent: cuncta quoque animantia esurie inanita auidius in prædam feruntur. Quamuis enim ante susceptam curam pastoriâ locupletissimi essent (neque ad hoc indigentes solent admitti) tamen ex ministerio sibi collato suos saltem maximâ ex parte euacuari loculos oportuit, quare æquè non immeritò summo iterû labore replere insistunt. Exemploque sapientis agricolæ vt cum cremento, & grandi foenore lacta semina colligere, & iterum recuperare imminutam substantiam & sedulò ampliare possint, more vigilantissimi negotiatoris

D

vni-

vniuersas merces suas omnibus qui eis indigent, venales ponunt. Si quis apud eos clericus, pro furto, pro homicidio, pro raptu, aut sacrilegio, aut alio quouis enormi crimine in carcerē coniectus sit, tenebrisque & aquæ edulio addictus, tamdiu poenæ subiacebit, & tanquam reus sua commissa luet, donec pro modo sui census, aut suorum, quæsitam à se pecuniam persoluerit, vbi vero id egerit, liber & velut innocens abire finetur. Omnis noxa, omnis error, omnia maleficia, etiam si capitalia sint, per pecuniam laxantur, ac delentur. Nam quid loquar de exercitio suæ iurisdictionis? quæ ita violenter & tyrannicè regitur, vt magis hodie homines eligant tyrannorum immanissimorum, quàm subire iudicia Ecclesiæ.

*De promotionibus iurisdictionis Episcoporum, & eorum abusibus.*

**D**ici non potest quanta mala faciant illi scelerati exploratores criminum, quos

quos *Promotores* appellant, simplices & pauperculos agrestes vitâ satis innocuam in suis tugurijs agentes, & fraudis vrbane nescios, in ius sæpè pro nihilo vocant. Causas & crimina contra eos sedulò confingunt, vexant, terrent, minitantur, sicq; eos per talia se componere, & pacisci cogunt: quod si facere renuant, crebris eos citationibus, quotidieque impetunt, & supra modum infestant. Quod si semel qualibet occasione præpediti comparare desierint, censurâ illicò anathematis, vt rebelles & contumaces feriuntur. Si verò ad diem venire, quoties vocati erunt, perseuerauerint, eorum audientias apud iudicum tribunalia impediunt, morâsque & subterfugia dilationum & interlocutionum captabunt, quæ perfacile à foris Ecclesiasticis obtinentur, quo vel sic longo toedio, longâque sui temporis iacturâ fatigati, superuenturam vexationem atq; impensam, pecuniæ pactione redimere cogantur, ne si pro leui delicto, nullo vel pro exiguo debito, infinitarum cumulus expensarum.

De exactionibus pro concubinis tolerandis.

Iam illud obsecro quale est quod plerisque in Diocœsibus, rectores parochiarum ex certo & conducto cum suis Prælati precio, passim & publicè concubinas tenent: quòd subditorum excessus & vitia, omniàque officia, quæ iudicijs præesse sunt solita, publicè venundant? sed ad ea, de quibus diximus & dicemus, bona sunt hæc.

De collatione simonica sacrorum ordinum.

Illud verò quomodo ferendum, quòd nullus ad clericatum, vel ad sacrum ordinem, vel ad quemcunque gradum Ecclesiasticū, nisi mercede accedit? quòd nulli sacramentalem gratiam requirenti manus imponunt, nisi qui certum antea præcium dederit, quòd omnes confessiones, absolutiones, dispensationes, venales faciunt? quòd si aliqua beneficia suæ sint dispositioni deuoluta pro quæstu ea conferunt, vel suis ea spurij aut histrionibus donant, aut si quis forsàn eis illud Euangelicum obiecerit, *Gratis accepistis, gratis date*, non deest quod illico respondeant, se minimè gratis accepisse: quare nequaquam astringi ex verbo illo vt gratis tribuant.

Illos

Illos denique solos antistites esse aiunt, qui istiusmodi sint sententia ligati, qui pastorale officium absque vlllo suo dispendio sortiti sunt.

Non est igitur quod quisquam (nisi De indignis & indignè promotis.) à vero valdè deuius) gratiam putet ab æquo tribui, quomodo enim gratia si non gratis data? nisi falsò putabimus, magum illum pestiferum dira maledictione à Petro reprehensum, qui donum Dei pecuniâ possideri existimauerat. Ex isto autem fonte profluit illa copiosa vilium atque indignissimorum Præbitorum multitudo: vt enim ex suis ordinibus maiora lucra percipiant, omnes quotquot aduenerint, nullo aut paruo admodum discrimine, ad eos, quos petierint, titulos admittunt, nisi fortè si qui adeo egestate premuntur, vt soluendo non sint. Nulla de vitâ antea actâ percunctatio est, nulla de eorum moribus quæstio. De literis verò & doctrinâ quid loqui attinet cum omnes ferè presbyteros sine aliquo captu, aut rerum, aut vocabulorū, morosè syllabatimque vix legere videamus?

Quem ergo fructum, quam exauditionem ex suis orationibus, siue sibi, siue alijs impetrabunt, quibus barbarum est quod orant? Quomodo per suas preces Dominum alienis propitiabunt, quem sibipsis suâ ignoratiâ & suæ fœditate vitæ per suum ministerium, infensum faciunt? Si quis hodie desidiosus est, si quis à labore abhorrens, si quis in ocio luxuriari volens, ad sacerdotium conuolat, quo adepto, statim se cæteris sacerdotibus voluptatum sectatoribus adiungit, qui magis secundum Epicurum quàm secundum Christum viuentes, & cauponulas seduli frequentantes potando, commessando, pransitando, conuiuando, cum tesslaris & pila ludendo, tempora tota consumunt: crapulati verò & inebriati pugnant, clamant, tumultuantur, nomen Dei & Sanctorum suorum pollutissimis labijs execrantur: sicque tandem compositi, ex meretricum suarum complexibus ad diuinum altare veniunt.

De perpetua  
absentia Præ-  
latorum ab  
ecclesijs suis

Sed redeo ad nostros Episcopos, qui  
in omni lubricitate ab ineunte adolescen-  
tiâ



tiâ educati, tales testes, vt ita dixerim, Ministros in Ecclesiam introducunt, quorum gesta memorabilia. Illud à me prætermitti non debet quod multi ex eis qui pastoralis apice potiuntur, perque annosa tempora potiti sunt, nunquam ciuitates suas intrauerunt, suas Ecclesias vidèrunt, sua loca vel diocœses visitauerunt, nunquam pecorum suorum vultus agnouerunt, vocẽ audièrunt, vulnera sensèrunt, nisi ea forte vulnera quæ ipsi suis vberibus spolijs per alienos mercenarios eis intulerunt. Alienos dixi, quia & ipsimet mercenarij sunt, qui non gregis sui custodiam, salutem, profectum quærunt, sed solùm temporalis mercedis retributionem. Itaque ipsi verè sunt mercenarij, tantum Episcopi habentes nomen, quia res per nomen signata procul abest. Nomen etenim Episcopi speculatorẽ sonat vel superintendens. *Speculatorem* (inquit Propheta) *posui te domui Israel*. Hi verò super ouium profectu nihil prorsus intendunt, nihil speculantur, nihil prospiciunt, sui corporis curam agunt, sese &

non oues pascunt, non magnopere per-  
fantes, quis ouibus casus accidat, vtrum  
morbo vel ieiunio consumptæ pereant,  
dum sibi vel ex earum morte capeffant.

De Prælatiſ  
in curijs prin-  
cipum reſi-  
dentibus.

At enim dicet forſan aliquis, iure eis  
ignoscendum eſt ſi rarò ſuas Diocœſes  
adeant, aut ſuas tardiùs reuiſant plebecu-  
las, quoniam pro conſilio à principibus  
acceſſiti magna regni negotia tractant,  
innixamque ſuis humeris rempublicam  
regunt, tutantur, ſuſtinent, alioquin gra-  
uiſſimè collapsuram, quod vtique laudi-  
bilius videtur eſſe quàm ſuæ priuatæ rei  
conſulere. Primum illud nequaquam eis  
dederim, quòd ipſi ultro à principibus  
tanquam conſiliarij euocentur, quin imo  
magnis ſumptibus, amicorumque inter-  
ceſſionibus hoc impetrant, non quidem  
zelo aliquo vel curâ reipublicæ, cuius nul-  
la apud eos charitas eſt, ſed propter ſti-  
pendia & larga munera quæ exinde eis  
proueniunt, vt alieno ſumptu viuentes  
ſuarum prouentus Eccleſiarum in æraria  
recondant. Denique qualem reipublicæ  
languenti immo extinctæ & iam prope  
ſepul-

sepultæ vtilitatem afferunt? vtinam nullam ei perniciem afferrent. Numquid eâ re quæso profunt quòd omnium tributorum onera, quibus hodierna tempestate populus vrgetur, suis calliditatibus & suggestionibus reperiunt, & reperta cumulant, & tam in longum perdurare faciunt? vnde & iampridem vsus in regno isto inoleuit, quòd aliqui Episcopi taliû exactionibus præsumt, de causis etiam & querelis eorum decernunt. Num idcirco profunt quod ad concionem vocati, & suam iussi dicere sententiam, magis ea quæ principi sciunt placitura quâ reipublicæ profutura persuadēt? quod sæpe largitione, sæpe gratiâ, sæpe odio, sæpe etiâ timore ducti non iusta, vera, sincera, sed peruersa atque noxia fallacibus adoperta blanditijs dominorû auribus suggerunt? Porro an eâ re adiuuât rempublicâ quòd rectoribus eorû qui eam administrât annonâ, & priuatè super annonâ cômunè inculcant: quòd enim ipsi faciunt, consequens est, vt consulti alios etiam facere hortentur, ne turpi inter se pugnâ, verba  
eorum

eorum atque acta diffideant. Denique quis ex illis pauperum defensor est? quis afflictorum cōsolator? quis oppressorum subleuator? quis pro pupillo patronus? quis pro inope viduā contra calumniatorem protector? immo vero quis magis à compassione atque miseratione quorumlibet miserabilium alienus? Pulchrè de eis Esaias & verè loquitur sub imagine principum Synagogæ: quorum isti etsi successores tempore, in flagitijs iure tamen forte præcessores dici possunt. *Principes (inquit) tibi infideles socij furum, omnes diligunt munera, sequuntur retributiones, pupillo non iudicant, & causa viduæ non ingreditur ad eos.*

Quòd tales  
prælati mer-  
cenarij di-  
cendi sunt.

Mirum autem quid illud sibi velit, quòd nunc ferè qui libet Pontifex ab ecclesiā, cui præsidet, sex vel septem aut decem millia aureorum annuatim accipiat, à rege verò pro stipendijs mille ad summam aureos, suæ tamen ecclesiæ & ouilis sibi crediti curam pro regni famulatu derelinquit: nonne saltem vt mercenarius danti maiorem mercedem seruire debebat

debebat? Sed illorum ad hæc responsio in promptu est : licet enim amplius sit quod ecclesia tribuit, quàm quod princeps, attamen munus illud cum maiori adiunctum summam cumulationem cōstituit, duoque bona potiora sunt vno. Denique fructus qui à rege præbentur, nisi regio lateri assistant, sciunt sibi non datum iri, at illos qui ex ipsis veniunt, longè etiam positos & ab omni seruitio immunibus nihilominus tribui. Quid quòd suam promotionem rege instante factam, regi ipsi & non Deo, nec ecclesiæ imputant? Quapropter vt grati homines illius per quem gratiam adepti sunt, nequaquam immemores, ei meritò libentius secundum vicissitudinem obsequij, quàm illis referunt. Quid quòd regibus seruire & non Deo nec ecclesiæ didicerunt? Quid quòd nō intentione alicuius officij in Ecclesia exercendi, sed quietis & inertiae in maiori abundantia cōsectandæ, Mitram quæsiêrunt? Quid quòd propter assueta stipendia multa apertè minima, multa etiam apertè exilia importunitate assequi

assequi sperant, quæque in suis ecclesijs  
seruientes non assequerentur. At saltem  
inquies suis illic ecclesijs ne grauentur aut  
opprimantur, subueniunt: immò suas &  
alienas ipsi opprimunt, dum pro arbitrio  
sæcularium potestatum tributa super eas  
annuunt. Ne enim ab optimatibus, quo-  
rum negotia agitant, consiliaq; frequen-  
tant, ecclesijs plus iusto fauere arguantur,  
quotiens de re ad ecclesiam pertinente a-  
gi cõtigerit, grauius aduersus illam quàm  
aliquis sæcularium, insultant. Rara his ca-  
lamitosis afflictio quæ non à suis filijs o-  
riginem trahat.

Quod utilior  
est cælium  
Prelatorum  
absentia à  
suis ecclesijs  
quàm præ-  
sentia.

Sed quid eorum tantopere à suis sedi-  
bus absentiam accusamus, cùm per suã,  
si illic adessent, præsentiam verisimiliùs  
obesse quàm prodesse possent? Quid e-  
nim (oro) illi profunt qui toto elabente  
anno suam bis aut ter intrant ecclesiam?  
qui totos in aucupio & venatu in ludis &  
palestra dies agunt, qui noctes in conui-  
uijs accuratissimis, in plaufibus & Cho-  
reis, cum puellis etiam effœminati in-  
somnes transeunt, qui suo turpi exemplo  
gre-

gregem per devia abducunt in præcipitum, qui imberbes adhuc adolescentuli, vix ferulam egressi ad pastorale conuolant magisterium: & tantundem de illo quantum de nautico sciunt officio? Difficile itaque satis est statuere, qui eorum magis incommodent suo gregi, hi-ne, qui deserto eo, lupisq̃ue exposito, cum scurris & parasitis in aula versantur, an hi potius qui coram positi eum per rapinam vexant, per incuriam negligunt, per errorem præcipitant. Quamuis enim mercenarios vtrosq̃ue iure optimo appellaue- rim, pro re tamen minùs parum dixi: lupi ambo accommodatiùs dicendi sunt, v- trique enim quod lupi est, agunt, vorant, dispergunt, lacerant, diripiunt, hi qui- dem per seipsos, illi verò pro seipsis per a- lienos. Sentio me diutiùs quàm initio pu- taueram his nostrorum angelorum (ita enim sacræ literæ præfules appellant) præ- claris ministerijs immoratum, sed tantæ rerum multitudini, quàm breuiori com- pendio percurrere mihi commodè non licuit, ignosci oportet. Reliqua si per sin-  
gula

gula referatur, sunt multa, sed ea paucis in generali expediam.

De Capellani-  
nis & Cano-  
nicis

Quid enim de capellanis & canonicis longum me trahere sermonē necesse est? cū vno verbo dicere liceat similes Episcoporum pro suo modo Canonicos esse, indoctos, simoniacos, cupidos, ambitiosos, obtrectatores suæ vitæ negligentes, alienæ curiosos scrutatores ac reprehensores: ad hoc autem ebrios, incontinentissimos, vtpote qui passim & inuerecundè prolem ex meretricio susceptam, & scorta, vice coniugum, domi teneant: vaniloquos, præterea garrulos, tempus in fabulis & nugis terentes, quia nihil vtile nouerunt, aut honestum in quo occupentur. Et propterea in re sua, seu per fas, seu nefas agenda, in cura ventris & gulæ, in carnis voluptatibus hauriendis suæ vitæ foelicitatem vt porci Epicuri constituunt.

De pace &  
fraternitate  
Canonicorū

Quam vero pacem inter se habeant, aut quam fraternitatem, declarant sectæ & seditiones, omnibus modò in Ecclesijs per infernales furias excitatæ, vt iam illa infer-



infernalis hydra schismatica in Ecclesiæ vertice ab Erynibus stabilita, nimia fecunditate germinans, omnia ferè collegia suo viperino semine infecerit.

Et hos ergo Canonicos aliquis vocabit qui sic ab omni Canone, hoc est ab omni regula, ab alienati sunt? qui ut licenter & impunè omnia, quæ ferret animus, flagitia admittere possint, ab omni se castigatione & disciplina suorū prælatorum, maxima ubique redemptione exemerūt: fraudant itaque mutuò, fraudant pauperes, fraudant subditos: & sicut Paulus loquitur, *Iam inter dispensatores Ecclesiarū merito quæritur ut fidelis quis inueniatur*: quas omnes fraudes & rapinas cum fecerint, non est qui eos puniat. Ad Papam enim, quem solum iudicè plerique eorum se habere iactant, non patet facilè pauperi accessus.

De causa exemptionum  
procuratio-  
nū vitanda.

De Monachis autē & Monasterijs latè patet ad loquendum materia, nisi iam me dudum toederet in tot tantarumque abominationum enumeratione demorari, ne tamen sicco (ut aiunt) pede inta-

De vita &  
moribus mo-  
nachorū suæ  
professioni  
repugnanti-  
bus.

eti

cti abeant paululum aliquid dicere necesse est. Quid autem commendabile de ipsis dicere possumus, qui quanto magis inter cæteros Ecclesiæ filios ex votis suæ religionis perfecti esse debebant, tanto magis abstracti curâ secularium, quibus abrenunciauerunt, in sola coelestium cōtemplatione suspensi, & quanto magis continentes, magis obediētes, minus vagabundi, & à claustrorum septis rariùs egredientes in publicum, tanto ab his omnibus rebus licet eos videre magis alienos, magis videlicet tenaces, magis auaros, magis sæculari rei (versis retrorsum animis) immixtos? magis insuper lubricos, indisciplinatos, dissolutos, inquietos, magis per loca publica & inhonestas (si modo fræna laxentur) discursantes, ita ut nihil illis æque odiosum sit, quàm cella & claustrum, lectio & oratio, regula & religio. Quocirca monachi quidē sunt exteriori habitu, sed vita, sed operibus, sed internè conscientiæ spurcitia à perfectione (quam habitus ille demonstrat) longissimè disiuncti. Fallit autē illos nimium  
sua

sua opinio. Nam quanto sua professione reiecta, terrenis magis adipiscendis inhiant, tanto pauciora habent, tantoque doctes & redditus ipsorum magis semper in nihilum fluunt. Ecce omnium Coenobiorum vberimos olim fructus, ita hodiè attenuatos cernimus, ut vndè centum homines viuere solebant, vix decem nunc egerrimè viuant, videmus omnia labi, omniaque solo æquari, non suppetente copia quâ saltem antiqua ædificia à ruine defendantur iniuria, quod quidem merito illis euenit. Quamdiu enim iustè, sobriè, castè, innocenter vivendo secundū regulæ suæ instituta, æ regnum coelorum & non hæc temporalia quærere studuerunt, tam diu eis omnia illa satis superque fuerunt adiecta. *Primum* (inquit Saluator) *quærite regnum Dei & iustitiam eius, & hæc omnia adiicientur vobis.* Vbi verò à vitæ innocentia, & à quærendo regno Dei, per nefaria opera destitêrunt, rectè ab eis illa abducta sunt, quæ veris iustitiæ cultoribus, regni que quæsitores fuerât promissa. Regnum (inquit historicus)

E

facile

facilè idem artibus retinetur, quibus initio partum est, verùm vbi pro labore, desidia, pro continentia & æqualitate libido atque superbia inuasere, fortuna simul cum moribus immutatur. Et quod de regno dictum audis, de opibus & honoribus cœterisque fugacibus bonis dictum intellige.

De mendicantibus & eorum inani iactantia & gloria.

Venio nunc ad mendicantes, qui ex professione arctissimè paupertatis veros se Christi discipulos, verosque imitatores esse iactant, atque gloriantur: quippe qui considerantes (vt ipsi aiunt) illud euangelicum, *Si vis perfectus esse, vade & vende omnia quæ habes, & sequere me*. Et item illud: *Nisi quis renunciauerit omnibus quæ possidet, non potest esse meus discipulus*: omnium possessionum suarum rerumque temporalium spretâ sarcinâ, onereque grauissimo. Qui cruditi præterea in diuinis literis, quibus penè soli hodiè insudant, pabulum verbi Dei, quo populi reficiantur, assidua prædicatione ministrant, viam eis salutis æternæ, quam nemo alius docet, aperiunt, iustorum digna

gna præmia impiorumque supplicia demonstrent, sicq; animas ab interitu sempiterno per veram poenitentiam reuocatas ad Deum conuerti faciunt. Denique soli ipsi (vt asserunt) cæterorum omnium ecclesiæ segniter dormitantium officia peragunt, exercent, eorumque delicta, ignorantias & negligentias supplent.

Sed libet ab eis quærere si hunc gradum supremæ perfectionis Christoque propinquissimè attigerunt, quid est quod suis eam verbis ita magnificant, quod insolenter adeò inde se iactant, quod vniuersis propterea vanâ gloriatione scripserunt, immò quod alios omnes sui status comparatione ab omni perfectione euacuant? Decebat enim vt alieno ore & nō proprio suo, illa ætherea & angelica in terris perfectio laudaretur, si modò solidam laudem non vanam, suspectam, odiosam cupiebant. Nonne hæc est perfectorum vera iustitia, vt nunquam arbitrentur se perfectos, immò verò quo iustiores fuerint, eò magis in humilitate de se sentientes longè se à iustitia abesse exi-

*Quæstio de  
perfectione  
mendican-  
tium.*

stiment. Nam dum de eo quod habere se presumunt inaniter super se efferuntur, & id ipsum quod habebant ( si quid tamen virtutis habebant) euanescit.

Quod humilitas est fundamentum perfectionis.

Nonne humilis Publicanus sua Deo peccata confessus iustificatus à templo redire meruit, & quam orabat veniam impetrare. Superbè autem Phariseus sua merita prædicans, & pauperculum despiciens reprobus abscessit, & in exauditus: quoniam Deus superbis resistit, & humilibus dat gratiam. Videtur autem hæc parabola, contra hos quæstuarios verbi Dei adulatores congruentissimè inducta, quia sicut synagoga suos Phariseos habuit, aduersus quos in Euangelio acerrimè Christus semper inuehit, ita nimirum hi noui & subintroducti Apostoli, Ecclesiæ Pharisei censendi sunt, quibus omnia Christi de Phariseis dicta & fortè alia plurima, nescio an detriora, conueniunt, de quorum sacrilega impietate, quia non multa breuiandi studium dicere concedit, paucas Christi saltem sententias: per quas ab eorum insidiosa versutia nos cauere

cauere admonet, audiamus. Ait itaque de eis Saluator, ipsorum fontem patefaciens nequitie: *Attendite à fermento Phariseorum, quod est hypocrisis.* Et rursum: *Attendite à falsis Prophetis qui veniunt ad vos in vestimentis ouium, intrinsecus autem sunt lupi rapaces.* An non lupi rapaces sunt velamina ouium gestantes: qui omnia quæ huius mundi sunt, verbo suo deseruisse asseuerant, facto autem ipso temporalia incredibili ardore concupiscentiæ, insidijs, fraudibus atque mendatijs vndique exquirunt? An non lupi rapaces sunt ouicularum vellere amicti, qui vitæ austeritatem, castitatem, humilitatem, sanctam simplicitatem exteriori specie simulant, intus verò exquisitissimis delitijs & variarum copiâ voluptatû ultra omnem mundanorum luxuriam exuberant? An non lupi rapaces sunt sub ouili imagine latitantes, qui more sacerdotum Belis in suis penetralibus oblata deuorant, mero se ac lautis epulis cum non suis vxoribus, licet sæpè cum suis paruulis, auidè satiantes. Cunctaque libidinibus, quarum torren-

tur ardore polluentes? An non lupi rapaces sunt foris ouē mentientes, qui ea quæ facienda sunt, dicunt & non faciunt, & cū alijs prædicauerint, suā ipsā prædicatione reprobī efficiuntur? An non lupi rapaces sunt ouium similitudinem falsò prætendentes, qui Angeli lucis primo aspectu appareant, non sathanæ, tamen (vt Pauli verba sunt : ) *Non Christo Domino, sed suo ventri seruiunt*, & per dulces sermones & benedictiones seducunt corda innocentium? Sed audi adhuc quid de illis ad propositum Saluator dicat : *Vae vobis o Scribæ & Pharisei hypocritæ, qui mundatis quod de foris est calicis & parapsidis, intus autem pleni estis rapina & immunditia, qui similes estis sepulchris dealbatis, quæ à foris apparent hominibus speciosa, intus verò plena sunt ossibus mortuorum & omni spurcitia.* Quid de eis verius dici potest, quid aptius, quid lucidius, quàm quòd coelesti ore dictum audis? Sed & Paulus gentium Doctor prænosens in spiritu talium circa extrema tempora subuersorum ingressum, & Ecclesiam per eos multa tandem



tandem vulnera sensuram ad Timotheū suum scribens illos summo studio declinandos hortatur. Nam postquam dixerat: *Hoc autem scito quod in nouissimis diebus instabunt tempora periculosa, & erunt homines seipsos amantes, cupidi, elati, superbi, blasphemī, & multa quæ his addit ab his seductoribus non abhorrentia, tandē quod eis est proprium subtexit, habentes quidem sp̄ciem pietatis, virtutem autem eius abnegantes, & hos deuita. Ex his enim sunt qui penetrant domos, & captiuas ducunt mulierculas oneratas peccatis, quæ ducuntur varijs desiderijs semper discētes, & nunquam ad scientiam veritatis peruenientes, homines corrupti mente, reprobī circa fidem. Rursus quod idem Apostolus ad eundem suum discipulum loquens: *Spiritus* (inquit) *manifestē dicit, quia in nouissimis temporibus discedant quidem à fide, attendentes spiritibus erroris & doctrinis demoniorum in hypocrisi loquentium mendacium, & caute-riatā habentiū suam conscientiā, quæ nemo ambigere debet de his nouis Phariseis**

*esse scripta.* Multa quoque alia de istorum pseudoprophetarum aperta iniquitate, quâ domum Dei perfodiunt & polluant, sacra in pluribus locis Scriptura commemorat, satis eorum perfidiam quâ tum ad nostram pertinet breuitatem detegere videtur: de quâ si quem libeat ampliora agnoscere, *Cyryllum* videat, & illic mira de eis inueniet, ad fidelium instructionem longè antequàm orirentur, Spiritu sancto reuelante, prædicta. Quanquam nec aliquot alij scriptores etiam defuerunt, qui de his subdolis illusoribus multa valdè utilia & præclara post eorum introitum ad Ecclesiæ præmunitionem & præmonitionem prodiderunt.

De impudica  
vita &  
conuersatione  
monialium.

Restant nunc solæ Moniales, vt nostram narrationem quemadmodum polliciti sumus à summo capite vsque ad extrema vestigia nullo prætermisso gradu deducamus. De his autem plura dicere (etsi plura quæ dici possent, suppetebant) verecundia prohibet, ne non de coetu virginum Deo dicatarum, sed magis de lupanaribus, de dolis & procacia meretri-

meretricum, de stupris & incestuosis operibus pudendum sermonem prolixè trahamus. Nam quid obsecro aliud sunt hoc tempore puellarum monasteria, nisi quædam, non dico Dei sanctuaria, sed Veneris execranda prostibula, sed lasciuorum & impudicorum iuuenum ad libidines explendas receptacula, vt idem hodiè sit puellam velare quod & publicè ad scortandum exponere? Hæc sunt quæ de nostro Clero referenda visa sunt, quâuis multa sciens præterij, & silentio suppressi, quæ si per singula amplecti vellem & in immensum res progredieretur, nec modum habitura esset oratio. Quæ cùm ita sint, nemini debet mirum videri, si Ecclesia ex talibus aggregata, multis molestiarum aculeis, multisque aduersis turbibus quatitur. Mirum potiùs & stupendum videri debet, si tot vitijs atque impuritatibus seruiens, à flagellis immunis euaderet.

I nunc, & confer hanc vitam, hos mores, hæc regimina, cum primæua patrum disciplina, cum Maiorum charitate, continen-

Comparatio  
viro-  
rum mo-  
dernorum,  
cum mori-  
bus prisco-  
rum Patrum

tinencia, sobrietate, districta seueritate, videbis (nisi talpa cæcior es) tantam inter eam distantiam, quantum inter lutum & aurum, iam siquidem his diebus nostris, in quos fines sæculorū deuenērunt, ab aureo capite illius prægnandis statuæ, quam vidit in figura *Nabuchadoneser*, paulatim semper in deteriora per argentum, æs & ferrum, prolabendo, ad partem pedum luteam ac fictilem peruenimus.

Conuersio  
Authoris ad  
Deum.

Ita verò (Deus optime) vineam tuam electissimam quam tua olim dexterâ ipse plantâsti, cui sæpè & combustam maceriam ad ferarum malignarū coercendam incursionem circundedisti, itane inquam destructâ sæpè, dirutâ maceriâ despectâ ac degenerem effectam? ita ne vepribus & spinis completam? ita ne pro vuis dulcibus, quas ex ea prestolabaris, labruscis sceleribus onustam, vt vix per eam transiens eandem esse recognoscas, quam tanto olim studio, tanta cura & cultu nobilitaueras? Ecce iam vniuersæ feræ eam diripiunt, omnia agri pecora conculcant:  
hinc

hinc aper de sylua exterminat : inde fera singularis vniuersa impetu vastans ac perstringens egregia quæque depascitur. Auertere (obsecramus Domine) iram tuam & virgam furoris tui à vinea tua, & de coelo sancto tuo misereantibus oculis super eam respice : & si non propter nos qui indigni sumus, saltem propter nomē tuum ineffabili clementiā gloriosum. Scimus nostris impietatibus hæc & maiora deberi supplicia. Scimus peccata nostra super arenam multa, super omnem acerbiteratē grauitatēque grauissima, sed etiam scimus è regione tuam immensam misericordiam omnia hominū peccata, non modò quæ perpetrata sunt, sed quæ possunt in mentem cadere summā incertā supergredi. Scimus tuam benignissimam pietatem nunquam ignoscendo defessam, tuum semper anteuenire iudiciū, immò semper tua opera vniuersa præstare. Scimus te parentem esse, nos ( quantumlibet degeneres) attamen filios: pro magno autem peccato filij, satis est patri parum supplicij. Sed scio quid obsistit,  
quo

quo minùs nobis miserearis & ignoscas, idipsum volens & appetens, quia nequaquam resipiscimus ab erratis, quia ad te ingemiscientes reuerti non volumus, quod vtique per seruos tuos Prophetas tuæ in nos vindictæ prænuntios, tantâ cum diligentia nos admones, legem hanc nobis, qua misereri debeas, per eos insinuas. Sed nos qui ad tua mandata durâ sumus ceruice, & indomabili corde ad veniam, vocantem non audimus, te excitantem contemnimus, te suadentem aspernamur, te promptum atque voluntarium ad præterita omnia (si modò præteritorum pœniteret) condonanda, per noua & peiora facinora quotidie prouocamus. Proinde ad voces nostras obsordescis, tuamque manum adhuc extentam à nostra percussione non reuocas, sed nouis potiùs contumacijs noua indefinèter flagella cumulas.

Excusatio  
authoris su-  
per generali  
deformitate  
accusationis  
Ecclesiasti-  
corum.

Nolo autem vt quis existimet per ea quæ Ecclesiasticorum præmissa sunt, me omnes prorsus Ecclesiasticos, nullo excepto, comprehendere velle. Scio illum  
non

non mentitum esse, nec mentiri posse qui dixit. *Petre, rogavi pro te ut nō deficiat fides tua.* Nec sum nescius in singulis quibusque statibus aliquos & forte plurimos bonos, iustos, innocentes esse, ab illisque maleficijs, quæ supra memorata sunt, sepeperatos. Sed tanta est improborum in singulis professionibus exuberantia, ut vix inter mille vnus reperiatur qui, id quod sua professio exigit, sinceriter faciat: quinetiam si simplex aliquis, si castus aut frugalis in collegio aliquo vel conuentu latam & lubricam perditorum viā non sectetur, fabula & ridiculum cæteris efficitur, insolensque & singularis, infanus aut hypocrita continuo appellatur: vnde & qui ad bonam frugem deuenirēt si cum modestis & bonis degerent, hac ratione abstracti per malorum consortia ad malum trahuntur, dum talia inter suos contubernales nomina subire verentur. Inde est illud Psalmi vtique verissimum, *Cum electo electus eris, & cum perverso peruerteris.*

Quamobrem nemo admiretur, si rari  
hoc

Quare de  
bonis viris  
auctor flet.

hoc tempore sinceritate aut innocentia fulti in Ecclesia sint, tot sceleratis in omni loco ad mala impellentibus & per mille insidias sollicitantibus. Itaque propter multitudinem nequitiae ita priuilegiatae, de bonis filetur, qui alijs comparati paruo nimis in numero atque momento sunt, vt dum sermo de politia Ecclesiae, aut de membris eius incidit, tanta turba preuaricatorum totam Ecclesiam in tyrannidem adducit, eo loquendi more quo plerisque in locis scriptura vtitur. In Genesi namque legitur, *Omnis caro corruerat viam suam*, & tamen eo tempore quo propter peccata hominum cataclismus erupit: *Noe vir iustus coram Domino repertus est*, & propterea cum suis in arca saluatus. Rursus in libro Psalmorum scriptum est, *Omnis homo mendax, omnes declinauerunt, non est qui faciat bonum*: & tamen idem ipse qui hoc dixit, deinde de se testimonium habet, quia inuenisset eum Dominus virum secundum cor suum.

Quod status  
Ecclesiasti-

Igitur cum ad hunc modum magistratus



stratus Ecclesiarum, & cætera officia se habeant, quis dubitat nisi Dei animaduersione, mala eis quæ patiuntur accidere. Res mira, vt supra diximus, & insolita videri deberet si quid eis prosperum accideret. Nonne per totam diuinorum voluminum seriē bona nobis hoc pacto à Deo promittuntur, si legem ipsius seruemus, mandata teneamus, in præceptis ambulemus, foedus nobiscum ab eo initum non irritum faciamus? Quod si nefarijs operibus testamentum eius prophanemus, pactum & legem iritemus, iussa & traditiones postponamus, qua fronte bona ab eo petere aut sperare præsumemus? Necessè est sortem alterutram subeamus, aut prosperorum præmia si mandatis obedierimus, aut supplicia, si transgressores sumus, quia nunquam mentiri nouit, qui pro operum qualitate, vtraque tribuenda spondit. Quid synagogam quæ typus Ecclesię fuit, secundum quod Paulus dicit, *Omnia illis in figura contigisse*, quid eam (inquam) prostrauit, deserique à Deo, & cladibus opprimi, nisi eius-

eius-

eiufdem malitia fecit? Si igitur iuxta parabolam Ezechielis de duabus fororibus, Oolla & Oolliba, forori maiori familia gessit, immo eam flagitijs & fornicationibus, amplius insaniendo superauit, quomodo sibi credet impune cedere? Expergiscere tandem aliquando ex longiori tuo somno (ô inſœlix ſoror Synagogæ) expergiscere (inquam) aliquando & tuæ ebrietati diu ſatis (vt ita dicam) e dormitæ modum impone, Prophetam-que iſtum & cæteros, vide, lege, intellige, ſi tamen non vſquequaque tua ebrietas, Prophetæ teſtimonio, cor abſorbuit. Si ergo vlla in te ſani cordis ſcintilla ſuper eſt, Prophetarū dicta ſedulò reuolue. Tu inquam illic ſtatum & tuam confuſionem non vtique dormitantem, ſed è vicino impendentem conſidera, videbis quis te exitus expectet, quanquam malè & periculofè in his ſordibus tam diu iaceas. Quòd ſi Prophetas non audis, nec de te dum tot mala nunciant, locutos arbitraris, ipſa te fallis & periculoſo nimiū errore decipis. De te enim illi locuti ſunt,

&

& quæ minantur onera super te nisi respis relapsura debes agnoscere. Sed fac eorum vaticinia aliò spectare, quid de tua prophetia, de Iohannis scilicet in *Apoc.* censes? An non illam saltem ad te aliqua ex parte pertinere putas? num pudorem ita cum sensu perdidisti, ut hæc neges? Illam ergo intueri & lege damnationem magnæ meretricis super aquas multas sedentis, illicque tua facta præclara contemplare & tuos futuros casus.

Porro cum omnia imperia & regna gentium quantumcunque potentia, magna vel dura ob suas iniustitias & superbias deleta audias, eversa videas, atque pessundata: tu quæ solidam humilitatē, super quam fundata eras, nullos impetus turbinum metuentem tam longè abiicisti, tuumque cornu tam in altum extulisti, quomodo exciso atque auulso tuo humili fundamento tantam superbiæ molem quam desuper extendisti, non ruituram putabis? Cœpit iampridem tua superbia nequaquam se ferens palam, sed lentè quidem & pedetentim, & propte-

Quòd ecclesiasticus statutus propter superbiam tendit ad ruinam.

reà à plurimis ruina illa non est percepta. Nunc verò in modum torrentis tota in præceps ageris, & ex illo præsertim tempore, quo abhominandum hoc schisma te inuasit, quod profectò ad primas tuas comprimendas nequitias intolerabiles & insanias falsas, diuina super te iracundia venire permisit: quo vel sic regnum tuum Deo graue, gentibus odiosum, iuxta euangelicam veritatē, in seipso diuisum, desolaretur, fractumque & dissipatum concideret: non quidem quòd fides Ecclesiæ in hoc mundano conflictu militantis cursu periclitari debeat, quæ fundata supra firmam petram stabilis & incōcussa mansura est. Sed loquor de temporalis potentatu, de gloria & delitijs, quibus vsque ad nauseam & obliuionem sui ipsa Ecclesia inebriata est, de quibus in damnatione meretricis vindicibus Angelis præcipitur. Quantum glorificauit se & in delitijs fuit, tantum date ei tormentum & luctum. Nam vt ea quæ longinqua sunt, de Græcorum à nobis diffidio propter nostrorum superbiam & auaritiam

uaritiam orto, de contractis limitibus  
Catholicæ religionis per totam penè or-  
bis terrarum vastitatem olim porrectis, vt  
hæc, inquam, & alia nonnulla vulnera  
pridem Ecclesiæ infligi cæpta non repe-  
tam, nonne saltem ruina illa, qua urbem  
Romanam, sedem ac caput ecclesiæ sic  
ruere & collabi videmus, ecclesiæ ipsius  
& totius eius imperij desolationem pro-  
pinquare nunciat, sicut destructionem  
Hierusalem, secuta de proximo est Iude-  
orum & synagogæ dispersio? Quomodo  
enim diu stabit aut vigebit, quæ sua de-  
structa statione & capite perduto, vaga &  
instabilis per orbem discurrit, & quasi  
iam peregrina aut hospes in mundo de v-  
no loco ad alium migrare cogitur? Ex illo  
planè suam cladem imminere prænosse  
debut, ex quo propter suas fornicationes  
odibiles, *Romuli* vrbe relictâ, Auinionem  
confugit. Vbi quantò liberiùs, tantò a-  
pertiùs & impudentiùs vias suæ symoniæ  
& prostitutionis exposuit, peregrinosque  
& peruersos mores, calamitatum indu-  
ctores in nostram Galliam inuexit, rectis-

que usque ad illa tempora moribus frugalibus disciplinâ instante, nunc verò luxu prodigioso usque adeò solutam, ut meritò ambigere possis, utrùm res ipsa auditu mirabilior sit, an visu miserabilior. Verùm aliàs forsan de Gallia nunc de Ecclesia loquamur, quæ maligno nescio quo pacto loca, quibus infederit, suo fermento inficere consuevit, casusque perniciæ ac ruinæ illis esse quanquam nõ gratis aut absque ultione: vicem enim ei debitam Italia reddidit, quæ nudâ & suo patrimonio paulò minùs spoliata suis sedibus eiecit. Mala verò ipsa Gallia, inops per eam facta, reddere incipit, ut impleatur illud prophetiæ præfagium: *Confunderis ab Egypto sicut confusa es ab Assur. Et illud, filia Babylonis misera, beatus qui retribuet tibi retributionem tuam quam retribuisti nobis.* Postquam enim importabili sarcinâ peccatorum exigente: furiale malum schismatis irrepsit in ecclesiam, ut omittam quæ per alterum tunc apud N. de papatu contendente gesta sunt, potius hæc scribenda illis relinquam, qui cum

cum eo conuersati certiùs mores illius, atque eorum quos secum habebat, enarrare possunt: quid *Clemente* nostro, quoad vixit, miserabilius? qui ita se feruum feruorum Gallicis Principibus adiecerat, vt eas ferret iniurias & contumelias, quæ sibi quotidie ab aulicis inferebantur, quas vix deceret in vilissimum mancipium dici. Cedebat ille furori, cedebat tempori, cedebat flagitantium importunitati, finge-  
bat, dissimulabat, largiter promittebat, diem ex die ducebat, his beneficia dabat, illis verba: omnibus, quos aut ars assentatoria, aut ludicra in curijs acceptos fecerat, summoperè placere studebat, eosq; beneficijs promereri, quo talium patrocinio, dominorum gratiam & fauorem assequeretur & similia, &c. His itaque & iuuenibus nitidis & elegantibus, quorum maximè consortio gaudebat, singulos ferè vacantes episcopatus, cæterasque præcipuas dignitates impendebat. Denique vt Principum beneuolentiam faciliùs assequeretur, affecutam foueret, totamque conseruaret, conseruatam amplificaret,

plurima vltro donaria atque xenia illis dabat, quascunque super Clero exactio-  
nes petere voluissent, annuebat, vltro se-  
pius etiam ingerebat. Sicq; omnem Cle-  
rum, secularium magistratuum dispositi-  
oni ita subiiciebat, vt Papa magis quili-  
bet eorum, quàm ipse putaretur. In hac  
tristissima seruitute, non dico præfidentiâ,  
tria (vel suprâ) temporum lustra cum in-  
credibili Ecclesiæ attritione consumpsê-  
runt.

Quod Ec-  
clesia prius  
humilianda  
est quàm  
erigenda.

Quia Ecclesia scipsam humiliare vel  
tot flagellis attrita, contempsit, rectè ab  
illo, qui plus æquo exaltata humiliat, eli-  
saque & humiliata erigit, prius humilian-  
da erat, vt in gratiam à qua exiderat, redi-  
ret, postea erigenda atque subleuanda;  
prius desolanda, postea consolanda; prius  
percutienda, postea sananda. Nam quod  
ad reintegrandam ipsam Ecclesiam, fu-  
nesto hoc schismate dilaceratam attinet,  
frustra aliquid per nos effici speramus:  
non hoc humanis operibus, non vllâ arte,  
in gratia agendum est, altiore planè ma-  
num res ista deposcit, & necesse est, si vn-  
quam



quam vniri debeat, idem ipse medicus sit, qui vulnus intulit, quia & tam acerbum, tamque immedicabile vulnus est, vt nullâ operâ alterâ curari valeat. Multa super hac re tractata sunt, multa agitata vel cogitata, multa cónscripta, multa consulta, multæ legationes susceptæ, verùm quo plura miscuimus & moliti sumus, eo res assiduè multiplicacior atque turbatior euasit, Deo labores nostros irridente, imò iurgiter irritante, qui nostrâ sine eius adiumento solertiâ illud ipsius opus explere credidimus. Adde, quòd indigni sumus & pacem ab eo impetrare, & pacem habere, quia non est pax impijs, dicit Dominus: qui rursum per Prophetam ait, *Erit opus iustitiæ pax*. Denique, nato in carne Domino, Angelorum exercitus pacem suo prædulci carmine in terra denuntians, solis eam hominibus bonæ voluntatis futuram nuntiavit.

Quod autem à Domino hæc pestis schismatica processerit, ex quibusdam in Zacharia scriptis licet apertè colligere. Legimus siquidem in illo Propheta qui

De duabus  
virgis Dei  
quibus gre-  
gem suum  
pascit.

multa de futuris temporibus & nouissimis Ecclesiæ tribulationibus sub prophetico velamine prætexuit, quod Deus summus pastor omnium aliorum caput & regula, in duabus virgis pascit gregem suum, quæ sunt decus & funiculus, quia decoris moribus & fraterna charitate præditi esse debent qui volunt in Ecclesia populis præesse. Charitatis enim, quæ est vinculum perfectionis, funiculus triplex est, qui difficile rumpitur, quia in Deum & proximū, & seipsum tendit. Verum si anima pastoris diuinis minimè iussis obtemperans, sua & non quæ Dei sunt querit, & turpi in Deum operatione variauerit, contrahitur anima eius super eos, præcidentsq; virgas suas ab eas substrahit, pro decore ignominiam & dedecus, pro neciente autem funiculo, schismata, contentiones, & virulenta dimittens dissidia, & hoc pacto irritum facit foedus suum cum pastoribus pariter & ouibus percussum, germanitatemq; in tea eos dissociat, quia plerumque pro culpa superiorum ipsi etiam subditi puniuntur. Sicut propter reatum

David

Dauid in populi numeratione, populus plaga pestilentica pessima percussus legitur. Constat autem primam virgam quæ decus vocatur propter vitia pastorum iam ante annos multos ab Ecclesia præcisam ac sublatam, eo videlicet tempore, quo probrosos illos mores, de quibus antea memini, induerunt. Ex illo siquidem fluere, infirmare, languescere, retro sublapsa referri coepit Ecclesia: quippe quæ vernanti exuta decore, pallidam & obscuratam in terramq; deiectam faciem gerebat. Postquam eiusmodi languor nulla fomenti opitulatione medicatus, sed diuturna incuriâ neglectus adeo per moram temporis invaluit, adeoque membra vniuersa pererrando totum corpus occupauit, sicque obsessum tenuit, vt iam vix vltra sibi inuicem membra ipsa cohærere possent. Et verum esset illud Propheti-  
*cū, A planta pedis vsque ad verticem capitis non est in eo sanitas.* Sublata est virga secunda funiculus qui inuicem membra eius colligabat, quæ nunc rupto pacis vinculo nefandum schisma horrendumque  
prorsus

prorsus diffociat.

Quod fuit  
initium con-  
culcationis.

Putant quippe nonnulli, qui multa de hoc schismate & futurâ Ecclesiæ per ipsum desolatione, diuino, vt creditur instinctu, iamdudum prælocuti sunt, teter-  
rimam Ecclesiæ totius ex eo conculcati-  
onem, incredibilem vastitatē, per terreni  
violentiam imperij, cuius multa sibi iura  
occupauit, orituram, quo terrenis tandem  
exuta copijs, quæ aliena glutierat, malè  
trita euomat: filiosq; fornicationum quos  
cum principum importunitate, cum im-  
probissimo mercatu plurimos genuit,  
morte, fuga, exilio, fame & captiuitate  
oppressos lugeat: quæ fortassis persecutio  
maturiùs quàm plerique putant cervici-  
bus eorum incubitura est. Magna enim  
eius fundamenta, nisi valdè obcoëcati su-  
mus, iam iacta sunt, quæ quotidie magis  
ac magis à terra surgere, & in apertâ iam  
lucem erumpere, nemo est (si modo sen-  
sum habet) qui non valeat animaduer-  
tere. Et profecto iustissimo Dei iudicio  
tanta malorum inundatione obruenda &  
conquassanda est, quæ in tantam omniũ  
abo-

abominationum insaniam excreuit, vt nullâ aliâ viâ castigari, aut ad priorem innocentiam redigi posse videatur. Præcesserunt infinita signa, admonitiones, comminationes, increpationes, clades, verbera, flagella, quæ ipsam ad suam mentem, ne instantia talia pateretur, reuocarent. Sed nihil est omnibus his actum, immo incassum omnia consumpta: *Frustra* (inquit Propheta) *conflauit conflator*, malitiæ eorum non sunt consumptæ, fronte enim contra Deum obstinata omnia contempserunt, & velut equis infrænis post suas concupiscentias rapidiori semper ineptu cucurrerunt.

Quis igitur tibi (ô Christe) modus restat, si tuam Ecclesiam à tanta sordescoriæ, in quam argentum eius & aurum versa sunt, emundare disponis? multa, vt totam scoriâ ipsam, multa conflâtili arte aut purgatorio igne in aurum reparandû ab Ecclesiæ fornace proijcias, & puro illic nitore rutilantia metalla iterum inducas. Et si tuam præterea vineam labruscis senticosisq; virgultis palmites suffocantibus

Si Ecclesia  
florere & fru-  
tificare ha-  
beat.

tibus obseptam, infructiferam, vis ad naturam reducere, quis melior modus, id agendi, quàm inutiles stirpes eam sterilem efficientes, quæ falcibus amputatæ pullulant, radicitus euellere, vineamque ipsam alijs agricolis locatam, nouis rursum aut feracibus & fructiferis palmitibus inserere? *Neque, teipso teste, aut de spinis possunt uua colligi, aut de tribulis ficus, sed & arborem nullum fructum ferentem excidendam, ipse sanxisti, & igne cremendam.* Fallitur igitur quisquis labores & dolores Ecclesiæ his malis quæ iam patimur, finiri existimat. Hæc non nisi exigua sunt dolorum initia, & suauia quædam eorum quæ supersunt præludia. Sed tempus erat ut portum, ingruente iam tempestate peteremus, nostræque in his periculis saluti consuleremus, ne tanta procellarum vis quæ laceram Petri nauiculâ validiori turbinis impulsu, quàm vlllo aliâs tempore, concussura est, in medjis nos fluctibus cum his qui merito naufragio perituri sunt, absorbeat.

Oratio

Oratio Authoris pro salutifero  
*fructu reformationis consequenda.*

**V**Num in fine opusculi, quod iam longius tenditur, te (benignissime Iesu) supplices exoramus, ut quæcunque tua super Ecclesiam futura sunt iudicia (magna enim absque dubio futura sunt) non ea in seueritate ultionis, secundum ipsius iniquitates immensam iam mercedem ei retribuas, sed iuxta inenarrabilem tuæ clementiæ lenitatem, & in poenarum exactione, quam non meretur, pietatem largiri digneris: sicque ea quæ noxia sunt aut superuacua, rescinde, ne pauca quæ non usquequaque inutilia sunt, cum his etiam pariter excindas. Ita igitur preme, ne prorsus opprimas: ita attere, ne prorsus obteras: ita castiga, ne prorsus extinguas, sed saltem ne Sodome & Gomorrhæ similis sit, semen ei aliquod relinque, memor tamen tui sacratissimi verbi quo te cum illa futurum promisisti omnibus diebus usque ad consummationem sæculi.

Rithmi

Rithmi è vetusto quodam  
 codice descripti, Romanum quen-  
 dam aduocaturn cognomento *le Franco*,  
*taxantes, ut appareat etiam veteres*  
*in Romanam Curiam*  
*scripsisse.*

**P**ropter Sion non tacebo,  
 Sed ruinas Romæ flebo,  
 Quo ad vsque Iustitia

Nobis rursus oriatur,  
 Et ut lampas accendatur  
 Iustus in Ecclesia.

Sedet vilis, & in luto  
 Princeps facta sub tributo:  
 Quod solebam dicere,

Romam esse derelictam,  
 Desolatam & afflictam,  
 Expertus sum opere.

Vidi, vidi caput mundi,  
 Inſtar maris, & profundū  
 Vorax guttur Siculi:



*Ibi mundi διδάλαστος,  
Ibi sorbet aurum Crassius,  
Et argentum sæculi.*

*Ibi latet Scylla rapax,  
Et Charybdis auri capax,  
Potius quàm nauium:*

*Ibi pugna Galearum,  
Et conflictus piratarum,  
Id est Cardinalium.*

*Syrtes insunt huic profundo,  
Et Syrenes, toti mundo  
Minantes naufragium.*

*Os hominum foris patet,  
In occulto cordis latet  
Informe demonium.*

*Habes iuxta rationem,  
Διδάλαστος per Franconem,  
Quod ne credas friuolum:*

*Ibi duplex mare feruet,  
A quo non est qui reseruet,  
Sibi valeps obulum:*

*Ibi*

*Ad probandam questionem,  
Hic intendit actionem  
Regendorum finium.*

*Vti reum prosequatur,  
Hic Charybdis debacchatur,  
Id est Cancellaria:*

*Ibi nemo gratus gratis,  
Nulli datur absque datis,  
Gratiam gratia.*

*Plumbum quod hic informatur,  
Super aurum dominatur,  
Et massam argenteam.*

*Æquitatis phantasia  
Sedet, teste Zachariâ,  
Super bullam plumbeam:*

*Qui sunt Syrtes vel Syrenes:  
Qui sermone blando lenes  
Attrahunt Byzantium.*

*Speciem prætendunt lenitatis,  
Sed Charybdi parcitatis,  
Supinant marsupium.*

G

Dulcè

82 Speculum  
Dulci cantu blandiuntur  
Vt Syrenes, & loquuntur  
Primò quadam dulcia :

Frater, bene te cognosco,  
Certè nihil à te posco,  
Nam tu es de Francia:

Terra vestra benè cæpit,  
Et benignè nos excepit  
In portu Consilij:

Nostri estis, nostri cuius?  
Sacrosanctæ sedis huius  
Spirituales filij.

Ita dicunt Cardinales,  
Ita solent Dij carnales  
In primis allicere.

Sic instillant fel Draconis,  
Et in fine Lectionis  
Cogunt Bursam vomere.

Tales regunt Petri nauem,  
Tales habent Petri clauem  
Ligandi potentiam.

*Hi nos docent sed indocti,  
Hi nos docent, & nox nocti  
Indicat scientiam:*

*Cardinales, vt prædixi,  
Nouo iure crucifixi,  
Vendunt patrimonium.*

*Foris Petrus, intus Nero,  
Intus Lupi, foris verò  
Sicut agni ouium.*

*In Galea sedet vna,  
Mundi lues importuna  
Camelos deglutiens:*

*Inuoluta Canopeo,  
Cuncta vorat sicut Leo,  
Rapiens & rugiens.*

*Hic piratis principatur,  
Et Iohannes nuncupatur,  
Sedens in insidijs.*

*Ventre grosso, lota cute,  
Grande monstrum, nec virtute,  
Sed rerum emptum vitijs.*

84                    Speculum  
*Maris huius non est Dea  
Thetis mater Achillæa,  
De qua sæpè legimus.*

*Immo verò Carlinorum,  
Sancta soror loculorum,  
Quam nos Bursam dicimus.*

*Nam si bursa detumescit,  
Surgunt venti, mare crescit,  
Et carina deperit:*

*Sic à ventis circumlata,  
Et à scopulis vexata,  
Periculo suberit.*

*Et occurrunt cautes rati,  
Donec omnes sunt privati,  
Tam nummis quàm vestibus.*

*Tunc securus fit viator,  
Quia nudus & cantator  
Fit coram latronibus.*

*Quòd si verum placet scribi,  
Duo portus tamen ibi,  
Dua tamen insula,*

*Ad*

*Ad quas licet applicari,  
Et iacturam reparari,  
Confractæ nauicule.*

*Petrus enim Papiensis,  
Qui electus est Meldensis  
Portus rectè dicitur.*

*Nam cum mare fluctus tollit,  
Ipse solus mare mollit,  
Et ad ipsum fugitur.*

*Est & ibi maior portus,  
Fœtus agri, florens hortus,  
Pietatis Balsamum:*

*Alexander ille meus,  
Meus inquam, cui det Deus  
Paradisi thalamum.*

*Ille fouet literatos,  
Omnes male incuruatos,  
Si posset erigere.*

*Verus esset cultor Dei,  
Nisi latus Helisei,  
Giesi corrumperet.*

86                      Speculum.  
*Sed ne rursus in hoc mari,  
Me contingat naufragari,  
Dictis finem faciam.*

*Quia dum securus eo  
Ne submergar, ori meo  
Posui custodiam.*

FINIS.

Dis-

Disputatio eiusdem Nicolai Clemangis habita per scriptum, super materia Concilij generalis,  
*cum quodam scholastico  
 Parisensi.*

**O**B eam rem dixi, multis posse videri efficacius aliundè acta concilij, quàm per ipsum concilium fuisse probanda, quia re vera non convenientissimum mihi videbatur (quod cum pace authoris velim esse dictum) acta concilij, apud conciliū per ipsummet probari concilium. Aut enim aliundè suberat probatio, aut non suberat. Si aliundè opportuna suppetebat, non te mihi negaturum arbitror congruentius extitisse hoc fieri. Quid enim si coram illis sermo fiebat qui res egerant ac digesserant? cum rectius atque commodius si ad alienos sermo fuisset, vernacula adhiberetur probatio, quàm apud illos qui egerant. Si autem nihil aptum ad confirmationem illarum constitutionum, vel ex scripturæ



authoritate, vel ex sacris Canonibus præcedentium Conciliorum trahi poterat, nescio si vtilius fuisset, restitutâ primûm pace, tanta noua condere decreta, quæ nullis prioribus ædita Concilijs inuenirentur, cùm periculosæ nimis sint nouitates temporibus schismatum, multa que alia scandala pepererint, & præsertim cum de actis Pisani Concilij multos etiâ nunc ambigere audiamus, quo non tã schisma sublatum vidimus, quàm auctum & corroboratum. Nam quòd ait authoritatem Ecclesiæ omni præstatiorem esse ratione, nonne per authoritatem Ecclesiæ fuisset facta probatio, si per scripturam diuinam vel per aliarum statuta synodorû fuissent in testimonium maioris certitudinis illa confirmata? Licet autem Ecclesiæ militantis authoritas sit maxima quæ fundata supra firmam petram, conuelli non potest, & aduersus quam portæ inferi nunquam præualere potuerunt, non illi tamé nos oportet (vt videtur) triumphantis Ecclesiæ titulos adscribere, vt infallibilis sit aut inpeccabilis, quæ sæpè (vt nosti)

&amp;

& fallit & fallitur: non dico in his quæ fidei sunt, cum Christus ad mortem properans, de illa ad Petrum dixerit, *Petre rogavi pro te, ut non deficiat fides tua.* Sed in alijs quæ vel facti sunt, vel morum, vel iudiciorum, in quibus propter circumstantiarum infinitam varietatem ac multitudinem perdifficile est optimi medium semper attingere. Si igitur aut moralia sint, aut iudicialia ista Concilij acta, cum in talibus falli possit Ecclesia, non absurdum videtur fuisse, si ad argumentum maioris firmitatis aliqua similium exempla, vel de scripturis canonicis proferantur, vel de antiquis ac probatissimis concilijs, quæ inconcussæ sunt authoritatis. Si autem omnia illa acta Concilij fidei definitiones sunt, cum nonnulli (vt fama vulgavit) multa ex aduerso producant sanctorum patrum, ac synodaliū sanctionum decreta, vide quale fuerit pendente adhuc schismate in tantarum rerum opinionumque varietate, doctissimorumque hominum controuersia, tot fidei articulos constituere, vbi non solum

con-

conueniens, sed necessarium mihi fuisse videtur: alias saltem constitutiones vel determinationes, quæ ab alijs in contrarium adduci dicuntur, in partem veritatis & fidei interpretari oportuisse, & nō istis esse contrarias ostēdi debuisse, ne aliàs in materia fidei ipsa errasse videretur Ecclesia contraria determinando. Quod enim dicis patrum decreta rationi non inniti solēre, certè cum tua bona venia, si fidei negotium est, vel materia contentiosa rationibus maximè ex scriptura ductis, vel ex sanctorum patrum diffinitionibus inniti consueuerunt, à quorū vestigijs nisi legitimā grauissimāque ratione adducti, non solent discedere, quā (si contraria eos cōtingat statuere) explicare nō omittunt, ne gratis & voluntariè in rebus arduissimis locuti videantur, sanctorumque patrum decreta sine causa mutasse. Sed iam venio ad verbum Augustini quod commemorasti quo Ecclesiastica videtur auctoritas maximè extolli atque fulciri: *Euangelio* (inquit ille) *non crederem, nisi me auctoritas Ecclesie compelleret.* Mirum fanè

sanè prima specie satis videtur, quòd authoritatem peregrinantis in terra Ecclesiæ, authoritati videtur Euāgelij anteponere, cum in multis illa falli possit, illud omnino nequaquam possit, & cum ipsius Ecclesiæ authoritas, quantum ad ipsius radicem & fundamentum, maximè ex Euangelio constet, immo ipsius institutio, potestas, ædificatio, non aliundè tam expressè & certitudinaliter, quàm ex ipso habeamus Euangelio. Non certiùs autem (vt existimo) videre possumus de Ecclesia atque Euangelio, quod altero excellentioris sit authoritatis, quàm si demus fieri posse, vt aliquid Euangelio contrarium Ecclesia statuatur. Quod utiq; scio fieri non posse, sed fingamus gratiā meliùs enucleandæ veritatis fieri posse. Putas-ne in casu illo Augustinum pro Ecclesiastico statuto fidem fuisse Euāgelij reiecturum? Equidem non facile crediderim doctorem illum acutissimum atque excellentissimum hoc fuisse facturum, aut per illa hæc verba sensisse, præsertim cū de fide Euāgelij Paulus dicat:

Galat. i.

*Si quis etiam Angelus de cælo aliud vobis euangelizauerit, anathema sit, aliud, inquã, id est contrarium. Scripta quippe sunt ab Augustino verba illa, nisi me fallit memoria, in libro cuius titulus est, contra epistolã fundamenti Manichæorũ, quem ante non multa tempora ad integrum perlegi. Manichæi autem contra quos ibi agitur, scripturas sacras pro arbitrio suo, non pro Ecclesię Catholicę ordinatione vel accipiendas ducebant, vel repudiendas. Vetus pro maiori parte testimonium non admittebant, Euangelio credi volebant, Epistolas Pauli Apostoli, multis adiectis & detractis à falsarijs quibusdam, corruptas dicebant, multaque similia deliramenta sine ratione, sed solã voluntatis suę peruerfitate de scripturis confingebant. Vt igitur doceret Augustinus non ex voluntatis arbitrio, sed Canonicã institutione, canonicas scripturas recipi oportere, illa verba mihi videtur, quantum recordari valeo, posuisse, Euangelio non crederem, nisi me autoritas Ecclesię compelleret, hoc est, Euangelio tanquam scrip-*

scripturæ canonicæ non crederem, nisi Ecclesiæ autoritas ad hoc me compelleret, quæ illud intra corpus Canonis habendum censuit, & cui sola est illa autoritas attributa, vt scripturas possit canonicas facere, cuique à quolibet fidei in hoc credi debet atque obediri. Scripta sunt à plerisque sub aliquorum Apostolorum, aliorumque fidelium nominibus multa Euangelia, de quibus etiam meminit Lucas in prologo sui Euangelij, sed tum propter authorum incertitudinem, tum quia non vsquequaque vera erat illorum narratio, non immeritò inter Apocripha per Ecclesiam deputata sunt. Illis ergo non est credendum, quia non sunt per Ecclesiam pro Canonicis approbata, sed à Canonica Catholicaque autoritate prorsus exclusa. Deinde, quod postea addis, certiorum esse habitum fidei quam rationis, etsi non euidentiorum, fateor apud fideles viros verum esse quod dicis, *Captiuantes* (vt ait Apostolus) *omnem intellectum in obsequiũ Christi ac sue fidei*, qui profectò prius descenderet à ratione quam

quàm à fidei autoritate , si vtraque invicem concordare non possent. Sed non omnia quæ Ecclesia constituit, fidei definitio sunt, & plerumque etiam cum fidei sunt, à ratione non discrepant. Illud quoque quod ex Lactantio adducis, *Ea quæ diuine auctoritatis sunt, cum ratione probante tradi non oportuisse, ne per inductam minueretur dicentis auctoritas*, similē habet responsionem. Non enim tanquam fidei articuli sunt amplectenda quæ cunque Ecclesia determinat, vtpote quæ aliquoties contraria determinauit, quod in fidei materia non esset conueniens. Denique non ignotū tibi est, tum Christum ipsum legiferum nostrum, tum suos Apostolos in suæ legis ac fidei traditione, sæpè tale genus probationis, quale dicebam, ex sacris Scripturis veteris Testamenti, dictisquæ Patrum & Prophetarum, in dictorum suorum confirmationem adhibuisse, quo nullum nobis ad imitationē certius possumus exemplum proponere, cū illius actio & vitæ nostræ, & morum nostrorum atque actionum

num certissima atque infallibilis sit instructio. Nec illud prætereà te fugit, quod credo ex fonte illo imitationis Christi deriuatum, quod nostri scholastici Theologi, etiam ad illa quæ fidei sunt, rationes & naturales & morales quotidie adducunt, vel propter illos qui non fundatissimæ sunt fidei, sed ductu rationis in principio ad illam indigent attrahi, vel ne naturæ, rationique contraria videatur fides imperare, ac per hoc ab illa velut à re irrationabili atque ineptâ, pusilli plerique, ac sensibus dediti, ad intelligibiliaque ac spiritualia nō facile valentes assurgere, refugiant. Vides in *Iohannis* Euangelio ad sermonem mulieris Samaritanæ plurimos ex ciuitate Samariæ ad Christum venisse, in eumque credidisse, qui postea in fide corroborati dicunt illi: *Iam non propter tuam loquelam credimus, ipsi enim audiuiimus & scimus, quia hic est verè Saluator mundi.* Figuratur autem (vt aiunt Doctores) mulier ista Samaritana rationem vel similitudinem naturalem. Samaria quippe coniuncta Domino



Domino interpretatur, per naturalem verò rationem anima incipit Domino per fidem coniungi, quæ ratio rudes & nouellos primùm ad fidem ducit atque allicit, cùm verò in Sacramentis fidei plenè imbuti fuerint, atque edocti, non iam propter illam credunt, nec illius ductu indigent, sed illam potiùs tanquam viæ periti, nec ducem vlteriùs requirentes repudiant, sicque suæ fidei non euacuatur meritum, cui iam non humana ratio præbet experimentum, licet fortassis in principio præbuerit incitamentum. Non fuisset autem tam necessarium facta Consilij, vel per authoritatem Scripturarum præcedentiumq; Consiliorum corroborari, vel eorum saltem rationē reddi, si non aliqua, saltem per doctos homines, dicerentur opponi, vel si omnes illi quos respiciunt, aut ad quos ventura sunt, ita essent humanâ ac diuinâ sapientiâ præditi, sicut illi qui ea ædiderunt. Sed cùm ista respiciant vniuersam Ecclesiam, & multa alia statuta nonnullis istorum quorundam fortè opinione videantur

deantur aduersari. Credo vtilissimum  
fuisse ac consultissimum, si rationes fuif-  
sent dictorum adiectæ, vt omni poscenti  
super his rationem, in promptu fuissent,  
iuxta doctrinam atque admonitionem  
beatj Petri Apostoli, qui vult nos semper  
paratos esse ad satisfactionem omni pos-  
centi rationem de eâ quæ in nobis est, fi-  
de. Non rectū esse arbitrabatur princeps  
ille Apostolici ordinis, nos in eorum quæ  
fidei sunt tractatione aut determinatio-  
ne, absque ratione, & pro arbitrio loqui,  
qui omnibus fidei nostræ rationem desi-  
derantibus, iubet esse paratam. Non sibi  
debent solis sapere, qui in Synodo vni-  
uersali Ecclesiam repræsentant, sed ipsi  
toti Ecclesiæ, & ita debent suas determi-  
nationes clarè atque enucleatè explicare,  
vt nullum de pusillis, qui in Christo cre-  
dunt, possint suâ obscuritate aut dubieta-  
te scandalizare. Ratio autem in facto ali-  
quo aut dicto adiecta, obscuritatem at-  
que ambiguitatem, ac per hoc scandali  
occasionem ab illo aufert, quam rationē  
si non poterant in specie vnicuique po-

H

stulanti

stulanti reddere, poterant saltem in genere ad satisfactionem vniuersalis Ecclesiæ, suis constitutionibus addere. Non debent insuper vt videtur, qui consilium agunt, pro fiducia ac libertate agendi quæcunque libuerint, nimis illi inniti æstimationi, Generale consilium sumus, fidenter agamus, errare non possumus. Sanxerunt ac disfinierunt qui Pisano interfuerunt Concilio, atque ita promulgari fecerunt per nouam electionem, ad quorundam ambitiosorum instantiam præproperè factam, schisma sese ex Ecclesia sustulisse, pacemque redidisse. Et quis in tota Ecclesia tam cæcus fuit, qui non rerum experientiâ palam viderit, quantum & ipsosmet, & vniuersam Ecclesiam illa opinio fefellit? Nihil profectò deterius, nihil Ecclesiæ funestius, vniioni que capitalius agi potest, quàm ante omnia bene pacata, pro securoque pacis tractatu composita & concordata, ad nouam procedere electionem, quæ res & schisma à principio fecit, & in tantam vetustatem perduxit, & sanctam Dei Ecclesiam

clesiam incredibiliter attriuit, quod  
quamdiu beneficiorum auuiditate fiet,  
nunquam sumus Ecclesiæ visuri vnionē.  
Et nihil profectò est quod magis metuā,  
quàm ne in Concilio isto ambitiosi suā  
importunitate ac multitudine hoc fieri  
euincant atque extorqueant, qui mole-  
stius ferunt beneficia, quæ ambiunt, diu-  
tius vacare, quàm sanctam Romanam  
Ecclesiam per hoc sacrilegum schisma  
funditus conteri atque deperire. Mea  
autem fert opinio, si Ecclesia illa collati-  
onem omnium graduum Ecclesiæ vni-  
uersalis nunquam sibi arrogasset, cæte-  
rasque, suis iuribus vniuersa ingurgitan-  
do, Ecclesias nequaquam expoliasset,  
vel hoc schisma nunquam in illa exortu-  
rum fuisse, vel non tanto saltem tempore  
perdurasse. Sed ollam non cessat *Hie-  
remias* succensam videre, quia ardens nō  
cessat ambitio ad illius succensionem  
ignem pariter ac ligna administrare. Ista  
volui tecum conferendo paulo latius ex-  
plicare, quia meam non satis potueras  
mentem per literas breues & cursorias

perspicere.

Deum autem testem inuoco in animam meam, non in calumniam aut sugillationem alicuius hæc me dicere, sed piâ & fidei æmulatione, quâ salubriter & securè rebus Ecclesiæ cupio esse consultum, cuius nos vnitatem videre Christus suâ benignitate largiatur. Nec intentio est, in hac habitâ tecum collatione quippiam astruere, quod non sanum atque consonum sit sacris Scripturis, Catholicæque sinceritati. Vale apud Fontē.

Eiusdem ad eundē Scho-  
lasticum super eadem materia,  
*largior atque verior Collatio.*

**B**Enè admones de generalibus Patrum Synodis sobriè loqui, consultius esse existimans frenos ori ponere, quàm de illis temerario iudicio quicquam diffinire. Scio me à te & à quouis alio, non modò de temeritate, verumetiam de insaniâ ac dementiâ iure optimo

optimo argui posse, si de actis generalis Synodi vellem diffinitor aut iudex fieri. Quis enim ego sum, qui sensu parvus, doctrinâ minor, gradu atque autoritate minimus, de sapientum eruditissimorû-  
que virorum sententijs censor velim ac iudex esse? Auertat à me Christus tantam præsumptionem, tantamque demētiam. Non rectè (amice charissime) mea verba accipis, meamque mentem tenes, si in his quæ ad te nouissimè, gratiâ tecum habendæ collationis, à teque percipiendæ in aliquibus mihi dubijs instructionis perscripsi, diffinitoriè me loqui velle credidisti. Nam quia super tuis prioribus literis aliqua apud me erant orta dubia, quorum non satis aperta erat solutio illa: pro planiori intelligentia tecum quodammodo disputando, ad tuamque aliqua respondendo explicare volui, & partim ratione, partim Scripturarum, catholicorumque virorum autoritate in contrariû adductâ, communire, quo sic discussâ obscuritatis caligine, perspicuæ splendor veritatis magis elucesceret, quæ

per obiecta quæquenubula solet clarior  
crumpere, per contrariamque oppug-  
nationem fortior atque inexpugnabilior  
apparere, vt nunquam falli possit illa sen-  
tentia de ipsâ in sacris literis scripta : *Super omnia vincit veritas*. Denique non ob  
aliam causam in scholis atque gymnasijs  
telis solet argumentationum acrius op-  
pugnari, nisi vt hostili exercitu per illam  
fuso atque superato, vis eius certissima &  
prorsus inuicta euidentiùs innotescat.  
Vides quantâ in illis scriptis diligentia,  
quantoque studio laborauerim, nihil ex  
meo sensu vel iudicio dicere, sed ferè ad  
omnia testimonium Scripturæ adhibere,  
vt nihil posset à me profectum vel som-  
nium credi. Si quid ergo ex Scripturis  
aut sacrorum dictis obieci, quod fortè  
inijciat scrupulum, vel difficultatem pa-  
riat, nunquid propterea rem diffinire ex-  
istimandus sum? Cùm etiam si illa quæ  
protuli testimonia, tam certa atque irre-  
fragabilia essent, vt rem ipsam diffinire  
viderentur, nullo modo mihi attribuenda  
esset illa diffinitio. Non peto per te  
vel

vel quemcunque alium fidem aliquam  
meis dari scriptis, nisi quantum incon-  
cussa sunt authoritate firmata, vel solidâ  
ratione roborata. Alioquin nisi his fue-  
rint firmamenti innixa, quis ego sum,  
vt credi debeat? Vbi autem tali sunt val-  
lata munimine, non mihi in illis credi o-  
portet, sed veritati summæ, à qua verum  
est omne quod verum est, quoniam ( vt  
ait beatus *Ambrosius* ) omne verum à  
quocunque dicatur, à Spiritu sancto est.  
Qui etiam spiritus veritatis ab ipsa est ve-  
ritate nuncupatus. Cui Ambrosianę sen-  
tentię *Augustini* etiam verba consonant,  
qui in epistola ad *Pascentum*, ita scribit:  
Neque enim in nobis ipsis, vel per nos ip-  
sos veraces sumus cùm verum loquimur,  
sed cùm ille in seruis suis loquitur, qui  
solus est verax. At non satis ( vt inquis )  
generalem Synodum reuereri videor?  
Nonne contra fidei & Scripturæ sacræ  
certissimam veritatem quotidie disputa-  
mus, quæstiones mouemus, dubia pro-  
ponimus, vt per eorum enucleationem  
veritas illarum certiùs appareat? Immo



litteras meas superiores explicatiùs euoluens, quarum non satis pro breuitate cursuque rapido mihi videbaris ex voto meo sensum affecutus, nonnulla præterea noua dubia interferens, quæ de aliqua re diu cogitando solent largiùs ac multiplaciùs emergere. Horum dubiorum tu aliqua in tuis ad illam epistolam responsorij literis euacuare donatus es, sed adhuc aliqui mihi restant circa illa scrupuli dubietatis insoluti, quos tuæ amantissimæ dilectioni patefacere constitui, quæ (obsecro) meam velit ignorantiam in tantorum dubiorum inquisitione supportare, nec indignari aut succensere, si fortè nimis multa ex te quærendo importunior sim. Scio tibi alias non deesse occupationes, nec tempora tibi tam libera quàm mihi fluere, quam ob causam vereor vltra quàm æquum esset, tibi oneri esse, sed nolo propter mea scripta te à legitimis alijs curis, quæ ex gradu & officio, beneficioq; tibi incumbunt, reuocari aut impediri, propterque mea accessoria, tua principalia omitti negotia.

Satis

Satis habeo si quando ab alijs vacabis occupationibus, teque animi ad hoc voluptas excitauerit, aliquid vel breuiter rescribas. Per te igitur (nisi molestum est) informari cupio, vtrum credere nos oporteat cuncta vniuersalia Consilia eiusdem aut æqualis esse authoritatis, & si ita est, quare de solis quatuor dicit Gregorius illa se venerari & suspicere quasi quatuor Euangelia, aut totidem Paradisi flumina. Si enim indiscretæ authoritatis vniuersa credidit, quam ob causam sola illa quatuor pro cultu venerationis nominatum expressit, dubiã de alijs suspicionem in animis hominum relinquens? Doceri præterea per te desidero, vtrum Catholica putes veritate tenendum, tam in his quæ sunt facti, vel morum, vel iudiciorũ, generale nunquã falli posse Concilium quàm in fide errare non posse fideliter creditur. Si autem ita sentis quæro quorsum illa spectet trita vulgò apud Iuristas sententia, quam pro regula habent quòd sæpe Ecclesia militans & fallit & fallitur? quomodoque intelligenda sit, & quæ sit  
inter

inter militantem & triumphantem quantum ad hoc, distantia, si vtraque quantum ad omnia infallibilis est? Porro Ecclesia in consilio cōgregata nonne viatrix & peregrina est? Si autē viatrix est & peregrina, in statu merendi aut demerēdi esse videtur, quod autē tale est, & potest rectē agere, atq; ita mereri, vt videtur etiā posse deficere, si potest demereri. Neque enim rationem meriti aut demeriti videtur habere operatio, cui nec libertas, nec facultas adest aliter agendi. Sane quia Ecclesia in fide deficere non possit, certum atque expressum habemus testimonium Christi: *Petre rogavi pro te, vt non deficiat* Luc. 22 *fides tua.* Quod autem in alijs non possit, non tale me vidisse memini documentum. Si quid tale nosti, oro vt in medium proferas. Nam illud quidem quod ex Euangelio commemorasti, non multum conuincere videtur: *Vbi duo vel tres congregati fuerint in nomine meo, ibi sum in medio eorum.* Mat. 18. Et primo quidem non necesse est, vt falli non possint in quorum medio versatur Christus. De ipso namque

que Christo ad quosdam Phariseorum Ioh. Baptista dicit: *Medius vestrum stetit*, nec proinde oportebat ut falli non possent: nonne in medio insuper erat perfidissimorum Iudeorum dum crucifigeretur & conspueretur & blasphemaretur? Et quis illos insanus dixit falli non potuisse? Preterea dic, si placet, de qua credis assistentia illud verbum Christi debere intelligi. Si de assistentia per præsentiam diuinitatis, quæ ubique est, nihil ad rem pertinet. Sic quippe & nunquam falli & nusquam posset, si ubicunque esset, errare aut falli non liceret. Si de assistentia per gratiam, vide quemadmodum consequens esse oporteat, quoties duo vel tres pro conferendo ad inuicem de pace Ecclesiæ, vel aliquo alio fructu conueniunt, diuinam illis gratiam protinus infundi, cum forte multa ante peccauerint, de quibus nec compuncti sunt, nec confessi. Multi siquidem fideli zelo de pace Ecclesiæ sæpe conferunt & tractant, magnis aliquibus peccatis, quæ cum gratia minime stant implicati: vel igitur solo colloquio de aliquo

quo pio opere illa deleri oportet, vel non  
neceſſe eſt illis gratiam conferre. Sed de-  
mus vt ſingulis taliter congregatis, cœ-  
leſtis conſeſtim adſit gratia, nunquid il-  
los collata gratia impeccabiles facit, vt à  
recto non poſſint tramite deſlecti, à gra-  
tiaque excidere, vel ignorantia aliqua, vel  
excæcante iudicium paſſione præpediri?  
Mouet gratia ad bene agendum & exci-  
tat, non autem cogit, aut neceſſitatem a-  
liquam immittit, vt aliter fieri non poſſit.  
Si verò de aſſiſtentia per directionem vel  
internam in agendis inſtructionem, illa  
cenſes verba Chriſti intelligenda, illa ſan-  
ctis viris aſſeſe ſolet, qui ſpiritus ſancti  
gratia ſunt repleti, abundeque perſuſi.  
Talibus nempe à Deo promittitur illud  
Pſalmi, *Intellectum tibi dabo, & inſtruam* Pſal. 32  
*te in via hac quam gradieris, firmabo ſuper*  
*te oculos meos*. Talibus præterea qui reli-  
gioſè viuendo, pieque operando merue-  
runt Spiritum ſanctum habitorem ha-  
bere, de ipſo ſpiritu dicitur, *Ille docebit*  
*vos omnem veritatem*. Et ruruſum, *Ille*  
*vos docebit omnia*. Soli autem tales cen-  
ſendi

sonantius illos in vero Christi nomine dicere congregatos, qui pro vera atque æterna salute, vel sui, vel aliquorum proximorum suorum, vel totius Ecclesiæ Catholice, congregati sunt, siue hoc per pacis, siue per alterius boni salutaris inquisitionem, vel etiam adeptionem futurum sit. Sic enim fidelissimi diuinorum eloquiorum tractatores illos exponunt in nomine Iesu petere, qui ad salutem pertinentia petunt. Nam illa quidē tuā expositio nimis angusta est, nec satis latè patet, & præmissæ sanctorum expositioni non omnino concordare videtur. Angusta primò quia vnicum pacis bonum comprehendit, deinde non sanctorum dictis plena consona, quoniam pax (de qua sola loquitur) non necessariò ad æternam pertinet salutem, sed de mediocribus bonis est, quibus & benè vti possumus, & peruersè abuti, quâ profectò si Ecclesia non esset abusa, non sibi per illum sublata fuisset de quo Propheta ait, *Diuisi sunt ab ira vultus eius*. Et iterum: *Zelauit super iniquos, pacem peccatorum videns*. Sed quia solet longa  
pax

pax ac prosperitas temporalis luxum & dissolutionem, morumq; dissolutionem inducere, & rectè poterat de pace sua Ecclesia dicere : *Ecce in pace amaritudo mea amarissima*. Ideo sublata est mala pax, id est, quæ malorum fuerat occasio, ut per afflictionem discordiæ humiliata, ac per hoc cum Deo reconciliata, qui cor contritum & humiliatum non despicit, veram pacem iustitiæ, atque bonæ conscientiæ (quæ salutare utique bonum est, Deoque gratissimum) rursus à Christo deuotè quæreretur, adipisciq; contenderet. *Arma quippe iustitiæ* secundum Apostolū *non solum sunt nobis à dextris, verum etiam à sinistris* : immo frequentius accidit, ut quos prospera largiùs concessa à Deo auerterunt, aduersa salubriter immissa ad eum reuocent. Nec solum per aduersa temporalia Deus nos erudit, atque ad se reuocat, sed per illa etiā quæ sunt ab illo, tanquam mala, prohibita. Quamuis enim malum sit schisma, mala discordia, quæ tanto in sacris literis studio vetantur ac detestantur, quia tamen per contraria

curam

curam esse oportet, illis plerumque per hæc mederi solet Deus, quos pax ad lubrica procliuius, aut noxia in malo concordia in moribus ægrotare fecit. Cum autem sic ex malis Deus bona elicit, illisque ad bona utitur, rationem magis videtur boni quàm mali habere, & expedientis quàm impredientis. Ex fine enim in quem diriguntur, metienda sunt. Quare enim dicere non audeamus, Ecclesiæ fuisse expediens hoc schisma oriri, cum de malo deteriori propter Ecclesiæ utilitatem dicat Apostolus: *Oportebat hereses* 1. Cor. II. *esse, ut qui probati sunt, in nobis manifesti fiant.* De illis itaque bonis est pax temporalis Ecclesiæ; quæ secundum traditionem beati Augustini cunctanter & trepidè, & cum adiecta conditione à Deo poscenda sunt, videlicet si nostræ salutis, ad quam omnia vota nostra referenda sunt, ita expediat: quod utique ipse saluator nouit, nos autem ignoramus, ideoque illius arbitrio cuncta committere debemus. Nam iuxta Apostolicam sententiā, *Quid oremus sicut oportet*, id est, sicut nostræ



stræ salutis expedit, *nescimus, sed ipse spiritus postulat pro nobis*, id est, salutaria ac spiritualia postulare nos facit. Ipse enim est, de quo dictum est: *Et suggeret vobis omnia*. Si igitur pro temporali tantum pace Ecclesiæ recuperandâ, aliqui in vnum congregentur non continuo secundum prædicta necesse est credere illos in Christi nomine congregatos. Primò quia ignorant an ad salutem ipsius Ecclesiæ ita expediat, quam verisimiliter à tumore superbiæ, ardore cupiditatis, funiculis vanitatis, veneno symoniæ, alijsque malis moribus ex temporali affluentia prodire solitis, per hanc sanare diuisionem Christus instituit, qui non sineret mala euenire, nisi ex illis disposuisset bona elicere, è quibus malis ipsam Ecclesiâ, licet per hoc schisma grauiter & diu afflictam, nondum tamen (proh dolor) liberatam aut sanatam videmus. Quid enim aliud sunt temporales afflictiones, quibus Ecclesia premitur, nisi amaræ positiones, aut medicinæ, quibus temporalis cupiditas, superbia vel lasciuia comprimitur?

matur?

matur? Sicut per *Hieremiam* Dominus ait: *Cibabo vos absinthio, & potum dabo vobis aquam fellis.* Deniq; quia plerique Carnales quibus hodiè supra modum abundat Ecclesiæ, propterea pacem illam optant, vt in otio & tranquillâ quiete, nullo interpellante turbine aduersitatis, suis possint voluntatibus (ne dicam voluptatibus) liberiùs seruire. Et quis illos in nomine Christi dixerit congregatos, qui hâc mente vnitatem quærunt Ecclesiæ? qui tamen tot sunt, vt non facilè sint numerabiles. Hi autem carnales filij Ecclesiæ non solùm spiritualia nec curant nec sentiunt, sed etiam persequuntur eos, qui sunt secundum spiritum, sicut à tempore *Abel* iusti, quem *Cain* carnalis occidit, semper factum est, & vsque ad finem mundi semper futurum: hi sunt qui pro temporalibus tantùm commodis ad Ecclesiam conuolant, qui ad secularium formam in Ecclesia viuunt, ambiunt, cupiunt, rapiunt, præesse gaudent, non prodesse, subditos opprimunt atque spoliunt, prælationis honore glo-

I 2 riantur,

riantur, pompis, fastu, luxu lætantur, qui quæstum pietatem æstiment, pro temporaliumque incremento quomodolibet acquirendo, cuncta & facere, & pati sunt parati; qui volentes sanctè, iustè, castè, innocenter, spiritualiter viuere, cum cachinnis irrident, hypocritas appellant, crucifixosque comestores, qui denique non alios literatos in Ecclesia vtilis arbitrantur, nisi qui quæstuosas sunt scientias assequuti, qui temporalia didicerunt tractare, & quomodolibet tueri atque ampliare. Talibus autem hodiè Ecclesia plena est, vt vix singulis Capitulis aut Collegijs alios inuenire contingat. Cùm igitur non alij in Ecclesijs sapientes hodiè existimentur, nisi hi temporales, ad illorumque arbitrium ac dispositionem vniuersa agantur: si qui ad Curiam Romanam, vel ad secularium Principum Curias, vel ad Consilium mittendi sunt, aut isti vltro tanquam prudentiores ab alijs mittuntur, aut spe maioris promotionis, ad quam inhiant, per fauores, & intercessionem maximâ oportunitate se immitti

mitti laborant. Quid autem eiusmodi temporales, nisi temporalia norunt quærere? nisi temporalem quæstum fructû-  
 que cogitare? An tales putandi sunt pro Ecclesiæ reformatione in moribus & disciplinâ, & vitæ honestate operam daturi, qui suam maximam calamitatem hoc esse deputant, qui sibi omne quod libuerit, volunt (etiam impune) licere, qui idcirco à suis superioribus per Romanæ sedis præfulem magnâ pecuniarû largitione eximi quæsierunt, ut suo possent incastigati vivere arbitrio? Quomodo hos credemus pro verâ & spirituali pace Ecclesiæ niti debere, quàm nec sapiunt, nec intelligunt? *Animalis enim homo* (ut ait Apostolus) *non percipit ea quæ sunt* 1. Cor. 2.  
*Spiritus Dei: Stultitia enim est illi, & non potest intelligere ea, quia spiritualiter examinatur.* Hæc autem pax vera & perfecta, & spiritualis, sine præambula iustitia & gratia Dei, in vanum quæritur & expectatur, cum de iustitia dictum sit: *Iustitia & pax osculatae sunt.* Et rursum: *Orietur in diebus eius iustitia & abundantia*  
 I 3 *pacis,*

Rom. 5.

*pacis*, ubi semper paci iustitia præmittitur. Denique Apostolus ait: *Iustificati ex fide pacem habeamus*. De gratia autem videmus apud eundem Apostolum, cum in omni epistolari salutatione illis ad quos scribit, gratiam & pacem optet, gratiam paci semper anteposit. *Gratia vobis & pax à Deo Patre nostro & Domino Iesu Christo*. Quis autem nisi à Spiritu Dei & sapientiâ prorsus alienus sperare debeat, in tanta vitiorum voragine, quantam videmus, duo ista nisi per ingentem & studiosissimam Ecclesiæ reformationem recuperari posse? Liquet ergo aperte ante veram solidamque pacem Ecclesiæ reformationem morum ecclesiasticorum præmitti oportere. Alioquin Deus quomodo propter nostra gravissima scelera tam graviter contra nos offensus, nobis in iniquitate perdurantibus reconciliabatur atque placabitur, nisi per vitæ melioris emendationem ipsas nostras iniquitates relinquamus? Ait ad Ecclesiam Dominus per *Hieremiam*: *Lava à malitia cor tuum, Hierusalem, ut salva fias. Usquequò*

quò morabuntur in te cogitationes no-  
xie? Nam temporales quidem & carna-  
les homines, qui pacem temporalem abs-  
que præuia spirituali, in Ecclesia ponere  
contendunt, quid aliud videntur facere,  
quàm sine posito edificare fundamento?  
Ideoq; suum ruere necesse est ædificiũ.  
Hos cum obiurgatione, grauique exe-  
cratione Dominus per *Ezechielem* Pro-  
phetam arguit: *Vae Prophetis insipientibus  
qui sequuntur spiritum suum, & nihil vi-  
dent, qui deceperunt populum meum, dicen-  
tes: Pax, pax, & non est pax.* Quid est se-  
qui spiritum suum, & nihil videre, nisi  
humanâ, carnaliq; sapientiâ absque spi-  
ritus sancti gratia pacem in Ecclesia velle  
ponere, cùm ipsa ad Deum orat Ecclesia:  
fiat pax in virtute tua. Et quid est dicere,  
Pax, pax, cùm non sit pax, nisi pacem  
tantùm considerare temporalem, spiri-  
tualem negligere, sine qua nec ista tem-  
poralis certa ac vera haberi potest? Quæ  
alia res in Pisana congregatione Eccle-  
siam Dei, populumque decepit, & cla-  
mare fecit, Pax, pax, cùm nulla esset pax,

nisi quia carnales & cupidi homines, qui ubiq; ex refrigerio charitatis superabundant, beneficiorū ardore succensi, prorsusque excæcati, ecclesiasticam reformationem, quam boni & fideles plerique ante omnia fieri volebant, impedierunt, ad nouamq; mox electionem processerunt: quā factā, & promotionibus quas concupierant adeptis, pacem esse clamā-  
runt, solutoque conuentu cum illa quam quæsierant pace, hoc est promotione, reuersi sunt? Scire ex te magnopere cupio, utrūne illos putes fuisse deceptos, Ecclesiamque decepisse, cū ipsi Catholicæ Ecclesiæ se pacem dedisse retulerunt, an potius ab omni deceptione tam actiuā quā passiuā liberos? Et si quidem deceptos fuisse, decepisseque confiteris, cū illi in Concilio præualuerint, illorumque opinio fuerit Concilij definitio: vides profectò consequens esse, Concilium falli potuisse. Si autem ab omni deceptione illos censes in omnibus actis immunes fuisse, exprime (quæso) rationes, quibus ad ita sentien-  
dum

dum inducaris. Ego enim meæ ignorantia in hac re & alijs mihi conscius, nec illas excogitare valeo, nec videre. Sed respondes in literis tuis, quòd si aliquos fortè ambitio more humanæ fragilitatis cæcauerit, ille tamen qui præsidet spiritus, ad finem ducit salutarem. Quare ergo ad certam & salutarem, non perduxit tunc spiritus vnionē? Quare ambiciosos vincere permisit, Ecclesiamq; deludere, dicendo Pax, pax, cùm manifestius apparuerit illam non fuisse? Quæ si fuisset nõ rursû super Ecclesiæ adunatione præsens oportuisset Concilium congregari. Illis adest spiritus, illos dirigit, atque ad finem ducit salutarem, qui dignum in se hospitium illi parauerunt, sequè eius aspiratione & visitatione (quantum in eis erat) per bona opera dignos fecerunt. Illos autem quomodo audiat, aut visitet, aut illustret, qui sibi aduersantur, illumq; cum in se non possint, in alijs extinguere nituntur, qui pro igne charitatis, ardore sunt ambitionis inflammati? Nihil autè tam charitati aduersum est, quàm cupiditas



Rom. 5.

ditas, quæ *Charitas* (teste Apostolo) *non est ambitiosa, utpote quæ diffusa est in cordibus nostris per spiritum sanctum qui datus est nobis.* Qui præterea nihil non modò probare, sed nec patienter audire possunt, quod suæ voluntati vel cupiditati contrarium sit, qui nihil de spiritualibus donis gustantes, si quis aliquid de spiritu dixerit, velut insulsum atque insipidum, cum risu & subfannatione excipiunt, cū sibilis exufflant: cum clamore & contentione reiiciunt. Qui ficto denique fallaciq̃ue corde ad sacra Dei negotia tractanda accedentes, dicunt se quæ Dei sunt quærere, quæ pacis & ædificationis sectari, cū re vera nō quæ Dei sunt, sed quæ sua sunt quærant, singula quæq̃ue ex sui placiti vel cōmodi respectu estimâtes. Audet Paulus in epistola ad Phillipenses de Christianis fratribus sui temporis, immo de proprijs comitibus loquens dicere. *Omnes enim quæ suæ sunt quarunt, non quæ Iesu Christi.* Quod si de illis ait tēporibus, quibus Christianæ religionis recens adhuc creditur zelus magis incaluisse,

Phil. 2.

luisse, cur de terrena fece nostrorum temporum non idem nobis liceat dicere? Talibus autem fictis & sua quærentibus non adesse solet spiritus sanctus, sed illos velut inimicos effugit, de quo scriptum est: *Spiritus sanctus disciplina effugiet fictum, & auferet se à cogitationibus quæ sunt sine intellectu.* Vbi non alium puto conuenientiùs intellectum debere accipi, quàm illum qui inter eius dona numeratur qui hominem de illorum facit sorte: de quibus dicitur: *Erunt omnes docibiles Dei:* aut scilicet ad ea quæ sunt audienda, & dicenda, & amplectenda, libenter cor inclinet, & patienter commo-  
det aurem, nec tam velit per tumorem arrogantia, scientiaque ostentationem doctor aliorum videri, quàm per humilitatem & sobriam de se æstimationem, erga illo quos se meliores, sacrorumque coelestium peritiores existimat, discipuli vicem tenere. Ideoque non dictus est spiritus sanctus doctrinae, sed spiritus sanctus disciplinae, quia non tam doctorem quàm docibilem reddit hominem. Docibilem

Ier. 32

cibilem inquam, quantum ad ipsum pertinet spiritum, qui interiùs docet de omnibus, & quantum ad spirituales viros: *Qui* (secundum Apostolum) *omnia iudicant, & ipsi à nemine iudicantur.*

Nam ad simpliciores quidē instruendos illos doctores esse vult quos repleuerit. Et licet ex igne zeli cœlestis illos velit constanter & ardentè docere, propter quod in linguis igneis apparuit, tamen humiliter & modestè suam vult doctrinam effundi: *Modestia* (inquit) *vestra nota sit omnibus hominibus.* Et alibi: *Vos qui spirituales estis, instruite in spiritu lenitatis, non tumide, non arroganter, non clamorè aut contentiosè, non vincēdi aut apparēdi, vel scientiam suam inaniter ostentandi studio.* Ab illis itaque cogitationibus se aufert spiritus quæ sunt sine intellectu, quia ab illis mentibus se subtrahit, quæ sensu carnis inflatæ, maioraque de se præsumentes, ipsi nesciunt spiritui, qui benignus & humilis est, humiliter subdit, suisque assertionibus pertinaciter insistentes, nec ab alio quolibet, nec ab ipso met

met spiritu sunt paratæ doceri, cum Dominus per Prophetam dicat: *Super quem requiescet spiritus meus, nisi super humilem & quietum, & tremementem sermones meos?* Quod si non nisi super istos, dominicâ attestatione, requiescit, & secundum mores hodiernos pauci admodum tales verisimiliter in consilijs sunt, in omniqûe coetu, carnalium aut & temporalium & ambitiosorum, & contentiosorum, & illâ quæ inflat, scientiâ tumentium, turba solet adesse copiosa: vide quemadmodum necesse est credere, ipsum semper in concilijs vincere spiritum, consultantiumqûe mentes sibi semper resistentes, obicemqûe ponentes, ad illa quæ saniora sunt atque salutarioira perducere, præsertim cûm à maiori numero concordium sententiarum Consilij soleant decreta procedere. Ista non dico astruendo, sed inquirendo potius, vt per te possim certior fieri, quomodo putes Spiritum sanctum in consilio præsidere, atque ad ea quæ salutis sunt, hominum minimè spiritualium mentes inflectere ac traducere. Nec ista propter

Councilum  
Constanti-  
ense.

propter præfens dico consilium, de cuius salutari fructu plus quàm de aliquibus præcedentibus in Domino spero, cùm de Ecclesiæ reformatione, quod in pacis reconciliatione caput esse debet, & iam multa illic tractata audiam & assiduè tractari, quanquam etiam multa ibi sæpe incidere dolens audio, quæ non tam fructus spiritus sunt, quàm carnis opera, contentiones, emulationes, dissensiones, sectas, animositates, clamores insuper atque irrisiones; quæ non secundum illam fiunt gravitatem & modestiam quas desiderat spiritus, quasque in pacis esse consilio oportuerat.

Attende igitur quàm necesse fit, probos ac iustos viros, & spiritus sancti, non cupiditatis igne feruentes, ad consilia destinari, qui non quærunt quæ sua sunt, sed quæ Iesu Christi, vt piam illius mereantur assistentiam, qui de congregatis in nomine suo dixit : *In medio illorum sum.* Et de quo per Prophetam dicitur : *Oculi Domini super iustos*, piamque etiam sui spiritus suggestionem, de qua ait, *et suggeret*

Psal. 34

20-

*vobis omnia.* Qui etiã *Spiritus* (vt ait Apo- Rom. 8.  
stolus) *secundum Deum postulat pro sanctis*,  
id est, sanctos ea quæ secundum Deum  
sunt postulare facit: nec tantũ postulare,  
sed etiam assequi. Solebant antiqui patres  
Consilium celebraturi, ieiuniorum absti-  
nentiã, orandi instantiã, lachrymarum in-  
undantiã, maximã cordis contritione,  
atque contribulati spiritus humillatione,  
in timore & tremore Spiritus sancti assi-  
stentiam, suffragiumque implorare, sum-  
mã sollicitudine ac vigiliantiã cordium  
suorũ latebras emundantes, vt nihil illic  
tanto hospite resideret indignum, quo  
offensus inde auerteretur, & propterea  
illis assistebat, illos dirigebat atque ex-  
audiebat, & in cordibus ac labijs eorum  
gratiam suam diffundebat, vñ nũ tam  
illi, quã spiritus loqueretur in eis. Quid  
autem necessaria erat tanta diligentia, si  
exploratum habebant se non posse falli  
aut deficere in his propter quæ fuerant  
congregati: aut ex defectu preparationis  
vel dispositionis a suo non posse fraudari  
desiderio?

Legimus sæpè in sacra scriptura, propter  
vnius aut paucorum culpam, magnum  
sæpe innocentum hominum, Deoque  
amicorum fusum exercitum, nec illos ad-  
iutos aut exauditos, qui ad bella contra  
Dei hostes sincerâ mente processerant.  
An non sola ouis morbida vniuersum  
sæpe gregem inficit? Cùm itaque ex vni-  
us voce ac sententiâ tota sæpe congrega-  
ta pendeat multitudo, cur non sicut ille  
in iudicio falli potest, ita ipsam totam fal-  
lere multitudinem, maximè si ex huma-  
na præsumptione, aut aliâ iniquitate falli  
digna sit? Nonne per omnia rectè agere  
& nunquam falli vel deficere solius Dei  
est? Sciant Gentes quoniam homines  
sunt, non Dij, non Angeli, non Sancti  
confirmati. Si autè homines fragiles sunt,  
peccabiles sunt, mendaces sunt: *Omnis*  
enim *homo mendax*. Varijs præterea pas-  
sionibus atque ignorantijs, quæ sæpe iu-  
diciū excæcant, obnoxij sunt, & tanto  
quidem peccabiliores atque ignorantio-  
res, quanto à peccato atque ignorantia  
vano se voluerint tumore eximere. Quod  
fi

si dixeris non ex humana infirmitate, sed ex virtute Spiritus sancti esse quod Concilium falli non potest, quis potest certam habere notitiam, quod maiori parti Concilij, quam præponderare oportet, Spiritus adsit? Quis audeat dijudicare se dignum esse, cui gratia sancti Spiritus adsistat, cum nemo sciat vtrum amore an odio dignus sit? Apostolus apertè dicit, *Nihil mihi conscius sum, sed non in hoc iustificatus sum, sed neque meipsum iudico, qui autem me iudicat, Dominus est, cui scilicet soli nota est puritas mentium.* Dices fortè esse verisimile gratiam Spiritus sancti semper aliquibus vel paucis in Concilio adesse, quorum ignità atque efficaci persuasione ad illa quæ salutis sunt cæteros attrahat, dans voci eorum, tanquàm voci suæ, vocem virtutis, quâ in animo audientium protensiùs influant. Quoniam (vt ait Salomon) *verba sapientum sunt quasi stimuli, & quasi clavi in altum defixi.* Possunt tales (si qui ibi sunt) illos mone-  
re, quorum corda Deus tetigerit, quiq;  
ex debita dispositione & Spiritus sancti

1. Cor. 4

K

præ-



præuentione ad spiritualia sunt capienda idonei. Alioquin si multitudo propter peccata atque indispositionē indigna est decipi, paucos ad se illi flectunt viri spirituales, nec qui possint aduersus alios præualere. Nonne in Concilio *Achab* sanctus Propheta Domini *Micheas* adfuit, qui ea quæ suggerebat Spiritus sanctus intrepidè dixit, nec tamen regi aut cæteris malis Prophetis ex sensu ac spiritu proprio loquentibus aliquid persuasit, quoniam digni erant decipi, quemadmodum ad spiritum mendacem qui ad illos decipiendos mitti petierat, prædixerat Dominus: *Decipies & præualebis*. Quis autem possit certò scire, an maior pars Concilij sit digna decipi, ex qua pēdet definitio? Lege apud *Hieremiam* Prophetam, quid de templo suo Dominus loquatur contra illos qui sibi falsò promittebant, quòd propter eorum iniquitatem Deus illud non defereret. *Nolite confidere* (inquit) *in verbis mendatij, dicentes templum Domini est, quoniam si benedixeritis vias vestras & studia vestra, si fece-*

Hier. 7.

*feceritis iudicium, & cætera multa quæ illic sequuntur, hab. tabo vobiscum in loco isto.* Deinde cùm plurima illorum peccata enumerasset, adiicit atque ait: *Ergo spelunca latronum facta est domus ista, in qua inuocatum est nomen meum in oculis vestris. Ite in Silo, ubi habitauit nomen meum à principio, & videte quæ fecerim ei propter malitiam populi mei: & nunc quia fecistis omnia opera hæc, & non audistis me, faciam domui huic, in qua vos habetis fiduciam, sicut feci Silo, & projiciam vos à facie mea.* Et conuerso ad Prophetam sermone sequitur. *Tu ergo noli orare pro populo hoc, nec assumes pro eis laudem & orationem & non obsistas mihi, quia non exaudiam te.* Vbi licet aperte intueri, quàm modicum apud contumaces, Dei que contemptores, & apud Deum pro illis sancti iusti que proficiunt. Quid autem est templum Domini, nisi Ecclesia Dei? Quamuis enim ad Iudæos ista ad literam sint dicta, & pro illis scripta, tamen secundum traditionem Apostolicam, in figura dicta sunt illis, quæ figura Ecclesiam

Christi, moresque eius hodiernos videtur respicere. Sed adhuc fortè dices falli non posse promissa Domini, quibus *cum Ecclesia sua usque ad consummationem seculi se futurum spondit*. Fateor sanè certum esse illa falli non posse, sed ubi & cum quibus per gratiam in Ecclesia sua sit, non nostrum, sed illius est nosse. *No-uit Dominus qui sunt eius* (inquit Apostolus,) nos autem quomodo nosse possumus? In sola potest muliercula per gratiam manere Ecclesia, sicut in sola virgine tempore passionis mansisse fertur. Nunquid maioris erit authoritatis aut prerogatiuæ Concilium Episcoporum huius temporis, & propter illorum iustitiam quorundam cum illis doctorum hominum, quàm congregatio Apostolorum fuit, qui tamen omnes declinauerunt & trepidauerunt? Nunquid præterea maioris erit prerogatiuæ, quàm vniuersa militans Ecclesia? in qua dixit *Augustinus* non impleri posse quod ait Apostolus: *ut exhibeat sibi gloriosam Ecclesiam, non habentem maculam aut rugam,*  
*sed*

*sed tantum in cœlesti Hierusalem*, ubi verum erit quod scriptum est: *Sine macula sunt ante thronum Dei*. Quid aliud credere possumus causæ esse, quare illa quatuor Concilia (quæ tantâ præ cæteris excellentiâ commendat *Gregorius*) scilicet, Nicænum, Constantinopolitanum, Ephesinum primum, & Calcidonenſe, tam in singulari sint inter alia veneratione sacrosancta habita, nisi quia ex sanctis erant hominibus collecta, sanctique in terra habebantur, qui illuc conuenerant? Proptereaque in illis & per illos suas mirificauit Deus voluntates, sicut per sanctum Prophetam dixit: *Sanctis qui sunt in terra eius, mirificauit omnes voluntates meas in eis*. Spiritus enim vbertate ditati, pinguedineque saginati nihil petierunt aut constituerunt, nisi quod vellet Deus, & propterea non sunt fraudati à desiderio suo. Tales congregat Spiritus sanctus, talibus adest, in medio talium versatur & volitat, & delitiæ sibi magnæ sunt cum talibus esse filijs hominum. Secus autem de illis, de quibus vno interiecto versicu-

lo subiungitur : non congregabo  
conuenticula eorum de sanguinibus.  
Quæ autem sint conuenticula de san-  
guinibus , quæ se non congregaturum  
dixit Spiritus sanctus , nescio , nisi il-  
la esse dicantur, quæ ad tractandum de  
temporalibus vel carnalibus congregata  
sunt. Sanguis quippe & carnalia signat,  
vt: *Libera me de sanguinibus: & tempo-*  
*ralia interdum, vt in Ecclesiastico: Panis*  
*egentium vita illorum, qui hunc defraudat,*  
*vir sanguinum est.* Quid autè aliud quàm  
carnales sunt, qui Concilij negotia cla-  
mosè , contentiosè, passionaliter & ira-  
cundè, cum iurgio & amaritudine tra-  
ctant, secundum illud Apostolicum:  
*Cùm sint inter vos zelus & contentio, nonnè*  
*carnales estis?* Ex statu quippe & habitu-  
dine congregatorum magna ex parte pé-  
dere videntur euentus atque diffinitio  
Conciliorum, quoniam plerunque se-  
cundum merita poscentium Deus po-  
stulata concedit, vel abnegat. Duo nam-  
que iam ante pauca tempora super schif-  
matis abolitione facta sunt Concilia, &  
in

in ambobus à votis & spe excidimus, v-  
tinam in tertio isto voti compotes simus.  
In secundo autem illorum Conciliorum  
audisse te arbitror quid contigerit. Res  
nempe ita peruulgata fuit, vt vix aliquem  
latere potuerit, quam illo tempore ex ve-  
ridico comperi authore, & qui me mini-  
mè fallere (vt puto) voluisset, & quam  
paucis (si fortè non audisti) volo referre.

Conuocauerat ante quatuor fermè an-  
nos Romæ Concilium Ecclesiæ, maxi-  
mâ quorundam compulsus instantiâ,  
*Balthasar* ille perfidissimus, nuper è *Pe-  
tri* sede (quam turpissimè foedabat) eie-  
ctus, in quo paucissimis concurrentibus  
extraneis, ex aliquibus qui adfuerant I-  
talicis ac Curialibus, sessiones aliquot te-  
nuit, in rebus superuacuis, nihilque ad  
vtilitatem Ecclesiæ pertinentibus, tem-  
pus terendo, consumptas. Cùmque an-  
te primam Concilij congressionem pro  
inuocatione sancti Spiritus solito fuisset  
de more Missa celebrata, vbi Concilium  
assedit, ipseque *Balthasar* in parata sibi  
Cathedra sublimior præsidit, ecce dirus

ac feralis bubo, funeris aut alterius (vt ferunt) calamitatis semper nuntius, è latbris suis erumpens, cum sua illa horrida voce continuo aduolat, super trabemq; Templi mediam, oculis in *Balthasarem* directo intuitu coniectis astitit. Coeperunt vniuersi mirari, quòd nocturna auis & lucifuga, diurnâ luce in turbæ medium aduenisset, malumque omen ex prodigio non immeritò auspicabantur. En, inquebant, suppressâ voce alter ad alterum, in specie Bubonis Spiritus adest. Cùmque cæteri & se mutuò & *Balthasarem* spectantes atque intuentes, vix risum tenerent: *Balthasar* ipse (in quem solùm ille fixâ acie oculos intenderat) rubore suffusus, sudare, angustiari, atque intra semetipsum æstuaræ coepit, tandemq; non inueniens quâ aliâ posset ratione suæ tantæ confusioi consulere, soluto Concilio, surgens abscessit.

Sequuta est deinde altera sessio, in qua rursus more simili (licet vt credo, minime vocatus) bubo adesse non omisit, verso semper in *Balthasarem* contuitu.

Quem

Quem ille rediisse conspiciens, maiori quam prius verecundia meritò conturbatus est, nec illius vltra ferre prævalens conspectum fustibus illum, terrificisque clamoribus abigi præcepit. Sed ille nec vocû inquietudine, nec alijs tremefactus molestijs effugere voluit, donec fustium crebris ictibus acerrimè pulsatus in conspectu omnium exanimis decidit. Hæc ex quodam fidei amico didici, qui illis diebus recto gradu Roma veniebat, super quibus cum propter rei insuetudinem hæsitare coëppissem, per me vehementissimè adiuratus, verissima se retulisse confirmavit. Addebat autem omnes qui aderant, in magnum contemptum atque irrisionem consilij ex hac re adductos, paulatimque toto dilapso consilio, nihil illic prorsus actum esse fructuosum. Perspice igitur quantæ videntur posse occasiones deceptionis aut fallaciæ, aut frustrandi irritandi que consilij incidere, siue ex capitis indignitate, vt in illo forsitan consilio, de quo modo loquebar, siue

cx



ex maioris partis aggregatorum in dispositione, quæ ad gratiam sancti Spiritus percipiendam non est rite parata, qui non nisi puras gaudet mentes inuisere: vnde sanctus Propheta rogando dicturus: *Spiritum rectum innoua in visceribus meis*, qui scilicet rectè agere doceat, & falli non sinat, non immeritò præmisit: *Cor mundum crea in me Deus*: tanquam certissimè cognoscens, se non nisi corde mundato rectitudinem spiritus qui illum in agendis, ne falleretur, dirigeret, posse consequi. Possunt insuper aliæ causæ deceptionis aut fallaciæ in Consilio contingere, siue ex nimia attentione ad pacem temporalem, aliosque temporales fructus, spiritualiumque rerum incuria, siue in aliquibus ex nimia præsumptione atque æstimatione suæ sapientiæ, per quam se putant Ecclesiæ posse subuenire, & cui magis innituntur quàm cœlesti gratiæ, cùm de tali sit sapientia scriptum: *Perdam sapientiam sapientium, & prudentiam prudentium reprobabo*, illorum, scilicet qui  
con-

contra Apostolicam admonitionem prudentes sunt apud semetipsos, & plus sciunt quàm oportet sapere, siue postremo ex negligentia intuendi, scripturas diuinas, sanctorumque patrum dicta & scripta, in quibus sacrarum, spiritualiumque rerum & petendarum & impetrandarum forma opportuniùs tradita inuenitur. Quæ si ita sunt, vel esse possunt, nil enim affirmo, sicut temerarium videris arbitrari generalem dicere synodum facile errare aut falli posse, ita tuum est considerare, ne forte non omnino à temeritate alienum sit, nunquam illam posse deficere, pertinaci velle defensione astruere, nisi aut firmissima autoritate, aut certissima ratione ita esse conuinceretur. Quod etiam si certo & constanti esset documento monstratum, non adhuc tamen vtile crediderim illos qui ad synodum ipsam conueniunt, isti inniti æstimationi, ne fortè sub vmbra atque occasione talis confidentiæ, aliqua ex humana præsumptione (quæ exinde posset  
apud

apud multos facile consurgere) nimis leuiter sibi agenda susciperent, vel minori consideratione digesta statuerent. Optimus nempe custos disciplinae, totiusque rectitudinis timor est, ad quem penè tota scriptura mirâ sollicitudine vnumquemque hortatur. *Noli altum sapere, sed time*, inquit Apostolus. Et alibi legitur: *Beatus homo qui est pauidus*. Denique Iob sanctissimus ait: *Verbar omnia opera mea*, quare meritò rectus fuisse ac timens Deum describitur. Timor siquidem sapientes facit, atque ideo non ex facili fallibiles. *Initium enim sapientiae timor domini. Timor iustos facit*, dicente scriptura. Qui sine timore, non poterit iustificari. Qui autem iusti sunt, exaudiri merentur, nec repulsam in votis suæ sustinere, quoniam scriptum est: *Desiderium suum iustis dabitur*. Et in Psalmis cum dictum esset: *Oculi Domini super iustos*, statim adiunctum est, *Et aures eius ad preces eorum*. Timor postremò sanctos facit: vnde

Rom. 11.

Prou. 25.

Prou. 1.

Psal. 34.

vnde est illud Apostolicum, *Perficien-* 2. Cor. 7.  
*tes sanctificationem in timore Dei*: in ta-  
libus autem (vt suprà dictum est) vo-  
luntates suas Spiritus sanctus mirificat.  
Isti sunt æstus & scrupuli dubitationum,  
qui in re de qua inuicem conferre cœ-  
pimus, adhuc apud me remanserunt,  
& forsitan plures ac maiores possent a-  
lijs doctioribus occurrere. Super his au-  
tem dum tibi per otium licebit (nolo e-  
nim aliquid aliàs à te exigere) ad meam  
poteris instructionem, animique sere-  
nationem, quod sentiendum existimes,  
aperire, non similiter quidem ad om-  
nia vel de omnibus rescribendo, quod  
à tua non ausim petere occupatione,  
sed particulatim modò ad vnum, mo-  
dò ad alterum, prout & tibi videbitur,  
& alia incumbentia permittent negotia.  
Forsitan autem mihi & alijs non tanta  
in materijs istis occurrerent dubia, si in  
consiliorum diffinitionibus, vel ex scri-  
ptura diuina, vel aliundè rationes, at-  
que probationes essent adiectæ. Quo-  
niam

niam ( vt sapientissimè dixit Hillarius  
noster ) intelligentia dictorum ex cau-  
sis est assumenda dicendi, quod à prin-  
cipio dixi mihi videri rectius fuisse.  
Ex his igitur atque alijs, quæ tibi fortè  
cogitanti melius occurrerent, vides vt  
puto quàm congruum fuisset, vt non  
dicam necessarium, legitimis aliquibus  
documentis tantas confirmandas fuisse  
nouas æditiones, quarum omnium non  
alia affertur probatio, nisi quòd per ge-  
neralem sunt synodum constitutæ, quæ  
falli aut errare non potest, quod an ad  
perfectam illarum intelligentiam suffi-  
ciat tu vides, vbi præsertim tanta ex  
scripturis obstare videntur, quæ etsi  
non apud doctissimos, apud simplices  
tamen & minùs doctos magnam pos-  
sunt ambiguitatis, vel scandali præbere  
materiam. Tibi verò non ignotum est,  
quantâ curâ caueat & moneat Chri-  
stus, quantâ insuper Paulus Aposto-  
lus, ne paruulis in Christum creden-  
tibus occasio præstetur scandali. *Ista*  
autem

autem non in reprehensionem, calumniamque Consilij rite, & cum Dei timore plusquam humana præsumptione celebrati, sed (Deo teste) in quietem pacationemque animi mei apud te aperire volui. Benè igitur fecerit tua charitas, si huic meæ mentis anxietati, pro concessa sibi à Deo doctrinâ mederi studuerit, per rei que obscuræ & inuolutæ elucidationem pro me, atque alijs simplicioribus scandali radicem procidere. Nihil autem (ut iam sæpè dixi & repetere nequaquam piger) in his aut alijs scriptis astruere intendo, nisi quod Catholicæ sit integritati perfectè consonum. Si quid autem minùs certum aut verum non asserendo, sed dubitando, vel argumentando proposui, quo de certitudine plenius possim informari, non puto quòd ad temeritatem debeat mihi imputari. Alioquin temerarium esset minùs intellecta velle à sapientioribus discere, quamuis etiam certè paratus sim, si

ca quæ me mouent dubia , explicando aliquid in radice veritatis minùs fundatum , aut alicuius fortassis scandalum illatuum nimis astruere viderer , aut fidei admonitu illud eradere , aut ad lineam rectitudinis lineâ exactiori emendare.

*FINIS.*

De

# De reformatione Eccle- siæ, Libellus reuerendissimi Patris

*D. Petri de Aliaco Cardinalis Came-  
racensis, oblati primoribus Eccle-  
siasticis in Concilio Constantiensi  
iussu Cesaris Sigismundi cō-  
gregatis. Anno. 1415.  
mense Nouemb.*

## PRÆFATIO.

**D**E reformatione Ecclesiæ dudum  
plura per me scripta, nunc com-  
pendiosius recolligere, & sacri ge-  
neralis Concilij Constantiensis exami-  
nationi & correctioni præsentare decre-  
ui. Quæ Ecclesiæ reformatio quàm ne-  
cessaria olim fuerit, & ampliùs modò sit,  
euidenter ostendit deflenda ipsius defor-  
matio, de qua lamentabiliter conquere-  
batur beatus *Bernardus* Sermone tricesi-  
simo tertio, supra Cantica ita dicens: Ser-  
pit hodiè putrida tabes per omne corpus  
Ecclesiæ, & quo latiùs eo desperatiùs, eo-  
L que



que periculosius quo interiùs. Nam si  
insurgeret apertus hæreticus, mitteretur  
foras & arefceret: si violentus inimicus  
absconderet se forsan ab eo. Nunc verò  
quem eijciet, aut à quo abscondet se?  
Omnes amici, & omnes inimici: omnes  
necessarij, & omnes aduersarij: omnes  
domestici, & nulli pacifici: omnes pro-  
ximi, & omnes quæ sua sunt, quærunt.  
Ministri Christi sunt, & seruiunt Anti-  
christo: honorati incedunt de bonis Do-  
mini, qui Domino honorem non defe-  
runt. Et enumeratis quibusdam excessi-  
uis abusibus Ecclesiasticorum subdit. O-  
lim prædictum est, & nunc tempus im-  
pletionis aduenit. Ecce in pace amaritu-  
do mea amarissima. Amara prius in nece  
Martyrum, amarior post in conflictu hæ-  
reticorum, amarissima nunc in moribus  
domesticorum. Non fugare, non fugere  
eos potest, ita inualuerunt, & multipli-  
cati sunt super numerum. Intestina & in-  
sanabilis est plaga Ecclesiæ. Et ideo in  
pace amaritudo eius amarissima: sed in  
qua pace? & pax est, & non est pax. Pax  
à

à Paganis, pax ab hæreticis, sed non profectò à filijs. Vox plangentis in tempore isto: filios enutriui, & exaltaui, ipsi autè spreuerunt me: spreuerunt & maculauerunt me à turpi vita, à turpi quæstu, à turpi commercio, à negotio denique perambulante in tenebris. Si hæc à beato *Bernardo* dicta sunt, nunc multò magis dici possunt, quia extunc de malis ad peiora processit, & in omni tam spirituali quàm seculari statu abiectò decore virtutum in variam cecidit turpitudinem vitiorum. Propterea extunc quidam spirituales mala hæc subtilioris intelligentie oculo præuidentes, præsentis Ecclesiæ persecutionem, & huius schismatis horrendam monstruosamque diuisionem, subtractionem quoque obedientiæ ab Ecclesia Romana, & alia plura scandalosa inde sequutura prædixerunt. Sicut patet in libris Abbatis *Ioachim* & *Hildegardis*, quos non esse contemnendos, quorundam magnorum Doctorum probat authoritas. Hæc autem Deus misericordissimus, qui solus ex malis bona nouit

L 2      elicere,

elicere, ideò permittere credendus est, vt eorum occasione Ecclesia sua in melius reformetur. Quod nisi celeriter fiat, audeo dicere, quòd licèt magna sint quæ videmus, tamen in breui incomparabiliter maiora videbimus, & post ista tonitrua tam horrenda, maiora alia horribiliora in proximo audiemus. Eapropter summo opere vigilandum est circa reformationem Ecclesiæ. Ideò circa hoc aliquas considerationes particulares scribere, & prudentum examinationi proponere dignum duxi, nec omnes quidem, quia ad hoc & maiori libro & maiori ingenio opus esset, sed vtiliores, & meo iudicio magis necessarias, & per quas ad omnes alias via poterit facilius aperiri.

Prima autem consideratio erit, de reformandis circa totum corpus Ecclesiæ.

Secunda, de reformandis circa eius caput, scilicet, circa statum Papæ, & Romanæ Curia.

Tertia, de reformatione principalium Ecclesiæ partium, scilicet, Prælatorum.

Quarta, de reformandis circa religiones,  
&

& religiosos.

Quinta, de reformandis circa cæteros ecclesiasticos.

Sexta, de reformatione laicorum Christianorum.

*De reformatione Ecclesiæ circa totum corpus vniuersalis Ecclesiæ.*

**P**Rima consideratio est de his, quæ viderentur reformanda circa totū corpus vniuersalis Ecclesiæ. Vbi primò occurrit esse expediens & necessarium, quod sæpiùs quàm hactenus factum sit, generalia Concilia celebrentur. Item videtur expediens, quod etiam sæpiùs celebrarentur Concilia Prouincialia: quia vt patet 18. *distinēt. decreti*: Sancti Patres propter Ecclesiæ vtilitatem, primo statuerunt ea bis in anno celebrari. Postea verò propter fatigationes, & vt opportunè haberentur, hi qui congregandi sunt, statuto Synodali definierunt, omni excusatione remotâ modis omni-

bus semel in anno fieri, & deprauata corrigi.

Vnde & Episcopi, qui ad Synodum venire contemnunt, & Principes qui hoc prohibent vel impediunt, vel Metropolitani qui absque rationabili causa hoc agere negligunt, canonicis poenis subiacent, ut hæc probantur in dicta *distinet*. quasi per totum, & in multis Canonibus Conciliorum, vt in secundo capite Carthaginensis Concilij tertij: & in alio capitulo Toletani Concilij sexti, & in tertio capitulo quarti Concilij Toletani, vbi sic legitur: Nulla penè res disciplinæ mores ab Ecclesia Christi magis expellit, quàm negligentia sacerdotum, qui contemptis Canonibus ad corrigendos mores Synodos facere negligunt. Et certè hodiè docet experientia quot & quanta mala ex huiusmodi negligentia proueniant. Et ideo necesse est prouidere, vt huiusmodi Concilia sæpius fiant, & si non semel in anno iuxta rigorem Canonum, saltem de triennio in triennium ad euitandum vexationes itinerum laborum & expen-

expensarum, & quia omne rarum, pretiosum. Et si dicatur, quòd hodiè non est opus generalia aut prouincilia Concilia congregare, sicut fuit in primitiua Ecclesia: & quod ad tollendum vexationes Prælatorum in huiusmodi Concilijs, Romana Ecclesia seu Papalis Curia potest sufficienter casibus emergentibus respondere: respondetur, quòd hoc non est vtique verum. Tum primò, quia experientia docet, quòd propter defectum Conciliorum, & maximè generalium totius Ecclesiæ, quæ sola potest audacter & intrepidè omnes corrigere, ea mala quæ vniuersalem tangunt Ecclesiam diu remanserunt impunita, incorrecta & adeò creuerunt, & inueterata sunt, vt tandem multa iniusta & iniqua sub prætextu fictæ & corruptæ consuetudinis licita reputètur. Item multi suspicantur, quòd hæc dissimulauerat Romana Curia, & super hoc Concilia fieri neglexerit, vt posset ad suæ voluntatis libitum plenius dominari, & iura aliarum Ecclesiarum liberiùs vsurpare. Quod non assero esse

verum; sed quia contra eam huiusmodi laborat infamia, debuit ad eam purgandam super congregatiuè Conciliorum generalium & prouincialium prouidere. Alioqui, iuxta dictum *Augustini*, Si famam suam negligit, crudelis est. Item illa sanctissima Romana Curia sancti *Petri* & Apostolorum, licèt potuisset sine congregatione Concilij per epistolas, vel alias vias, causas & negotia Ecclesiæ faciliter terminare : tamen legitur quatuor Concilia celebrasse, sicut patet in *Actis*, 12. 15. 16. *cap.* vnde per hoc exemplum instructionis de sæpè congregandis Concilijs, suis posteris reliquerunt. Nam sicut Christi, sic & Apostolorum suorum à capite nostro est instructio, iuxta illud Apostoli: *Imitatores mei estote, sicut & ego Christi*. Item in quarto capite Canonis dicit *Isidorus*: Quòd quia ante tempora *Constantini*, non erat Episcopis licentia conueniendi in vnum, scilicet, publicè per modum Concilij generalis, idèò Christianitas in diuersas hæreses scissa est. Et ita dicere possumus modò, quòd

quòd propter defectum celebrationis Conciliorum, Ecclesia in diuersa schismata, & alia innumerabilia mala fortè etiam ad hæreses disponentia (proh dolor) lapsa est, sicut experientia docet. Item si Concilia celebrata fuissent, verisimile est, quod hoc nefandū schisma non tam diu perdurasset, nec fortè schisma Græcorū. Vnde huiusmodi schismatibus debuisset citò per Conciliū generale prouideri, vt in Primitiua Ecclesia docuerunt Apostoli, prout legitur Actorum sexto, quod quia ortum est murmur Græcorum aduersus Hæbreos, &c. statim duodecim Apostoli ipsum conuocata multitudine sedauerunt. Similiter Actorum decimo quinto, orta dissensione propter obseruantiam legalium, sancti Paulus & Barnabas ascenderunt ad Apostolos in Hierusalem.

Vnde patet quod valde damnabiliter peccauerunt illi Principes & Prælati, qui pro sedatione huiusmodi schismatis, conuocationem Concilij neglexerunt aut impediuerunt. Item aliqui sunt casus,  
arui



ardui necessariò reformandi, in quibus non potest commodiùs quàm per generale Consilium prouideri, sicut patet primò de Reformatione Romanæ Curia, quæ vt infra dicitur, necessaria est reformari, sicut nec contempsit à generali Consilio plures principatus honores recipere, quia licet principaliter Romana Ecclesia principatum habuerit à Domino, tamen secundariò à Concilio, vt dicit Gloss. 17. distinct. super capite Concilia. Item reformatio totius corporis Ecclesiæ, & particularis Ecclesiæ Romanæ est de arduis pertinentibus ad finem. Nam eius generalis deformatio non mediocriter fidem tangit, & per consequens eius reformatio. Ideo non debet Papa, aut eius Curia, deliberationem Consilij respuere, quia sicut dicit Glossa 19. distinct. super cap. Anastasius. Papa debet requirere consilium Episcoporum, vbi agitur de fide. Quod nō solū intelligo de articulis fidei, sed de arduis tangentibus vniuersalem statum fidelis Ecclesiæ. Quod notat Archidiaconus 15. distinct. in ca. vbi dictam Glos.

Glossam approbans addit, quod nimis periculosum esset fidem nostram committere arbitrio vnius hominis. Et idcirco Papa in casibus nouis & arduis ad deliberationem Concilij recurrere consuevit. Item duo sunt arduissimi casus fidem & fideles omnes mutabiliter & miserabiliter concernentes, quibus esset per generale Concilium necessariò prouidendum.

Vnus est de modo prouidendi contra Sarracenos & alios infideles, fidem & Christianitatem impugnantes, & nunc multò periculosius quàm à multis retro actis temporibus fecerunt, contra Ecclesiam Catholicam insurgentes. Quibus si celeriter non obuietur timendum est, ne Constantinopolitanum Imperium iam multipliciter ab eis laceratum & vexatum penitus destruat. Ac deinde Romanum Imperium iam diuisum, & penè ad ruinam præparatum inuadant, & sic Ecclesiam destruant iam schismate laceratam, vt sic via præparetur aduentui Antichristi, de quo prædixit Paulus:

*Nisi*

*Nisi venerit dissensio primum, &c.* quod exponit Glossa de duplici dissensione seu diuisione, vna ab Imperio, alia ab Ecclesia Romana, quæ præuenire debet Antichristum. Et vtramque iam præsentialiter multi deuoti fideles non immeritò pertimescunt. Alius casus est de modo prouidendi circa Græcos, vt ad vnitatem Romanæ Ecclesiæ reducantur, quod nunc maximè opportunè fieri posse videtur, dum eorum Imperator inter Latinos degens à Romana Ecclesia, & dominis temporalibus, præcipuè à Francorum rege contra Infideles cogitur auxilium & subsidium postulare. De vijs autem & modis circa dictos casus seruandis scripserunt plures fidei zelatores & specialiter frater Humbertus de Romania quondā magister quintus ordinis Prædicatorum tractatum vtilem composuit, vt super his prouideretur in Concilio generali Lugdunensi, sub Gregorio Papa decimo, celebrando.

*De*

*De reformatione Capitis, hoc est, status Pa-  
palis, & suæ Romanæ Curia,  
& Cardinalium.*

SECUNDA consideratio est de his quæ  
reformandâ videntur circa caput cor-  
poris Ecclesiæ, id est, circa statum Papæ  
& suæ Romanæ Curia. Et primò tollen-  
dus esset detestabilis abusus à quo primo  
schisma originem traxit, scilicet, quòd v-  
na natio siue regnum, aliquando vltra, a-  
liquando citra montes, in scandalum resi-  
duæ Christianitatis, ita diu Papatum te-  
nuit, vt posset dicere, Hæreditate possi-  
deamus sanctuarium Dei. Quod quàm  
detestabile sit præcipuè in Papatu, osten-  
dit ille qui ait, *In veritate comperi quod* Act. 10.  
*non sit personarum acceptor Deus, &c.*  
Item pro dicta prouisione esset statuen-  
dum, quod de cætero maior pars Cardi-  
nalianum non posset assumi de vno regno  
siue de vna natione sicut quandoque ha-  
tenuis factum est, in magnum scandalum  
plurimorum, sed quod de diuersis regnis  
& prouincijs in distinctè iuxta personarū  
me-

merita assumantur. Quia sicut apud Deum, ita apud Dei Ministros non debet esse acceptio personarum. Et videretur sufficere, quod de vna prouincia solum esset vnus Cardinalis, vt sic in eorum promotione, & multiplicatione tolleretur, vel saltē restringeretur & arctaretur carnalis affectio promouentis. Et vt per assumptos de diuersis prouincijs, diuersitas morum & statuum earundem, Romanæ Ecclesiæ innotesceret ad vtilitatem & salutarem prouisionem incolarum. Item quia vna causa præsentis schismatis fuit, quod Cardinales nimis tardauerunt declarare, & fideles sufficienter informare, quòd primam electionem fecissent vi & metu. Ideo ad tollendum ne aliàs similis scandali detur occasio, expediens videretur arctari aliquod tempus, ita quod talis exceptio deberet allegari, & vltra quod nec illa nec alia exceptio contra Papæ electionem posset per Cardinales opponi. Et esset etiam per Concilium declarandum quis de huius causa metus haberet cognoscere. Quia Io. An. super Cle-

Clemen. de electione quærit, quis de huius causa metus cognoscere haberet, si allegaretur circa electionem Papæ. Et respondens, dicit, quod ista nondum decisa, nec prouisa, egebunt prouisione. Item necessaria erit reformatio & prouisio circa grauamina, quæ Romana Ecclesia infert alijs inferioribus Ecclesijs & Prælati. Et maximè in tribus de quibus conqueritur præallegatus frater Humbertus, in dicto tractatu suo parte 2. ca. 11. ubi dicit, quod causa dispositiua schismatis Gregoriorum inter alias vna fuit propter grauamina Romanæ Ecclesiæ in exactionibus, excommunicationibus & statutis.

De primo grauamine, & contra hanc multitudinem & magnitudinem exactionum, prouidendum esset tripliciter. Primò per diminutionem pomposorum statuum & excessiuarum expensarum, ut sic Romana Ecclesia minùs esset onerosa subiectis, & ut etiam eis esset exemplum humilitatis & forma virtutis, instar Christi, cuius ipsa vicariat, & à quo primatus honorem tenet, qui ait, *Discite*  
à

à me, quia mitis sum & humilis corde. Secundo per diminutionē & arctationem huiusmodi exactionum, sic scilicet, quod certa summa rationabilis determinaretur & limitaretur pro moderato statu Papæ & Cardinalium, subiectis Ecclesijs imponenda, & per Diocœses proportionabiliter distribuenda, & à Diocœsanis recolligenda, & in certis terminis soluenda Romanæ Curia, ultra quam summam noua exactio non posset imponi sine autoritate & consensu generalis consilij. Tertio per diminutionem numeri Cardinalium, ita quod non esset tantus, nec tam onerosus numerus ipsorum, sicut hactenus fuit, ne Romanæ Curia dici posset: *Multiplicasti Gentem, & non magnificasti latitudinem.* Item circa statum Cardinalium & aliorum Ecclesiasticorum prouidendum esset, quod deinceps non tenerent illam monstruosam & multipliciter scandalosam beneficiorum multitudinem: de quo abusu antiqui sapientes conquesti sunt, sicut Guilielmus Episcopus Parisiensis in verbo abbreviato de

Esai. 9.

de verbis & vitijs ca.de signis auaritiæ  
Ecclesiasticorum quorum rationes expe-  
diret diligenter examinare & pro sedati-  
one conscientiarum, quid super hac re  
tenendum sit, declarare.

De secundo grauamine supratacto,  
scilicet, multiplicatione excommunica-  
tionum, & ex consequenti irregularitatū,  
quas Romana Ecclesia in suis constitu-  
tionibus poenalibus & maximè in qui-  
busdam nouis decretalibus imposuit, &  
sæpè per suos collectores in multorum  
scandalum fulminauit, & ad cuius exem-  
plum alij prælati leuiter & pro leuibus  
causis vt pro debitis, vel huiusmodi pau-  
peres excommunicatione crudeliter per-  
cutiunt, necesse est prouidere, cū hoc  
sit contra iura, vt *II. quest. 3. Can. Nullus  
enim sine concord.* Nam gladius Ecclesiæ,  
videlicet excommunicatio, qui in primi-  
tiua Ecclesia, venerandâ raritate erat for-  
midabilis, iam propter abusum contrari-  
um, contemptibilis effectus est, sicut o-  
stendit Doctor subtilis *Iohannes Scotus*  
super quarto sententiarum *dist. 18. Qui*

M

tamen



tamen contemptus valdè periculosus est, quia excommunicatio maior, quæ anathema dicitur, æternæ est mortis damnatio, & non nisi pro mortali debet imponi crimine, & illis qui aliter non potuerunt corrigi, vt habetur 11. *quæst. 3. Can. Nemo.* cui concordat *gloss. extra de v. sig. ex parte.*

De tertio grauamine ratione Ecclesiæ, quòd imponit alijs in onerosa multitudine statutorum, Canonum, Decretalium, & maximè illorum quæ videntur ad graues pœnas, & præcipuè ad mortales culpas obligare: & eadem ratione de similibus statutis & constitutionibus synodali-  
bus prælatorum prouidendum erit de rationabili alleviatione huiusmodi onerū, ne de Prælati Ecclesiæ verificetur, quod de Phariseis & sacerdotibus Synagogæ à Christo improbrando dictum est: *Imponunt onera grania & importabilia in humeris hominum, digito autem nolunt ea mouere.* Item super quibusdam alijs grauaminibus per Romanam Ecclesiam alijs Prælati & Ecclesijs superinductis adhibenda

benda erit prouisio, videlicet super collationibus beneficiorum, & electionibus dignitatum. Similiter super concessionibus exemptionum, quas Romana Ecclesia pluribus religionibus, Abbatibus, & conuentibus, ac capitulis in præiudiciũ Prælatorum concessit, de quibus iam olim plures deuoti Ecclesię zelatores conuesti sunt, sicut beatus *Bernardus* in libro ad *Eugenium* Papam, & alij. Similiter de pluribus alijs honoribus, reuerentijs, & præminentijs, quas quidem officari Romanę Curię super alios prælatos vsurpauerunt. Et de multis eorum particularibus excessibus, de quibus longum esset per singula discurrere, perutilis & necessaria erit prouisio. Hic autem propter dictos excessus dudum quandã opinionem recitavi, quam nuper in tractatu de ecclesiastica potestate, tanquam erroneam reprobendam esse declaravi, videlicet quorundam detractorum Romanę Ecclesię, qui in eius odium prætextu quorundam abusuum, statum Cardinalium, quem inutilem & damnosum,

clesiæ, ac status ipsorum se effectualiter paratiores obtulerunt, quàm quicunque alij cuiuscunque status. Immò plura mēbra Ecclesiæ, hīc suæ reformationi restiterunt, cū tamen reformationem capitis importunè peterent. Quia ergo Romana Ecclesia in capite & in membris suis se cum ratione temperare studuit, iustum est vt subditæ Ecclesiæ eidem suoque regimini rationabiliter obtemperare & subesse debeant, iuxta verbum *Seneca*: Multos reges, si ratio te rexerit.

*De reformatione Prælatorum.*

**T**ertia consideratio erit de reformatione Ecclesiæ circa partes eius principales, videlicet, maiores prælatos. Vnde prouidendum erit quod tales eligantur, qui non sint iuuenes indiscreti, aut immorigerati, aut carnales, spiritualium ignari, sed graues ætate & moribus, eminentes spirituali scientiâ & doctrinâ, qui in suis rebus non sint strenui, & in Ecclesiasticis remissi, nec propria magis quàm

si nullus se opponeret, quia non sufficit bono patrifamilias constituenti custodē thesauri sui, quòd nihil mali sibi de illo opponatur, nisi etiam ipse alijs tacentibus de eius idoneitate diligenter inquirat. Item, quia stultum esset, patremfamilias thesaurarium facere sine thesauro, sic similiter facere Episcopum sine subiecto populo, sicut sæpè fecit Romana abusio in contemptum status episcopalis, de quibusdam solùm titulatis Episcopis mendicantibus & gyrouagis. Item, quia mali prælati rarò de suis excessibus corriguntur, quia non citò etiam contra notoriè malos profertur scientia, sed per multos annos differtur, & sæpè eius punizio totaliter negligitur, idcirco absque timore mala perpetrant, & plerique eorum, suspensionis, excommunicationis, irregularitatis, & alias iuris poenas contemnunt: ideò prouidendum erit, quòd circa talia visitatio & inquisitio fiat, vt taliū vita & fama in prouincialibus Concilijs, vel si opus sit quandoq; in generali Concilio, summo Pontifici referantur, & ad

*Episcopus  
sine grege.*

Item tollatur monstruosus ille abusus, quo quidam Prælatorum armis spiritualibus depositis, arma corporalia assument in campis, sicut principes seculares, & sæpè cum oppressione pauperum, & crudeli effusione sanguinis, cum tamen Dauidi ab ædificatione Templi, qui vir sanguinum erat prohibitus sit. Item, si non placet seruare illum iuris rigorem, quòd non liceat Episcopis à sua Ecclesia plus tribus hebdomadis abesse, saltem prouideatur quod sine speciali licentia & rationabili causa diu Ecclesias suas in præiudicium animarum non deserant, sicut hodie multi Prælati faciunt. Item quod monstruosius est, religiosi & monachi, qui plus sunt officiales fisci, quàm Christi in curijs principum & Cathedris iudiciorum, vt cameris computorum, & alijs actibus secularibus militantes contra statuta Canonum, vt II. qu. I. Cum te quidè, cum suis similibus. Item prouidendum erit, quod Prælati in suis synodis & eorum officiales in suis curijs, non ad repletionem bursarum inten-

tendant, sed ad correctionem vitiorum, emendationem morum, & ædificationem animarum. Et quod exactiones pro figillis & literis moderentur, & pænæ pecuniariæ vel tollantur vel temperentur, aut in totum vel partem ad pios vltus notoriè applicentur, & quòd pæna excommunicationis non leuiter (vt supra tactū est) feratur. Et quod litium prolixitates quæ pauperes spoliant, & multos de suæ iusticiæ prosecutione desperare faciunt, modis congruis rescindantur. Et quorundam aduocatorum & procuratorum insolentia intolerabilis reprimatur. Item si obstante consuetudine non placet seruare illam rigorosam regulam contra symoniam iure humano impositam, vt nihil pro ordinatione aut pallio detur, aut accipiatur, vt habetur cap. 5. epistolę tertię Gregorij Papæ, & multæ aliæ quæ scribuntur in antiquis iuribus, saltem super his esset aliqua moderatio adhibenda, & pro conscientiarum sedatione etiam multitudini errantium piè condescendendo aliqua declaratio facienda, iuxta illud  
Ni.

Nicolai Papæ qui præsidens in synodo Constantinopolitana dixit, Quia ergo usque adeo verenda symoniaca perniciēs hæcenus inoleuit, vt vix aliqua Ecclesia valeat reperiri, quæ hoc morbo non sit aliqua ex parte corrupta, & tanta talium multitudo est, vt dum rigorem Canonici iuris super eos seruare non possumus, necesse sit vt dispensatoriè ad piæ condescensionis studium animos nostros ad præsens inclinemus, à symonaicis consecratos in acceptis ordinibus manere permittentes. Hoc enim temporis nimia necessitas permittendum à nobis extorsit, &c. Similiter eadem vel maiori ratione permissio & condescensio facienda esset super pluribus alijs iuribus & constitutionibus, quæ communiter in scandalum plurimorum non seruantur. Vt verbi gratia, quod nihil omnino liceat accipere in distributione graduum, ordinum administratione, vel sacramentorum, vel sepulcrarum, aut huiusmodi spiritualium vel spiritualibus annexorum. Quod non liceat quemcunque Episcopum vel Clericum

ricum die Dominico absentem esset seruitiorum solemnij, quòd clerici ad matutinum & vespertinum officia venire teneantur, quòd non liceat Clericis ante tertiam horam prandere, quòd nullus sacerdotum à quinquagesima vsque ad Pasca carnes comedat, quòd sacerdotes aduentum ieiunent: & sic de multis alijs similibus, de quibus videretur expediens declarare, quod non essent præcepta, sed consilia. Et similiter de obseruantia ieiunij quadragesimalis quantum ad quasdam personas, & quo ad quasdam circumstantias esset moderatio adhibenda. Item quia Prælati de diuino cultu specialis cura esse debet, circa huiusmodi reformationem quæ necessaria est, providendum esset, quod in diuino seruitio non tam onerosa prolixitas, quàm deuota & integra breuitas seruaretur, quod in Ecclesijs non tam magna imaginum & picturarū varietas multiplicaretur, quòd nō tot noua festa solemnizarentur, quòd non tot nouæ Ecclesiæ ædificarentur, quod non tot noui sancti canonizarentur,

tur,



tur, quod præterquam diebus Dominicis, & in maioribus festis ab Ecclesia institutis liceret operari post auditum officium, cum quia in festis sæpe magis multiplicantur peccata, in tabernis, in choræis, & alijs lasciuijs, quas docet otiositas: tum quia dies operabiles vix sufficiunt pauperibus ad vitæ necessaria procuranda. Quod in huiusmodi festis scripturæ Apocriphæ, aut hymni noui, vel orationes, seu aliæ voluntariæ nouitates non legerentur omiſſis antiquis & authenticis, & iam in Ecclesia consuetis. Et quod generaliter omnis nouitas & varietas, ac vsuum diuersitas in horis ac alijs diuinis seruitijs (quantum fieri posset) vitaretur, iuxta decretum Toletani Concilij 11. de quo 12. distinct. cap. de his: & multa alia vtilia essent per Prælatorum diligentiam prouidenda, quæ per singula discutere longum esset.

*De reformatione Religionum & religiosorū.*

**Q**uartæ consideratio erit de his, quæ reformanda essent circa statum religionis.

ctores, qui de hoc abundè scripserunt. Item providendum esset super correctione Quæstuariorum prædicantium, siue religiosorum, siue secularium, quoniam suis mendacijs & immunditijs maculant Ecclesiam, & eam ridiculam reddunt, & officium prædicationis maximè honorandum iam contemptibile efficiunt. Vnde prædicatio quæ propter sui reuerentiam ad Prælatos pertinet, non esset tot & talibus vilibus Quæstuarijs & mendicantibus permittenda. Item cùm in Calcedonensi Concilio statutum sit, vt habetur 16. quæ. 1. Qui vere. Quod monachi tantummodo intenti sint ieiunijs & orationi in locis vbi renunciauerunt seculo remanentes, nec ecclesiasticis nec secularibus negotijs propria monasteria deferendo insistant, providendum esset quod nec etiam occasione studij claustra relinquerent, vel saltem moderandum quod solum ratione studij Theologiæ, cùm nimis multi seculares hodie studeant in litium facultate, ipsa quoque Theologia in statu secularium paucos habeat secta-

sectatores propter abusum Romanę Curię, quę Theologos contempsit, & in omni Ecclesiastico gradu lucratiuarum scientiarum studiosos præposuit, cum tamen Primitiui Theologi Ecclesiam ædificauerint, quam aliqui barritatores destruxerunt, & nunc eam quasi ad extremam ruinam deducere videntur, adeo vt iam horrendum quorundam prouerbiũ sit: ad hunc statum venisse Ecclesiam, vt non sit digna regi, nisi per reprobos. Itē nunc maximè opus esset ad obuiandum insultibus iufidelium, quòd reformarentur religiones militares, & ad seruandam fidem, mores & patrum regulas, & ad priores institutiones cogerentur. Item circa Claustra Monialiũ, quę iam (proh dolor!) vltra quàm dicere audiam, dehonestatę sunt, esset correctio adhibenda. Et inter alias prouisiones hoc videretur expediens, quod nulla religio mulierum sustineretur, nisi tales haberent redditus vnde possent sufficiēter sustentari in suis domibus reclusę sine mendicitate & discursu, & quòd de eorum Ecclesijs seu quorum-

quorumcunque aliorū religioforū Monasterijs, vel Prioratibus, vel domibus, vel spiritualiter in moribus destructis, vel in rebus temporaliter desolatis fieret applicatio ad alia claustra, in quibus religio seruaretur, vt per talem religiosarum domorum vnionem superflua numerositas religionum restringeretur, & residua paucitas bonorum & deuotorum commodiùs sustentaretur. Item in Monasterijs esset inuiolabiliter obseruandum, quòd nullus nisi infirmus, aut debilis, aut hospes comederet extra refectoriū, quia experientia docet, quod vbi hoc seruaretur aliæ religionis obseruantia tenerentur faciliùs. Item pro seruandis conscientijs deuotorum religioforum, summo opere cauendum est eis, ne à Principibus aut alijs redditus suos, aut alia ad ipsorum sustentationem pertinentia procurent ex iniustis exactionibus, aut quomodolibet illicitè acquisitis. Ne etiam iura praelatorum, Ecclesiarum & sacerdotum parochialium indebitè occupent, siue in decimis siue in alijs prouentibus ecclesiasticis

N

sticis

sticis, ne etiam in præiudiciū Ordinari-  
orum ab eorum subiectione iuri diuino  
consonâ, & in Calcedonenſi Concilio  
ſanctorum Patrum decreto firmatâ, vt  
patet i 6. *queſt.* 1. *Cap.* Qui verè, per o-  
portunam humanorum priuilegi-  
orum impetrationem & violentam exemptionem  
damnabiliter ſe ſubducant. Nam  
ſecundum aliquos, non eſt mediocriter  
dubitandum, an tales ſint in ſtatu ſaluan-  
dorum, vt patet ex deductione Cantoris  
Pariſienſis, in verbo abbreviato capitu-  
lo 37.

Item in quibuſdam religionibus de-  
uotis, quæ regulæ beati *Benedicti* rigore  
ſuperaddunt in prolixitate vigiliarum &  
orationum, & aſteritate ieiuniorum &  
abſtinentiarum, & alijs varijs obſeruan-  
tijs afflictiuſ, videretur prouidendum  
de indiſcreta moderatione, & maximè  
circa infirmos, vt, ſaluâ Chriſti lege, nihil  
eis quod diſcreti Medici conſuluerint  
negetur, ſiue in eſu carni-um, ſiue in alijs  
quibuſcunq; commoditatibus humanæ  
fragilitati, & naturali indigentia oportu-  
nis.

nis. Alioquin non dixisset Christus, non est opus sanis medico, si non concessisset opus esse infirmis Medicorum consilio.

*De reformatione cæterorum  
Ecclesiasticorum.*

**Q**Vinta consideratio erit de his, quæ reformanda sunt circa statum inferiorum Ecclesiarum, & ecclesiasticorum virorum. Et primò generaliter est prouidendum, quòd in ecclesiasticis beneficiis iuxta eorum eminentias ponantur personæ benemeritæ, & non præferantur fatui & ignari scientificis & sapientibus, nec iuuenes senibus, nec illis de vna patria quorum vita & conuersatio nota est, & probata, aliqui extranei & alieni in moribus, linguis, & consuetudinibus, nec potentes aut nobiles pueri clericis probatis & famosis doctrinâ atque moribus, nec aduocati aut intenti scientijs lucratiuis, vel curiales, aut Dominorum temporalium seruitores, sacræ Scripturæ doctoribus, sicut à multis iam retroactis

temporibus Romana Curia facere consuevit. Et ideo erit expediens, quod ordinarij, qui in suis locis habere possunt & debent bene meritarum notitiam personarum, iuxta earum merita, beneficia conferant, vel saltem quod eorum collatio non omninò tollatur, ita tamen quod vt obuietur eorum abusibus, potestas ordinaria limitetur, vt verbi gratia. Quod non possint dignitates & beneficia maiora conferre, nisi Doctoribus in Theologia, vel in iure, quandocunque in suis vel propinquis diocœsibus erunt aliqui huiusmodi: quod non possint etiam nisi graduatis vel nobilibus, vel aliàs benemeritis conferre curas, personatus vel alia beneficia valoris centum librarum vel vltra in portatis. Et ita de multis similibus prouisionibus, per quas & digni promouerentur, & multi nobiles & alij ingeniosi ad studium literarum prouocarentur, & Vniuersitates studiorum flourerent, & (quod valdè optandum est) importunæ & violentæ preces Dominorū temporalium pro indignis cessarent, quæ hodiè

hodiè quàm periculosè fiant, docet experientia. Hæc autem quæ de Graduatist dicta sunt, per modum exempli ponuntur, quæ etiam moderari possunt, & alia addi ad prouisionem aliorum sufficientium, licet non graduatorum. Item prouidendum esset, quòd Vniuersitates studiorum reformarentur, & per prælatos scientificos visitarentur, vt gradus distribuerentur dignis sine fauore aut acceptatione personarum & cum rigore examinis in scientia & moribus, & doctrinæ vtilis refecatis superfluis, aut minùs vtilibus legerentur: vt instructores Rhetoricæ & linguarum Græcæ & Latinæ quarum ignorantia multipliciter damnosa est, haberentur. Et vt aliis studiosis actibus Reipublicæ tam spiritali quàm temporali vtilibus iuuenum ingenia exercerentur.

Item adhibenda esset correctio circa mores ecclesiasticorum, qui iam nimis (proh dolor) sunt corrupti irâ, gulâ, luxuriâ, pompâ, prodigalitate, otio, & aliis generibus, quod cedit in graue laicorum



scandalum. Et maximè obuiandum esset illi scandalosissimæ consuetudini seu potius corruptelæ, quâ plures hodiè non verentur tenere, etiam publicè concubinas. Et quia aduersus eos poenæ iuris, suspensionis, excommunicationis, irregularitatis non proficiunt, contra tales in hac vel alijs inhonestatibus publicis incorrigibiles, haberet locum poena depositionis ab officio vel beneficio. Item quia Archidiaconi ab Ecclesia instituti sunt vt seruiant Episcopis, vt habetur originaliter Actuum sexto, & specialius declarantur eorum officia, decima tertia *distinet. Quasi per totum.* Ideò prouidendum erit, vt debita officia exerceant, vel cum sint Ecclesiæ onerosi, penitus extirpentur, sicut supra de Corepiscopis dictum est. Item quia dicit *Hieronimus*: Pauci sacerdotes, multi sacerdotes; pauci merito, multi numero. Ideò contra hanc scandalosam multitudinem esset summo opere obuiandum, per hoc quod non promouerentur, nisi digni & benè morigerati, habentes scientiam ligandi & soluendi,

uendi, & intelligentiam diuini seruitij. Item ad obuiandum ignorantiaē sacerdotum iam promotorum in Ecclesijs Cathedralibus & notabilibus Collegiatis, essent scribendi aliqui breues tractatus, & etiam in synodis publicandi tam in Latino quàm in vulgari super instructione necessaria de virtutibus & vitijs, de articulis fidei, de Sacramentis, de modo Confessionis, & huiusmodi. Similiter in huiusmodi Ecclesijs deberet esse aliquis Lector Theologiæ, qui legeret secundū & tertium, & quartum sententiarum, vel recipiendo vtiliores materias dictorum librorum eas sub breuitate applicaret ad expositionem & intelligentiam Epistolarum & Euangeliorum, quæ in Ecclesia per anni circulum recitantur. Similiter in dictis Ecclesijs, & maximè in Metropolitanis deberent esse notabiles librariæ Theologiæ, & iuris Canonici, ac librorum moralium, & maximè quod magnus liber Conciliorum generalium, qui modò rarus est, licèt sit perutilis & necessarius à Metropolitanis in magnis Ec-

clesijs reponeretur.

Item, quia correctio subiectorum sæpè per eorum appellationes impeditur, & datur peccandi audacia, etiam circa eas adhibenda moderatio est, ne in earum nimis facili receptione & admissione inferiores Prælati à Metropolitanis vel Romana Curia inordinariâ executione iustitiæ grauarentur, sicut iamdudum beatus *Bernardus* conquerebatur in libro de Consideratione ad *Eugenium* Papam. Qui liber in hoc & alijs multis pro reformatione Ecclesiæ, non mediocriter utilis est, & plures eius libri & Epistolæ.

*De reformatione Laicorum  
& Principum.*

**S**exta & vltima consideratio erit de reformatandis circa statum Laicorum Christianorum, & maximè Principum, à quorum moribus dependet morigeratio populorum: quia vt dicit Poeta:  
*Regis ad exemplum totus componitur orbis.*

Et

Et iterum :

*Mobile mutatur semper cum Principe  
vulgus.*

Et ideo prouideant Principes Christiani , vt titulum suæ Christianitatis quem verbo confitentur , opere non negent contra Christi doctrinam , & per vias ei contrarias in conspectu sui populi corruptis moribus incedentes , suis malis exemplis mores subditorum corrumpant . Item quòd liberos suos in bonis operibus ac moribus , & in literarum scientijs informari faciant . Item vt non solum à se , sed à suis familiaribus & domesticis , superfluam & superbam vanitatem , auaritiam , & tyrannidem abjiciant . Item quòd populum ipsis subiectum bonis moribus ædificare studeant , eos à luxuria , auaritiâ , otio , & à cunctis vitijs reipublicæ contrarijs retrahant , & specialiter à Dei & Sanctorum blasphemia , quæ sæpè in iuramenti & periurijs committitur , arceant . Item quòd malas consuetudines iure diuino & humano contrarias in  
suis

suis subiectis per consilium Theologorum & aliorum prudentum repellant. Item quod artes magicas & alias superstitiones diuinâ lege damnatas, & omnes errores & hæreses fidei contrarias diligentius euellant & destruant. Item quod ad fidei exaltationem, diuini cultus honorem, Ecclesiæ reformationem, inuigilent ad ea quæ supra & infra pro huiusmodi reformatione notata sunt, & alia quæcunque vtilia diligenter laborent. Item quod zelo iustitiæ contra persecutores & oppressores Ecclesiæ, pauperum, & debiliū excandescant, & eorum iniurias propulsare non tardent. Vicinis quoque & peregrinis fidem Catholicæ fraternitatis obseruent. Item contra Saracænos & alios fidei aduersarios potenter insurgant, & nunc dum maximè opus est post purgatam & reformatam Ecclesiam, Infidelium insultibus viriliter se opponant, ac propter hoc guerras & bella quæ iam (proh dolor) & in imperio, & in regnis Christianis in contumeliam Christiani nominis crudeliter sæuiunt, misericor-

ricorditer compescant, & ad Christianam pacem & vnionem reducant. Alioqui infallibiter verificabitur verbum Christi, *Omne regnum in se diuisum desolabitur*. Item quod Iudæis propter vilem quæstum turpiter non faucant, eos videlicet inter subiectos suos morari permittendo, nisi vel Christianis seruiendo, agros colendo, vel aliàs mechanicè laborando, & non vfuras damnabiles in damnum Christianorum exercendo. Item quod Iudæorum conuerforum bona non rapiant, sed ad vitæ necessitatem eis possidere permittant, ne egestate compulsi apostatent, & Christianos impietatis arguant. Item multa alia essent per principes cum generali Concilio Ecclesiæ contra statū Christiani populi reformanda, quæ si impediunt, imo si ea diligenter non promoueant, timendum est eis ne contra ipsos manus Domini (prout iam incepit) gladium sui furoris exercent. Item propter præmissa expedit quod Reges & Principes

cipes mittantur ad generalia Concilia, non ad onerandum & confundendum, sed ad honorandum & confortandum Ecclesiam, & ad ea quæ ibi decreta fuerint ( quantum in eis est ) exequendum . Item quia iuxta Euangelicam sententiam, quam etiam experientia rerum magistra docet, Inter Reges Gentium & Principes seculi sæpè fit contentio, quis eorum videatur esse maior, quam contentionem Christus inter Discipulos suos vitari docuit : ideo non videtur expediens quòd de cætero in generalibus Concilijs pro deliberando ad partem super rebus gerendis fiat diuisio per nationes vel regna, quia talis modus diuidendi magis est secularis quàm Ecclesiasticus, & ad contentiones de maioriata vel superioritate dispositiuus. Sed iuxta Ecclesiasticas sanctiones & sanctorum patrum obseruantias, magis videtur esse procedendum per prouincias Ecclesiastico more distinctas. Tamen quia huiusmodi prouinciæ valdè  
inc-

inæqualiter sunt diuisæ in diuersis mundi regionibus, ideo expediens videretur hanc moderationem obseruari, quòd ad constituendam prouinciam in Concilio generali non sufficeret minor numerus quàm duodecim nobilium personarum, quarum sex ad minus essent, Prælati vel ambasiatores regum, Principum vel Vniuersitatum generalium studiorum, aut Doctores in Theologia vel in Iure, vel illorum sex ad minus duo essent Episcopi, non titulares aut gyrouagi, alij vero sex sint in minoribus dignitatibus, Ecclesiasticis constituti, vel in aliqua facultate graduati. Quando vero in aliqua prouincia non esset talis numerus, aut talium personarum quod suppleretur de alijs vicinis prouincijs, & constitueretur vna ex pluribus, quæ denominaretur ab illa, cuius ibi essent plura aut notabiliora supposita. Et quod huiusmodi personarum electio fieret in Concilijs prouincialibus, generale Concilium præcedentibus. Et ibidem ordinaretur de stipendijs, expensis,



sis, & sumptibus eorundem per modum subsidij charitatiui Ecclesiastico more, & non seculari authoritate vel potestate imponendi & exequendi. Item, quia Ecclesia non potest Principes ad prædicta reformanda temporaliter cogere, expediens erit quod per generale Concilium ipsos ad ea monitis salutaribus exhortetur, vt sic faciendo quod in se est, apud summum iudicem excusetur. Nec solum opus erit exhortatorijs verbis, sed etiam bonorum morum, & in melius reformatorum actuum exemplis, quia plus mouent exempla quàm verba, ideo Iesus coepit facere & docere. Vnde nihil est, quod tam efficaciter possit, siue ad bonũ, siue ad malum Principes & alios Laicos inducere, sicut facta exemplaria Ecclesiasticorum. Ideo super illud Mat. 21. *Et intrauit Iesus in Templum, &c.* Dicit Chrysostomus, *Sicut de Templo omne bonum egreditur, ita de Templo omne malum procedit.* Si enim sacerdotium integrum fuerit, tota Ecclesia floret. Si autem corruptum

tum fuerit, omnium fides & virtus mar-  
cida est. Sicut cum vides arborem pal-  
lentibus folijs, intelligas quod vitium  
habet in radice: sic cum videris populum  
indisciplinatum, sine dubio cognosce  
quod sacerdotium non est sanum. Et  
inde patet quod necessaria sit Ecclesia-  
sticorum reformatio, cum morum suo-  
rum deformatio tam periculosa sit, &  
cunctis fidelibus populis tam damnosa.  
Auertat autem misericors Dominus ab  
Ecclesia sua hanc contumeliam, ut omnes  
Prælati, sacerdotes, aut alij Ecclesiastici,  
huius lamentabilis deformationis repe-  
riantur inculpabiles. Sed sicut olim ipse  
sibi in Israel septem milia virorum refer-  
uauit, quorum genua non sunt curuata  
ante Baal, sicut legitur tertij Reg. 19. cap.  
Sic hodie in omni statu Ecclesiæ aliquos  
reseruasse credendus est, qui zelo Chri-  
stianæ legis accensi, deformatos mores  
in melius reformabunt, & suis saluta-  
ribus verbis & exemplis alios informa-  
bunt. Quod ipse præstare dignetur,  
qui

192 *Speculum Ecclesie Pontificie.*  
qui Ecclesiam suam pretioso filij sui  
sanguine redimere dignatus est.

*Libelli de reformatione Ecclesie, quem Do-  
minus Petrus de Aliaco Cardinalis Ca-  
meracensis, Patribus in Concilio Constanti-  
ensi congregatis obtulit, Anno 1415.*

*ipso die Calendarum*

*Nouembris,*

*Finis.*

Ex

Ex Iohanni Gersone, qui  
fuit Cancellarius Academiæ Pari-  
siensis, & Regis Gallie ad Concilium  
Constantiense Legatus.

**Q**Uòd si *Moyſes* loquens Deo fa-  
miliariter, ſicut amicus ad ami-  
cum, obedienter audiuit conſili-  
um Gentilis hominis in regimine totius  
Synagogæ, quanto magis debet hoc  
ſummus Pontifex ad dictamẽ totius Ec-  
cleſiæ, vel generalis Concilij ſuo nomine?  
Rurſus, ſi iudicia minora reprobantur in  
*Moyſe*, videamus in ſummo Pontifice &  
Curiâ ſuâ, quid de tot profaniſſimis &  
indigniſſimis cauſarum & litigiorum cõ-  
tinuis & anxijs occupationibus? quid  
de beneficiorum quorumcunque etiam  
minorum collationibus & ſignationibus  
manu Papæ? quid de Annalium ex-  
actationibus? quid de innumeris ſimilibus  
dicendum iudicabitur, relictâ omni cu-  
râ, ſollicitudine vel ſtudio de omni eo  
quod ſpirituale eſt, quod denique fidem

To. i. de po-  
teſtate ec-  
cleſiaſtica.  
conſid. 8.

O

con-

concernit ad religionem Christianam.

Ibid. paulò  
suprà.

Verùm potestatem hanc ecclesiasticã quæ respicit institutionem Ministrorum Ecclesiæ à summo vsque deorsum confundit magnâ caligine cupiditas ambitiosa, quærens quæ sua sunt, & quæ crescentibus beneficiorum dotationibus impudenter excreuit, ita vt vix discerni modò possit, quid ex *Primaria institutione Christi*, vel inuariabili iure diuino tenendum sit in huiusmodi Ministrorum ordinatione.

Ibid. confid.  
10.

Nequaquàm licitum fuit Papæ tales cassare regulas, præsertim ita generaliter & passim per reservationes & aliter, sicut visum est à centum annis vel ultrà. Non licuit prætereà facere tot & tales non obstantias eorum quæ constituta sunt in generalibus Concilijs, quot & qualibus non obstantijs vti solet passim in Bullis suis. Adeò quidem vt *Alexander Quintus* inductus sit in prætensis quibusdam bullis ponere: Non obstantiam huius saluberrimi ac celebriter obseruati statuti, Omnis vtriusque sexus.

Ac

Ac proinde disciplina regularis viget <sup>Ibid.</sup> apud eos, quæ quantum sit collapsa apud religiones quasdam alias passim dispensationibus vtentes, videre stupor & dolor est. Super qua re iam *Bernardi* pro tempore suo querela nascebatur? Quid modò dicendum putabimus de tam facili (vt appellant) dispensatione per Papam & Prælatos super iuramentis licitis, super votis rationalibus, super immensa beneficiorum pluralitate, super generali Conciliorum Non obstantia, super priuilegiis & exemptionum commune ius priuantium concessione? Quis omnia dinumeraret per quæ nunc vigor ecclesiasticæ, immò & Euangelicæ disciplinæ totus verè languit, enarruit, euannuit?

Concernit hoc collationem beneficiorum, multiplicitem exemptionum <sup>Ibid. confid. 12.</sup> odiosissimam plenam erroris & confusions in ecclesiastica Hierarchia, & ita de reliquis. Reservationem prætereà tot casuum, tot excommunicationum in foro conferentiū, euocationem tam facilem omnium causarum ab ordinariis, sint

tinorum.

Primò vbi est, quòd Episcopus bonus & probatus opere & doctrinâ eligatur, non puer, non carnalis, spiritualium ignarus. Quòd Episcopi & sacerdotes spectaculis & ludis non intersint, nec delectentur. Quòd sacerdotes nihil foeneris, aut rustici ministerij exerceant, nec mercatores, venatores, aut negotiatores fiant. Quòd Scripturis diuinis studeant Episcopi & Sacerdotes, maximè Monachi & religiosi, scientijs litigiosis & practicis omisissis.

Idem in declaratione defectuum virorum ecclesiasticorum.

Iterum, ad quid expedit, aut quid utilitatis Ecclesiæ confert tam magnifica Principum gloria, & tam superflua Prælatorum & Cardinalium pompa, vt quasi se homines esse nescire faciant? Et quæ utique abominatio, quòd vnus tenet ducenta, alter tricenta beneficia ecclesiastica? Nonne inde cultus diuinus diminuitur, Ecclesiæ depauperantur, valentibus viris & doctoribus priuantur, fidelibus mala exempla dantur?

Ibid.

Quid quòd hodiè vnus, vtinam me-

Ibid.

diocriter doctus, tenet quatuor, quinque vel sex, vel octo beneficia, quorum vno non est dignus, quibus octo sustentari possent, doctrinis, orationibus, & diuinis laudibus insistentes. Attendite an potius hodiè equi, canes, aues, & superflua ecclesiasticorum familia patrimonium Ecclesiæ comedere debeant, quàm pauperes Christi?

Ibid.

59 Quid etiam sibi vult, quòd quarundā ecclesiasticarum Cathedralium Canonici calceis rostrati, vestibus accurtati, abiecto habitu clericali, & assumpto militari in armis & hastiludijs se exercent. Episcopi quæ cappa, superpelliceo, libro quæ depositis, arma sumunt, in campis armati pugnant, vt Principes seculares?

Ibid.

61 Quid est quòd hodiè Episcopi, Abbates, Monachi, sunt plùs officiales fisci quàm Christi, totis nisibus militantes mundo, in Curijs Principum & secularium iudiciorum seu Parlamentorum.

Ibid.

62 Ecce quid sibi vult etiam, quòd modò potius omnes Episcopi, Prælati, & parochiales Sacerdotes per Papam constituuntur,



untur quàm eligantur personæ notæ & aptiores de patria, vt non præferantur Ecclesijs homines extranei in moribus, linguis, & consuetudinibus.

Quid est quòd hodiè potentum & 63 nobilium pueri ecclesiasticis dignitatibus præferuntur, & Clerici famosi in vita & doctrina eis subijciuntur.

Rursus oculos aperite, & inquirete, 65 si quæ hodiè claustra Monialium facta <sup>Ibid.</sup> sunt, quasi prostibula meretricum. Si quæ consecrata Canonorum monasteria fiant quasi fora & diuersoria. Si quæ Cathedrales Ecclesiæ factæ sunt speluncæ raptorum & latronum.

Scrutemini si alicubi Sacerdotes in 66 consuetudinem duxerunt sub prætextu <sup>Ibid.</sup> ancillarum habere concubinas.

Iudicate, si tanta imaginum & picturarum in Ecclesijs varietas expediat: & an plures simplices nonnunquam ad Idolatriam peruertant?

Videte si tanta religionum numerositas & varietas conueniat? 68

Rursum pensate, si æquum est fatuos 74 præesse <sup>Ibid.</sup>

præesse, & sapientes subesse: iuuenes dominari, senes famulari: ignaros ardua discutere, scientes loqui non audiri: e-  
quorum famulos in promotionibus præ-  
poni, eloquiorum Dei discipulos post-  
poni.

- 75 Perquirite, si quæ Scripturæ Apocri-  
phæ, aut hymni, aut orationes successu  
temporis studio vel ignorantia in detri-  
mentum fidei introductæ sint.

Idem tom. 1  
de concil.  
general. vni-  
us obedi-  
tiaz. v. Q.

Hæc idcirco dixi, quoniam fortè ali-  
quibus videretur quod sit expediens Ec-  
clesiæ vniuersali redire omnia ad pristinu  
statum Ecclesiæ, seu illius quæ fuit tem-  
pore Apostolorum quantum fieri con-  
gruè posset, abiectis talibus iurisdic-  
tionibus pro magna parte quæ reddiderunt  
Ecclesiam *totam brutalem & carnalem, &*  
*nihil ferè sapientem* de his quæ Dei sunt  
erga salutem animarum, non ex se quidè,  
sed abutentium vitio. Vel redeundum  
esse ad statum Ecclesiæ tempore *Syluestri*  
*& Gregorij*, quando quilibet prælatus di-  
mittebatur in sua iurisdictione & sollici-  
tudinis partè, & Papa tenebat quæ sua  
erant

erant absque tot reſeruationibus , vt & continuis, magniſque exactionibus pro ſuſtinendo ſtatu curiæ & capitis nimis fortè creſcentem ſuos cæteros membro- rum ſtatus.

Status inſuper Eccleſiæ nonne factus eſt totus quaſi brutalis & monſtruoſus? vbi cælum deorſum, hoc eſt ſcilicet id quod ſpirituale eſt, & terra ſurſum, ſpiritus ſeruiens & caro dominans. Principale acceſſorium, & acceſſorium principale, uſque ad hoc, vt quidam delirare non dubitent, quòd per inuentiones humanas etiam meliùs quàm per legem diuinam Euangelicam regeretur, quaſi minus ſit anima quàm corpus: & ſpiritualis quàm carnalis fructus. Hæc aſſertio per meam fidem blaſphema eſt, nedum falſa Euangelica quippe doctrina per ſuos profeſſores dilatauit Eccleſiam uſque in cælum, quam filij Agar exquirentes ſapientiam quæ de terra eſt, detrulerunt uſque in cœnum.

Videas ferè omnes ſummis importunitatibus in leges irruere, dum nunc gratiam

Idem Serm.  
in die Circu-  
ciſionis Do-  
mini, coram  
Papæ apud  
Tarasconam  
6.D.

Idem tom. I.  
ſerm. coram  
Alexand. Pa-  
pa in die Aſ-  
cenſionis.

tiam obtinendorum similium incompatibilium, nunc in absentia posse fructus colligere, nunc ante omnes magnas dignitates assequi, nunc ad sacros ordines non compelli, & mille alia rectis legibus vetita. Vbi non est intolerandum magnos Prælatos commissos sibi greges lupis exponere, & quotidie ad denariorum regionum supputationes sedere, non veritos præceptum Apostolicum transgredi. Nemo militans Deo implicet se negotijs secularibus: eo sensu quo per sacrosanctum Conciliū olim expositum fuit. Quid de illis loquor, qui de more patriæ pro mitris vtuntur galeis, pro veste lineā vestiuntur ferreā, arma ferunt, bella gerunt, fundunt sanguinem, Præsules negant, duces exhibent, spiritum nesciunt, carnem fouent, quasi arma militiæ nostræ essent carnalia, & non potentia Deo: &c.

Ibid. paulo  
post.

Quid turpius quàm videre doctos, aut bene moratos, aut extra ordines iacere, aut in imis collocatos, ignaros autem & improbos altissimum gradum tenere

tenere : videre alios esurire , alios ebrios esse? Quòd si ad institutionem sacerdotum atque prouisionem venire delectet, doleo seminaria seri litium , vbi lites sequi nefas est . Vix aliquod beneficium infra prælaturas confertur quin ipsum vni summus Pontifex , alteri verò legatus aliquis , item ordinarius alteri conferat. Quid est hoc aliud quàm litium materiam exhibere? Nec illud minùs absonum quòd magis fauoribus humanis, aut gratia, aut metu, aut cupiditate, aut consanguinitate, aut affinitate, aut aliquo impetu animi quàm iudicio aut delectu pręuisiones istæ fiunt.

O indignum facinus! Ô sceleratissimam *Ibidem.*  
proditionem ! milites mei & iidem filij  
quos ad honores maximos opesque sublimauimus, proiectis armis sponsum meum, Loricam iustitiæ, scuto fidei, galeam salutis, & gladio spiritus, ad hostem capitalem transfugerunt, pactoque turpissimè pacis fœdere armaturam illius induerunt, Loricam iniustitiæ, scutum prudentiæ carnalis, galeam amoris mundani, gladium carnis,  
quod

quod est verbum mendax diaboli, vnde pugnant contra me, & in materna v scera vires conuertunt, &c.

Ibid. paulo  
post.

Annon ergo sunt prudentes cōge-  
rendis opibus, instruendis dapibus, cū-  
mulandis honoribus, pompis foue idis:  
& negligentes regendis plebibus, alendis  
pauperibus, diligendis humilibus, & su-  
perfluitatibus coercendis? Annon potius  
de beneficijs disceptant per leges Iustini-  
ani, quàm populum erudiant & docent  
legem Christi? Doceant dico? imo dis-  
cant. Nam quem è sacerdotum numero  
mihi dabis non ignarum legis Christi?  
Annon augmentis plus inhiant faculta-  
tum quàm Lucris animarum? Quis autē  
hæc à carnis prudentia proficisci nega-  
uerit?

Ibidem.

Nec sine lachymis inspicere poteram  
alium concubinato pollui, cui tamen vt  
puritatem angelicam æmuletur, connu-  
bium est interdictum. Luxum etiam non  
clam, sed in propatulo habere, foedis fa-  
factis foeda verba coniungere, dapibus  
implere ventrem, inebriari vino, doctum  
&

& ad calicem vigilantī stertere naso, & mille alijs propè conspectis fluebant mihi lachrymæ, nec fluere desinent nisi malas istas radices peiorum germinum matres succisas agnouero.

Inuenies apud eos qui nomen sibi religionis appropriarunt, plus puniri transgressiones humanæ constitutionis satis friuolæ super delatione vestis huius vel illius, super vsu cibi talis aut talis : quàm si blasphemando quis Deum negauerit, deriderit, violauerit Sabbata eius, & vniuersa decalogi præcepta. Faciunt & nunc (ô salutarifer Christe) domum tuam stabulum porcorum grunnientium, vel canum latrantium, vel ridicularum simiarum.

Idem de nupijs Christi  
& Ecclesiæ.  
Consider. 1.

Ib. consid. 3.

Arguunt iterum & nos in similem causam trahere satagūt. Nonne inquit talia similiter fiunt aut tolerantur ab Ecclesia in peregrinationibus certis, in cultu imaginū, in cereis, aut ceris, aut aquis benedictis, & in exorcismis. Nonne dicitur quotidie, si nouem diebus perdurat in hac Ecclesia, Si ex aqua illa perfundatur, aut

Idem de erroribus circa  
artē magicā

aut si tali se voueat imagini, aut si aliquid talium faciat, ipse mox sanabitur, vel op-  
tato potietur. Fateor abnegare non pos-  
sumus, multa inter Christianos simplices  
sub specie religionis introducta esse, quo-  
rum sanctior esset omissio, tolerantur ta-  
men quia nequeunt funditus erui.

*Ex Bernardo quadam.*

In Cantica  
serm. 10.

**Q**Vanti hodie fecus affectos esse o-  
stendunt, de his dico qui animas  
regere susceperunt? Quod enim sine mi-  
serabili gemitu dicendum non est, Chri-  
sti opprobria, sputa, flagella, clauos, lan-  
ceam, crucem & mortem: hæc omnia in  
fornace avaritiæ conflant, & profligant  
in acquisitionem turpis quæstus, & pre-  
tium vniuersitatis suis marsupijs inclu-  
dere festinant. Hoc solo à Iuda Iscariote  
differentes, quòd ille horum omne emo-  
lumentum denariorum numero com-  
pensauit, isti voraciore ingluvie lucrorū  
infinitas exigunt pecunias. His insatiabili  
desiderio inhiant, pro his ne amittant  
timent,



timent, & cum amittunt dolent, harum in amore quiescunt quantum duntaxat liberum eis est a seruandi vel augmentandi cura. Animarum nec reputatur casus nec salus. Non sunt profectò matres, qui cùm sint de crucifixi patrimonio nimium incrassati, impinguati, dilatati, non compatiuntur super contritione Ioseph. Quæ mater est nõ dissimulat, habet vbera non vacua.

Væ generatoni huic à fermento Phariseorũ quod est hypocrisis: si tamen hypocrisis dici debet, quæ iam latere præ abundantia non valet, & præ impudentia non quærit. Serpit hodie putida tabes per omne corpus Ecclesiæ, & quò latius, eò desperatiùs, eoque periculosiùs quò interiùs. Nam si insurgeret apertus inimicus hæreticus, mitteretur foras & exaresceret: si violentus inimicus absconderet se forsitan ab eo. Nunc verò quem ejiciet, aut à quo abscondet se? Omnes amici, & omnes inimici: omnes necessarii, & omnes aduersarii: omnes domestici, & nulli pacifici: omnes proximi,

&

Idem ibid.  
serm. 33.

& omnes quæ sua sunt quærentes. Ministri Christi sunt, & seruiunt Antichristo. Honorati incedunt de bonis Domini, cui Domino honorem non deferunt. Inde is quem quotidie vides meretricius nitor, histrionicus habitus, regius apparatus: inde aurum in frænis, in sellis & calcaribus: & plus calcaria quàm altaria fulgent. Inde splendidæ mensæ & cibus & cyphis: inde commestationes & ebrietates: inde cythera, & lyra, & tibia: inde redundantia torcularia & promptuaria plena eructantia ex hoc in illud. Inde dolia pigmentaria: inde referta marsupia: pro huiusmodi volunt esse, & sunt Ecclesiarum præpositi, Decani, Archidiaconi, Episcopi, Archiepiscopi. Nec enim hæc merito cedunt, sed negotio illi quod perambulat in tenebris, olim prædictum est, & nunc tempus impletionis aduenit. Ecce in pace amaritudo mea amarissima. Amara prius in nece martyrum: amarior post in conflictu hæreticorum: amarissima nunc in moribus domesticorum. Non fugare, non fugere eos potest, ita in-

inualuerrunt & multiplicati sunt super numerum. *Intestina & insanabilis est plaga Ecclesie*: & ideo in pace amaritudo eius amarissima. Sed in qua pace? Et pax est, & non est pax: pax à Paganis, pax ab hæreticis, sed non profectò à filiis. Vox plangentis in tempore isto, filios enatriui & exaltaui, ipsi autem spreuerunt me. Spreuerunt & maculauerunt me à turpi vita, à turpi quæstu, à turpi commercio: à negotio denique perambulante in tenebris. Superest vt iam de medio fiat dæmonium meridianum ad seducendos, si qui in Christo residui sunt adhuc permanentes in simplicitate sua.

Non sunt omnes amici sponsi, quos hodiè sponsæ hinc inde assistere cernis, & qui (vt vulgò aiunt) eam quasi addextrare videntur. Pauci admodum sunt, qui non quæ sua sunt quærunt ex omnibus charis eius. Diligunt munera, nec possunt pariter diligere Christum, quia manus dederunt Mammonæ.

*Idem ibid.  
serm. 77.*

Vndè verò hanc illis exuberare existimas rerum affluentiam, vestium splendorem,

P

dorem,

dorem, menſarum luxuriem, congeriem  
 vaſorum argenteorum & aureorum, niſi  
 de bonis ſponſæ. Inde eſt què d illa pau-  
 per & inops, & nuda relinquitur facie  
 miſerandâ, incultâ, hiſpidâ, exanguî.  
 Propter hoc non eſt hoc tempore ornare  
 ſponſam, ſed ſpoliare: non eſt cuſtodire,  
 ſed perdere: non eſt defendere, ſed expo-  
 nere: non eſt inſtituere, ſed proſtituere:  
 non eſt paſcere gregem, ſed maſtare &  
 deuorare.

Idem ibid. ¶

Quem dabis mihi de numero præpo-  
 ſitorum, qui non plus inuigilet ſubdito-  
 rum vacuandis marſupijs, quàm vitijs  
 extirpandis? vbi qui orando fleſcat iram?  
 qui prædicet animû placabilẽ Domino?

Idem ibid. ¶

Propterea relinquamus iſtos non in-  
 uentores ſponſæ, ſed venditores, & in-  
 quiramus potiùs illos à quibus ſponſa ſe  
 inuentam loquitur. Et quidam illorum  
 fortiti ſunt miniſterij locum, ſed non ze-  
 lum: ſucceſſores omnes cupiunt eſſe, i-  
 mitatores pauci. O vtinam tam vigiles  
 reperirentur ad curam, quàm alacres cur-  
 runt ad Cathedram! &c.

Parum

Parum est nostris vigilibus, quòd non seruant nos, nisi & perdant: alto quippe demersi obliuionis somno ad nullũ dominicæ comminationis tonitruum expergiscuntur, vt vel suum ipsorum periculum expauescant: inde est, vt non parcant suis, qui non parcent sibi, perimētes pariter & pereuntes.

Idem ibid.

Scholares pueri & impuberes adolescentuli ob sanguinis dignitatem promouentur ad Ecclesiasticas dignitates, & de sub ferula transferuntur ad principandũ Præbyteris, lætiores interim quòd virgas euaserint, quàm meruerint principatum: nec tam illis blanditur adeptũ, quàm ademptum magisterium.

Bernard.  
Epist. 42.

Et olim quidem eratis contra Apostolum *Petrum* dominantes in Clerum, immò & contra Coapostolum eius *Paulũ*, dominabamini fidei totius orbis. At nunc nouum aliquid addidistis, vsurpantes amplius & in ipsam religionem. Quod restat, nisi vt adijciatis & ipsis Angelis sanctis dominari?

Idem Epist.  
230. ad Episcopos  
Hortensensem  
Tusculanum  
Prænestinũ.

Mec vereor ne fortè præsumptionis

Idem Epist.  
235. ad totã  
Curiam Rõ.

P 2

arguar:

arguar : quippe qui licet omnium minimus, tamen Romanæ Curiaë iniuriam à me non iudico alienam. Vrimur assidue dico vobis: vrimur graviter nimis : ita ut nos tēdeat etiam vivere. *In domo Dei videmus horrenda.* Et quia corrigere nos nō possumus, saltem suggerimus his ad quos spectat.

Idem Epist.  
237. ad Eugenium 3.

Quis mihi det antequam moriar, videre Ecclesiam Dei sicut in diebus antiquis, quando Apostoli laxabant retia in capturam, non in capturam argenti, vel auri, sed in capturam animarum? Quàm cupio illius te hæreditare vocem, cuius adeptus es sedem? Pecunia (inquit) tua tecum sit in perditionem.

Idem Epist.  
249.

Quis dabit mihi homines literatos & sanctos in Ecclesijs Dei præesse pastores, si non in omnibus, certè in pluribus, certè in aliquibus saltem.

Idem Epist.  
290. de Iordano Cardinali, Domino Hostiensis.

Pertransijt Legatus vester de gente in gentem, & de regno ad populum alterū, fœda & horrenda vestigia apud nos ubique relinquens. A radice Alpium & regno Teutonicorum per omnes penè Ecclesias

clesias! Franciæ & Normanniæ & circū-  
 quaque circuiens vsque Rothomagum,  
 vir Apostolicus repleuit, *non Euangelio,*  
*sed sacrilegio, turpia fertur ubique commi-*  
*sisse, spolia Ecclesiarum asportasse:* formo-  
 sulos pueros in ecclesiasticis honoribus  
 vbi potuit promouisse, vbi non potuit  
 voluisse. Multi se redimerunt ne veniret  
 ad eos, ad quos peruenire non potuit, e-  
 xegit & extorsit per nuntios. In scholis, in  
 curijs, in triuijs fabulam seipsum fecit.  
 Seculares, religiosi, omnes malè loquun-  
 tur de eo.

Nunquid hac ille seruitute hominibus  
 inseruiebat in acquisitione turpis quæ-  
 stus? Nunquid ad eum (*Paulum*) de to-  
 to orbe confluebant ambitiosi, auari, si-  
 moniaci, sacrilegi, concubinarij incestu-  
 osi, & quæcunque istiusmodi monstra  
 hominum, vt ipsius Apostolicæ autorita-  
 te vel obtinerent honores ecclesiasticos  
 vel retinerent?

*Idem lib. 1.  
 de confid.  
 ad Eugen 3.*

*Plena est ambitiosis Ecclesia.* Non est  
 iam quod exhorreat in studijs & moliti-  
 onibus ambitionis, non plus quàm spe-

*Idem ibid.*

lunca latronum in spolijs viatorum. Si Christi discipulus es, ignescat zelus tuus, exsurgat autoritas aduersus impudentiam hanc & generalem pestem.

Idem ibid.  
lib. 3.

Annon limina Apostolorum plus iam ambitio quàm deuotio terit? Annon vocibus eius vestrum totâ die resultat palatium? Annon quæstibus eius tota legum canonumque disciplina insudat?

Idem ibid.

Quousque murmur vniuersæ terræ aut dissimulas, aut non aduertis? Quousque dormitas? quousque non euigilat consideratio tua ad tantam appellationū confusionem atque abusioem? præter ius & fas, præter morem & ordinem fiunt. Non locus, non modus, non tempus, non causa discernitur aut persona. Præsumuntur leuiter passim, plerumque nequiter.

Idem ibid.  
lib. 4.

Inter hæc, tu pastor procedis deauratus, tam multa circumdatus varietate. Oues quid capiunt? si auderem dicere, Dæmonum magis quàm ouium pascua hæc. Scilicet sic factitabat *Petrus*? sic *Paulus* ludebat? vides omnem ecclesiasticum

cum



cum zelum feruere solâ pro dignitate tuenda? Honori totum datur, sanctitati nihil aut parum.

*Petrus* hic est, qui nescitur processisse Idem ibid.  
aliquando vel gemmis ornatus, vel sericis: non tectus auro, non vectus equo albo, nec stipatus milite, nec circumstrepentibus septus Ministris. Absque his tamen credidit satis posse impleri salutare mandatum: *Si amas me, pasce oves meas.*  
In his successisti non *Petro* sed *Constantino*.

Absit autem ut credam tantas eos quantitas video in plærisque Monasterijs vanitates ac superfluitates præcepisse vel concessisse. Miror etenim vnde inter Monachos tanta intemperantia in commessionibus & potationibus, in vestimentis & lectisternijs, & equitaturis, & construendis ædificijs inolescere potuit, quatenus ubi hæc studiosius, voluptuosius, atque effusius fiunt, ibi ordo melius teneri dicatur, ibi maior putetur religio.

Quis in principio cum ordo coepit Idem ibid.  
Monasticus, ad tantam crederet Mona-

chos inertiam deuenire? O quantum distamus ab his qui in diebus *Antonij* existerent Monachi! &c.

Idem ibid.

Nihil de Scripturis, nihil de salute agitur animarum: sed nugæ & risus, & verba proferuntur in ventum. Inter prædandum quantum fauces dapibus, tantum aures pascuntur rumoribus, quibus totus intentus, modum nescias in edendo. Interim autem fercula ferculis apponuntur, & pro solis carnibus à quibus abstinetur, grandia piscium corpora duplicantur. Cumque prioribus fueris satiat, si secundas attigeris, videberis tibi nec dum gustasse pisces, tantâ quippe accuratatione & arte coquorum cuncta apparantur, quatenus quatuor aut quinque ferculis deuoratis prima non impediant nouissima, nec satietas minuat appetitum, &c. Vide plura ibidem de ingluuie Monachorum.

Idem ibid.

Heu me miserum qualemcunque Monachum! cur adhuc viuo videre ad id deuenisse ordinem nostrum? &c.

Idem ibid.

Ac iam religionis antiquæ non solum  
virtutem

virtutem amisimus, sed nec speciem retinemus. Ecce enim ipse habitus noster (quod dolens dico) qui humilitatis esse solebat insigne, à monachis nostri temporis in signum gestatur superbiæ. Vix iam in nostris prouincijs inuenimus, quo vestiri dignemur. Miles & Monachus ex eodem panno partiuntur sibi cucullum & chlamidem. Quiuis de seculo quantumlibet honoratus etiamsi Rex, etiamsi Imperator illé fuerit, non tamen nostra horrebit indumenta, si suo sibi modo præparata fuerint & aptata.

Dicam, dicam: præsumtuosus dicar, Ibidem.  
sed verum dicam. Quomodo lux mundi obtenebrata est? quomodo sal terræ infatuatum est? quorum nobis vita via vitæ debuit esse, dum exemplum in suis actibus ostendunt superbiæ? cæci facti sunt duces cæcorum. Quod enim (vt cætera taceam) specimen humilitatis est, cum tantâ pompâ & æquitatu incedere, tantis hominum crinitorum stipari obsequijs, quatenus duobus Episcopis vnius Abbatis multitudo sufficiat? Mentior si non vidi

vidi Abatem sexaginta equos et eo amplius in suo ducere comitatu. Dicas si videas eos transeuntes non patres esse monasteriorū, sed principes prouinciarum. &c. vide.

Idē Bernar.  
ferm. Ecce  
nos reliqui-  
mus omnia.

Væ, væ, in domo Dei horrendum videmus. Quid ni Idololatrias ministrantes? Mentior si non idolorum seruitus auaritia est: si non quibusdam etiam venter suus factus est Deus suus. Quod enim quisque præ cæteris colit, id sibi Deum constituisse probatur.

Ex sermone  
cuiusdam in  
concilio Re-  
mēsi ad Cle-  
rum habito.

Et si reddenda est ratio de his quæ quisque gessit in corpore suo, heu quid fiet de his quæ quisque gessit in corpore Christi, quod est Ecclesia! Ecclesia Dei vobis commissæ est, & dicimini pastores, cum sitis raptores. Et paucos habemus heu! pastores, multos autem excommunicatores. Et vtinam sufficeret vobis lana & lac, sititis enim sanguinem, &c.

Ibidem.

Fratres sic facit Iesus hodie, eligens sibi multos diabolos Episcopos? vbi (proh dolor) reperiemus Episcopos? qui post adeptam dignitatem in humilitate se con-

contineant? nempe superbia eis occasio est, vt ad tantam dignitatem aspirerent.

Archipresbyter circuit obedientiam ibidem.  
sibi creditam, & vt impleat saccum suum, tradit sanguinem iustum: vendit nempe homicidia, adulteria, incestus, fornicationes, sacrilegia, periuria, & vsque ad summum implet manticam suam. Famâ igitur volante innotescit Episcopo talis quæstus, & accersito Archipresbytero, Da mihi (inquit) partem meam. At ille, Nihil dabo tibi. E contra Episcopus, Si non dederis mihi (inquit) partem meam, auferâ tibi omnia: fitque altercatio maxima, & propter auaritiam fit discordia. Postea verò Archipresbyter reuoluens secum quòd authoritate Episcopi fungatur potestate ista, & quod sine gratia ipsius nihil possit, peruersè conuersus, poenitet (inquit) me, accipe partem tuâ, & insuper de mea quod bene placitum fuerit, & reconciliantur. Heu, sicut Herodes & Pilatus reconciliati sunt, & Christus crucifixus est: sic nihilominus isti re-  
con-

conciliantur, & pauperes Christi spoliati sunt.

*Ibidem.*

Episcopi verò & sacerdotes huius temporis castitatis sanctimoniam ( sine qua nemo videbit Deum ) tam in corde, quàm in corpore quomodo student observare? *Ibidem* isti autem castitatis insigne qualiter custodiunt, qui traditi in reprobum sensum faciunt quæ non conveniunt? Quæ enim in occulto fiunt ab Episcopis, turpe est dicere. Melius itaque arbitror super hoc dissimulare & superfedere, quàm aliquid vnde scandalizentur innocentes & inexperti, dicere. Sed ego nec verecundabor dicere, quod ipsi non verecundantur facere: imo quod Apostolus non verecundatur scribere & prædicare? Dicit autem egregius prædicator, sic masculi in masculos turpitudinem operantes, & mercedem sui erroris recipientes.

*Ex*

*Ex Iohannis Sarisburiensis Episcopi  
Carnolensis Polycratico, qui  
obiit, Anno Domi-  
ni, 1182.*

**S**ed nec Legati sedis Apostolicæ manus suas excutiunt ab omni munere: qui interdum in prouincijs ita debacchantur, ac si ad Ecclesiam flagellandam egressus sit Satan à facie Domini. Concutiunt angulos, domos, vt prosternant filios & filias eius, qui languores & dolores animarum curauit in cruce. Com mouent & conturbant terram, vt videantur habere quod sanari oporteat.

In Polycratico  
colib. 5. cap.  
16. fol. 169.

Memini me causa visitandi Dominū *Adrianum* Pontificem quartum, qui me in vltiorem familiaritatem admiserat, profectum in Apuliam, mansique cum eo *Beneuenti* fermè tres menses. Cùm itaque vt fieri solet inter amicos, sæpè pluribus conferremus: & ipse quid de se, & Ecclesia Romana sentirent homines à me familiariùs & diligentius quæreret: ego apud eum vsus spiritus libertate,  
mala

Idem libr. 6.  
c. 24. fol. 208

mala quę in diuersis prouincijs audieram  
patienter exposui. Sicut enim dicebatur  
à multis Romana Ecclesia, quę mater  
omnium Ecclesiarum est, se non tam ma-  
trem exhibet alijs quàm nouercam. Se-  
dent in ea Scribę & Pharisei, ponentes  
onera importabilia in humeris hominũ,  
quę digito non contingunt. Domi-  
nantur in clero, nec forma fiunt gregi,  
qui recto calle pergit ad vitam: pretio-  
sam suppellectilem congerunt: auro &  
argento onerant mensas, sibi etiam ab a-  
uaritia nimis parci. Nam pauper, aut nul-  
lus, aut rarus admittitur, quem interdum  
non tam Christus, quàm vana gloria in-  
troducitur. Concutiunt Ecclesias, lites ex-  
citant, collidunt clerum & populum: la-  
boribus & miserijs afflictorum nequa-  
quam compatiuntur, Ecclesiarum lætan-  
tur spolijs, & quęstum omnem reputant  
pietatem. Iustitiam non tam veritati  
quàm pretio reddunt. Omnia namque  
cum pretio hodie: sed nec cras aliquid si-  
ne pretio obtinebis. Nocent sæpius, &  
in eo dæmones imitantur: quòd tunc  
pro-



prodesse putantur, cùm nocere desistunt, exceptis paucis qui nomen & officium pastoris implent. Sed & ipse Romanus Pontifex, omnibus grauis & ferè intolerabilis est. Præterea omnes arguuntur, quòd ruentibus & collabentibus Ecclesijs, quas patrum construxit deuotio, altaribus quoque incultis, palatia extruit: & ipse non modò purpuratus, sed de auro incedit. Palatia splendent sacerdotum, & in manibus eorum Christi sordidatur Ecclesia. Prouinciarum diripiunt spolia, ac si thesauros Croesi studeant reparare. Sed rectè cū eis agit altissimus, quoniam & ipsi alijs, & sæpè vilissimis hominibus dati sunt in direptionem. Et, vt opinor, dum sic in nimio errauerint, nunquam deerit eis flagellum Domini.

Sed & boni rapiuntur interdum, ne  
malitiâ immutentur: & quia Roma cor- Ibid. paulo  
post.  
rupta apud Deum, his reperitur indigna. Tu ergo quia id habes officij, quære & vise humiles, vanæ gloriæ & pecuniæ contemptores. Sed timeo nedum pergis  
quæ-

quærere quæ vis : ab imprudente amico  
audias quæ non vis.

Idem lib  
6.17. fol. 2

Domesticas calamitates, & thalamum  
sapientiæ expositum fornicatoribus : &  
sanctuarij interioris recessum in pro-  
stibulum permutatum, sine gemitu &  
lachrymis nequeo deplorare. Domus  
namque orationis, negotiationis Domi-  
no prohibente, facta est domus : & tem-  
plum fundatum in lapide adiutorij, in la-  
tronum speluncam versum est . Siqui-  
dem Ecclesia data est in direptionem,  
alijs palam, alijs clam occupantibus  
eam.

Ibid. paulo  
post.

Alius enim in nobilitate confusus, aut  
viribus potestatum violenter in sancta ir-  
ruit, & si fortè pulsat ostium, parie-  
tem aut limina suffodere non veretur.  
Nam & seditionem concitabit in Moy-  
sen, & alienum ignem in Templum  
inferet, & vasa sanctuarij contamina-  
bit. Alius sperans in multitudine di-  
uitiarum, Symone ducente ingredi-  
tur; non inuenies ibi qui eum & pe-  
cuniam suam iubeat ire in perditionem.  
Alius

Alius in muneribus ad *Petrum* reformidat accedere: clanculò tamen per impluvium auri, ac si per tegulas *Iupiter* elaboratur in gremium *Danaes*: sic in sinum Ecclesiæ procul descendit incestus.

Iam palàm emuntur omnia, nisi modestia venditoris impediat.

Quâ verò impudentiâ hoc attentare audeat discipulus crucifixi, Vicarius *Petri*, Pastor animarum, quòd vigente infidelium disciplinâ, Vicarius Imperatoris sub officio Consul, rector corporum præsumere non audebat?

Fertur à quibusdam, & verum est, quòd super Romano pontificatu ab ambitiosis, quandoque immò sæpè litigatum, & non sine sanguine fraterno Sancta Sanctorum ingressus sit Pontifex. Concitata sunt iterum bella plusquam ciuillia inter *Cæsarem* & *Pompeium*, & quicquid Philippis, Leucade, Mutinæ, in Egypto, Hispaniâve præsumptum est, quicquid impiè gestum, pugna sacerdotalis absoluit. Nunquid Christiani sanguinis procurant effusionem, ut eis præ

Q

cæteris

Ibid.  
Idem lib. 8.  
cap. 17. fol.

340.  
Idem ibid.  
cap. 23. fol.

363.  
Quid iste dixisset, si post longissimum & fustissimum schisma inter Urbanum 6. & Clem. 7. eorumque successores vixisset, in quo 20000. homines occisi sunt, ut constat ex literis Henrici 4. Angliæ regis ad Gregor. 12. quæ extant in Thom. Walsing. histor.

cæteris liceat pro grege, quod pastoris est, animas ponere? Nunquid Ecclesiam diruunt, profanant sancta, vt sit quod ædificari & sanctificari oporteat? Concutiunt populos, regna sollicitant, Ecclesiarum diripiunt facultates, fortè vt sibi faciant materiam promerendi, vt componant omnia: vt pauperibus miserendi & prouidendi alijs concurrentibus necessitatem præcipiant.

*Ex Marsilij Patauini libro qui inscribitur, Defensor pacis, scripto circa Annum Dom. 1324.*

Defens. pacis part. 2.  
cap. 10 pag. 201.

**Q**Væ verò de Ecclesiasticorum officiorum & beneficiorum seu temporalium distributione fiunt inconuenientia, pertranseo. Nam ipsorum plurima prece vel fauore potentum seculi obtinendis, aut pretio (si fas sit dicere) distributoribus aut intercessoribus, *Magi Simonis Ministris* oblato, talia conferuntur *ignorantibus, criminosis, pueris, incognitis, & inuisis ac idiotis*, manifestè secundum totius vulgi sententiam. Cùm tamen A-  
posto-

postolus, 1. *ad Timoth.* 3. præcipiat officiales ecclesiasticos debere cognosci tanquam probatos & perfectos vitâ seu moribus & doctrinâ. Vnde vbi suprâ: *Oportet autem illum*, id est, Præsbyterum seu Episcopum, & *testimonium habere bonum ab his qui foris sunt*, quantò magis ab his qui sunt intra Ecclesiam? Et infra parum eodem: *Diaconos similiter pudicos. Et hi autem probentur primum, & sic ministrent, nullum crimen habentes.* Veruntamen hoc conuenienter potest dicere quis, quòd benè probantur horum plurimi, vt nouit mundus, quantum scilicet pretium aut precem valeant exhibere. Quòd ne singula inconuenientium dinumerare tentemus, tanquam impossibile aut difficillimum valdè, de Præsbyterorum seu Episcoporum, cæterorumque templi Ministrorum quasi omnium actibus summam facientes, coram Christo testamur, eius si mentimur iudicium inuocantes, præfatos Episcopos & reliquos ferè omnes modernis temporibus, omnium quasi opposita perpetrare,

Q 2

quæ

quæ secundum doctrinam Euangelicam alijs prædicant obseruanda. Voluptates namque vanitates, temporalia, & sæculi principatus exardent, & omni conamine, non iure, sed iniuriâ occultâ & manifestâ prosequuntur & occupant.

Idem ibid.  
cap. 19. pag.  
312.

Nunc verò propter ecclesiastici regiminis corruptionem, plurima pars sacerdotum & Episcoporum in sacra Scriptura periti sunt parùm, & (si dicere liceat) insufficienter, eò quòd temporalia beneficiorum, quæ assequuntur officijs ambitiosi, cupidi, & cauidici quidam obinere volunt, & obtinent obsequio, prece, vel pretio, vel seculari potentiâ. Et Deo teste, ac fidelium multitudine, Sacerdotes plurimos, Abbates & ecclesiasticos Prælatos quosdam me vidisse ac audiuisse memini adeò diminutos, vt etiam nec Grammaticę congruum scirent proferre sermonem. Et quod amplius horrendum est, in ecclesiastico ritu sciui & vidi hominem citra vigesimum ætatis suæ annū diuinæ legis ignarum quasi penitus, cui tamen in famosa & populosa ciuitate cōmissa

missa est episcopalis cura, eo non solum sacerdotali ordine carenti, verumetiam Diaconatus & Subdiaconatus: exorti &c.

Quis enim non admirabitur aut stupebit, diuinarum Scripturarum ignaros Ibid. cap. 23.  
pag. 355. iuniores, morum conuenienti grauitate carentes, inexpertes, indisciplinatos, & quandoque notoriè criminosos, ad maiores Ecclesiæ thronos esse præfectos simoniacâ prauitate, vel prece potentum, (non dico quandoque terrore, obsequio vel sanguinis affinitate) repulsis aut neglectis Scripturæ sacræ doctoribus, viris honestate probatis? Ficta ne loquor aut falsa? ab numerante quippe prouinciarum Episcopos aut Archiepiscopos, Patriarchas, & reliquos inferiores Prælatos, sacræ Theologiæ Doctor, aut in ipsa sufficienter instructus, non *reperietur unus ex decem*. Et quod referre pudet (quamuis non pigeat, quia verum) Episcopi modernorum neque prædicare populo verbum Dei, nec hæreticorum, si qui apparuerint, nouerunt erroris aduersari do-

Q3

étrinis,

ctrinis, sed in prædictis euentibus impu-  
denter mendicant aliorū doctrinas, &c.

*Ibidem ca. 15.*

*pag. 382.*

Eam etenim quæ verè Christi sponsa  
est, catholicam fidem & fidelium multi-  
tudinem non defendunt moderni Ro-  
manorum Pontifices, sed offendunt: il-  
liusque pulchritudinem, vnitatem vide-  
licet, non seruant, sed foedant; dum Zi-  
zanas & schismata seminando, ipsius  
membra lacerant, & abinuicem separant:  
Christi quoque veras comites, pauper-  
tatem & humilitatem dum non admit-  
tunt, sed excludunt penitus, se sponsi  
Ministros non ostendunt, sed potius ini-  
micos.

*Ibidem cap.*

*28. pag. 457*

Nemo ergo Sacerdotum seu Episco-  
porum interueniebat pro agris, quoni-  
am Christum & Apostolos imitantes,  
horum abdicabant dominium, pro fide  
verò agonizabant constanter vsque ad  
mortem: quamuis moderni Episcopi &  
præcipuè Romanorum, pro agris & se-  
cularibus dominijs fortissimè pugnent,  
& pugnas vndique inter Christi fideles  
concitent, dicentes se in hoc iura sponsæ  
Christi



Christi defendere, cùm tamen ipsius iura non sint, sed iniuriæ: veram sponsam, fidem videlicet, doctrinam & mores defendere, ne per prauos vsus aut actus, aut infidelium impetum corrumpatur, quasi totaliter negligentes.

Ex libro Aluari Pelagij,  
Episcopi Syluensis, De planctu  
*Ecclesie, impresso Venetijs, 1560. qui fuit*  
auditor Iohannis Scoti, & claruit circa  
*Annum Domini, 1320.*

*Ex hoc Libro qui magnus est, tantùm pauca delibabo, quia cùm eius copiam & usum ad exiguum temporis spatium habuerim, non eum totum perlegere, sed quedam capita percurrere potui.*

**Q** Vando enim eras pauper & humilis in temporalibus, diues virtutibus, te vniuersus orbis adorabat, & vniuersa quæ in pauperes erogabas, offerebat. *Esa. 66. Omnes de Saba venient, Mat. 2. Et nunc in stercoribus:*

*Alph. Pelag.  
de planctu  
Ecclesie, li. 1  
cap. 67. fol.  
90.*

Q 4

*Phil.*

*Philip. 3. Ditata & gemmata, quasi ab omnibus es inculcata.*

Idem ibid.  
fol. 91.

Deinde regnatura est sancta sponsa, vxore traducta, Ecclesiâ renouatâ per secula infinita, *Apocalip. 19.* Quâ generali renouatione nec puto longè existente, quia iam in mundo videtur esse omnis malitia & immunditia consummata.

Idem lib. 2.  
cap. 2. fol. 3.

Sequitur: Adolescentibus impudicè abusi sunt: Heu! heu! intra sanctam Ecclesiam multi religiosi & Clerici in suis latebris & conuenticulis, & laici iam in plærisque ciuitatibus, maximè in Italia publicè quodammodo nefandum gymnasium constituunt, & palestram illius flagitij abominatione se exercentes, & optimi quique epheborum in lupanari ponuntur.

Idem ibid.  
fol. 5.

Pastores hodiè Ecclesiæ, prout communiter cœci sunt vtrâque cœcitate ignorantæ & peccati. Contenebrati sunt oculi nostri, scil. Prælati qui sunt oculi in Ecclesia.

Tbid. statim.

Idem ibid.

Innoua dies nostros sicut à principio. Typicè oratio *Hieremiæ* fit pro ista Ecclesiâ,

clesia, quæ tantum deficit à perfectione & sanctitate suâ: vt innouetur in plenaria sanctitate, sicut fuit in Ecclesia primitiua. Sed ista innouatio non fiet, nisi prius fiat purgatio, & vitiorum eliminatio.

Innoua dies nostros. Verè melior erat Ecclesiæ Primitiue per 83. dies vna, Idem ibid. cap. 3. super millia illius Ecclesiæ quæ nunc currit: dies illa superabat incomparabiliter diem istam.

In exitu Israel de Egypto, domus *Iacob, &c.* & Ecclesia sancta exigentibus peccatis, rursus in Babylonem captiuatur, id est, in confusione peccatorum. Ibidem. cap. 4. fol. 8.

Vnde & Dominus odit & proijcit festiuitates nostras. Pleni enim homicidijs, immunditijs, ambitionibus, & cupiditatibus, & auaritijs, & odijs, & sacrilegijs, & crapulis, & ebrietatibus, lotis manibus, & cruentatis cordibus & conscientijs, nostra Sabbata non Dominica celebramus. *Esa. I. Audite verbum Domini Principes Sodomorum, Prælati Ecclesiæ.* Idem ibid. fol. 9.

Abstulit Dominus omnes magnificos: Sæpè enim in toto orbe perpauci remanse-

Idem ibid. fol. 11.

remanferunt magnifici, qui fana doctrina defenderent caufam fidei.

Idē eod. lib.  
ca. 15. fol. 48

Mundet igitur Dei vicarius curiam fuam confuetudinibus fymoniacis: *extr. de fimo. cum in Ecclef. & ca. ea que.* quia ad eum pauci intrant, nifi qui foluunt. Nullus quafi pauper hodie ad Papam intrari poteft. Clamat & non auditur, quia non habet quod foluat. 11. q. 3. *pauperes.*

Idem ibid.

Audeamus dicere præfertim quod notorium fatis eft, quòd verè hodie Luna, id eft Ecclefia ecclipsim patitur, & in capite, & in membris iftis carnalibus temporibus fere tota verfa eft in fanguinem, Luc. 21.

Idem ibid.

Nepotulos & alios confanguineos clericos nedum ad altas prælationes promouent ditiffimas & altiffimas: fed etiam ad ftatum Cardinalatus, infcios totaliter & indignos, & committunt eis iudicare & regere totum mundum qui regere nefciunt femetipfos, Extra de etate & quale indecorum.

Idem ibid.

Confanguineis autem fecularibus procurant & emunt nedum campos, terras,  
&

& vineas, & simplicem militiam, sed etiam Baronias, comitatus, Marchionatus, & omnes alios mundi potentatus: & tales Papæ consanguinei, qui ante eius papatum soli vagabantur per mundum peditando, nunc stipati militum agminibus incedunt. &c. vide.

Prælatorum nepotuli & alij consanguinei dii eorum hodie sunt. Ipsos supra Deum & contra Deum diligunt. Ipsos contra Deum & plus quàm Deum honorant. Idem ibid.

O quot Nepotes & consanguineos Prælati præmittunt & sequuntur ad inferos, eis beneficia impetrantes & conferentes, quorum amplissima stipendia recipient non militaturi in eis, nec debitum seruitium in suis beneficijs Domino impensuri, de cura animarum non curantes, sed de bursa, prouentus beneficiorum luxuriosè expendentes. Idem ibid.

Sed iamdiu est quod in quibusdam ex eis (Cardinalibus) sicut in quibusdam Romanis Pontificibus optimus color mutatus est, Thren. 4. Creuit in eis Idem ib. cap. 6  
de statu cardinalium.  
dist.

dist. Diacom. v. potentia, dignitas, honor & diuitiæ, sed decreuerunt virtutes. Aucta est possessio, diminuta religio. Creuerunt in exterioribus, minorati sunt in interioribus.

*Idem ibid.*

Alias obtinent dignitates & beneficia pinguiora vbique terrarum prætextu familiæ dilatandæ, & honorem carnalem Cardinalatus in equis & domicellis, & Lautis, 35. dist. Ecclesiæ, conuincijs manutenedi, quorum reditus plusquam communiter Cardinalatus ascendunt. Sed inter eos multi reditus obtinent decem, quindecim, & viginti, & triginta millium florenorum, & sic partes alienas inuadunt, q. 3. dist. Diacom. v. vorantes multorum stipendia ministrorum, 89. dist. singula. Vbi de hoc extra de præbentes. Et qui ante Cardinalatum vno competenti vel duobus potuit contentari, absorbet fluuium beneficiorum & fiduciam habet quod influat Iordanis in os eius, quia nunquam beneficiorum cumulo satiatur. Iob. 40. Et (quod peius

peius est) vix de hoc aliquis eorum conscientiam aliquam habet, quia sic est quasi generalis omnium abusus: sed non minus ardebunt, qui cum multis ardebunt.

Item beneficia quæ impetrant à Papa communiter pro indignis, aut ad preces regum & principum Cardinales, aut pro suis seruatoribus, aut pro ut frequentius, pro suis consanguineis impetrant, vix vnquam alicui Clerico benè merito impetrant vnum pauperimum beneficium Dei amore, quem parum habent præ oculis: semper cæcum animal aut claudum, aut languidum offerentes. Luit. 21.

*Idem ibid.*

At nunc cernimus plurimos hanc rem beneficio facere, vt non quærant eos in Ecclesia columnam erigere, quos plus agnoscunt Ecclesiæ prodesse: sed quos vel ipsi amant, vel quorum sunt obsequijs deliniti.

*Idem ibid.*

Ostendunt (Cardinales) in pomposis vestibibus, familia magna, equis Hispanis,

*Idem ibid.*

&amp;

& cuncta sua supellectile preciosa. Vbi-  
cunque enim in mundo preciosa sunt ad  
manus eorum perueniunt, & in gloria  
huius mundi viuunt. Qui eorum habe-  
bunt aliam gloriam, Deus nouit.

Idē ib. ca. 18  
de statu Epi-  
scoporum &  
eorum ex-  
cessibus.

Vix credo maximè in Hispania, quòd  
de centum Episcopis sit vnus qui non sit  
Symoniacus in ordinibus & beneficijs  
conferendis. Nam nec propter aliud or-  
dines celebrant, dantes suas benedictio-  
nes à Deo maledicti, i. q. i. maledicam:  
nisi vt lucrentur pecunias. Vnde in vna  
ordinatione lucrabatur ibi Episcopus  
nunc per expressas, nunc per tacitas sy-  
monias suarum literarum, sigillorum,  
portariorum matricularum obtentu, 450  
& eo amplius frequenter florenos.

Idem ibid.

Sexagesimum secundum, quod om-  
nibus prædictis excessibus grauius est,  
nedum de eo quòd in occulto peccant  
per suas immunditias & symoniacas pa-  
ctiōnes, & fraudes, superbias, & inuidias,  
& auaritias, quæ tamen à plerisque sci-  
untur, nullam verecundiam habent ali-  
qui ex eis: sed nec de ijs in quibus pub-  
licè



licè delinquant, immo in peccatis gloriari videntur. Extra de ex Præl. quàm graue.

Vel ipsam dispensationem non seruant, quum enim secundum stilum curiæ semper dicatur & apponatur in talibus literis, quòd cura animarum vel obsequium Ecclesiæ non negatur, de ista clausula nihil curant, dummodo possint ipsi redditus imburse. Sed hoc facit auaritia & ambitio nimia, quâ tantâ laborant, vt nequeant saturari.

*Idè ib. ca. 25  
de vitijs alt-  
orū Ecclesiæ  
ministorū.*

Quartò, quia nimis incontinenter viuunt, & vtinam nunquam continentiam promississent maximè Hispani & Regnicolæ, in quibus prouincijs, in pauciori numero sunt filij Laicorum quàm Clericorum.

*Idem cap. 27  
de vitijs quorūdam præf-  
byterorum.*

Et (quod sceleratius est) per plurimos annos de latere concubinæ qualibet die surgunt non præmissa confessione vel Hypocritali cum proposito redeundi, & procedunt ad altare, ad terrificam hostiâ consecrandam.

*Ibid. statim.*

Quinto, quia immiscent se spectaculis

*Idem ibid.*

&

& pompis mulierū, & conuiujs publicis, & vitę inhonestę, vsuris, & turpibus lucris, fraudibus, amorī pecunię, secularibus negotijs atque officijs. Munera continua recipiūt pro beneficijs medicinę, id est pro sacramētis. Dolosi sunt, conspiratores, sectantes odium, emulationem, obtrectationem, inuidiam, sunt vagi oculis, effreni lingua, petulantia & gestu fluido laborantes.

*Idem ibid.* Sexto, quia libentiūs dant ioculatori & meretrici quā pauperi. Plus diligunt venari quā pfallere.

*Idem ibid.* Decimo, quia imponunt Missas pro pecunia consentientibus sibi, vt pecuniam pro eis ipsi recipiant, &c.

*Idem ibid.* Decimo quarto, quia sæpē cum Parochianis mulieribus quas ad confessionem admittunt scelestissimē fornicantur.

*Idem ibid.* Decimo nouo, quia celebrant pro adulationibus secularium, & pro pecunia. Et iam consuetudine, vel potius corruptela: extra de consue. cum venerabilis, in plerisque partibus, vt in Portugallia, vbi  
Missa

Missa pro tribus solidis est taxata, quæ taxatio Simoniam inducit. extra. de *Simono*. dilectus filius A. inoleuit, quòd Missa taxata tribus vel quatuor denarijs, vel vno solido venditur, & emitur à populo cœco & Presbyteris simoniacis sceleratis.

*Ex Theodorico de Niem. qui fuit Secretarius Papæ Urbano sexto, & postea Episcopus Verdensis, vixitq; circa annum Domini. 1385.*

Vnde ipsa fides Catholica obnubilatur, omnis religio naufragium patitur, Christiani inter se dissidentes plerumque se confundunt, guerræ & aliæ calamitates multæ pullulant, Dei timor, & hominum verecundia, & virtutes à plerisque regnantibus & præsidentibus populis atq; alijs inferioribus omnis status propterea in longum abierunt, in eorum loca successerunt vitia, iustitia corruit in plateis, & in effectu in vniuersali Ecclesia à capite vsque ad plantam pedis

Theodor.  
de Niem. de  
Histor. de  
schismate  
lib. 2 cap. 42  
in fine.

R

noni

& pompis mulierū, & conuiujs publicis, & vitę inhonestę, vsuris, & turpibus lucris, fraudibus, amorī pecunię, secularibus negotijs; atque officijs. Munera continua recipiūt pro beneficijs medicinę, id est pro sacramētis. Dolosi sunt, conspiratores, sectantes odium, emulationem, obtrectationem, inuidiam, sunt vagi oculis, effreni lingua, petulantia & gestu fluido laborantes.

*Idem ibid.* Sextò, quia libentiùs dant ioculatori & meretrici quàm pauperi. Plus diligunt venari quàm psallere.

*Idem ibid.* Decimò, quia imponunt Missas pro pecunia consentientibus sibi, vt pecuniam pro eis ipsi recipiant, &c.

*Idem ibid.* Decimo quarto, quia sæpè cum Parochianis mulieribus quas ad confessionem admittunt scelestissimè fornicantur.

*Idem ibid.* Decimo nouo, quia celebrant pro adulationibus secularium, & pro pecunia. Et iam consuetudine, vel potius corruptela: extra de consue. cum venerabilis, in plærisque partibus, vt in Portugallia, vbi  
Missa

Missa pro tribus solidis est taxata, quæ taxatio Simoniam inducit. extra. de *Simono*. dilectus filius A. inoleuit, quòd Missa taxata tribus vel quatuor denarijs, vel vno solido venditur, & emitur à populo cœco & Presbyteris simoniacis sceleratis.

*Ex Theodorico de Niem. qui fuit Secretarius Papæ Urbano sexto, & postea Episcopus Verdensis, vixit q̃ circa annum Domini. 1385.*

**V**Nde ipsa fides Catholica obnubilatur, omnis religio naufragium patitur, Christiani inter se dissidentes plerumque se confundunt, guerræ & aliæ calamitates multæ pullulant, Dei timor, & hominum verecundia, & virtutes à plerisque regnantibus & præsidentibus populis atq; alijs inferioribus omnis status propterea in longum abierunt, in eorum loca successerunt vitia, iustitia corruit in plateis, & in effectu in vniuersali Ecclesia à capite vsque ad plantam pedis

Theodor.  
de Niem. de  
Hystor. de  
schismate  
lib. 2 cap. 42  
in fine.

R

noni

non est sanitas: nam multi Archiepiscopi & Episcopi, qui populis præsunt, plerunque religionis & honestatis cultum deferentes in habitu & moribus atque infanijs multis laicis se conformant, necnon avaritia incalescentes, penè omne pingue de clero & populo surripiunt cōtinuè famelici remanentes, nec Deo, nec supremis potestatibus obediunt. Et quia hæc nota sunt omnibus, ad recitandam ulterius historiam me conuerto.

Idem lib. 3.  
cap. 43. pag.  
170.

Et qualis sit discessio in ipsa Ecclesia Romana, & etiam Prælatorum Ecclesiasticorum religio, siue sanctimonia in partibus occidentis, non oportet describi: patet enim vtrumque istorum in sacerdotio & in regno: & si ipsa sunt pronostica aduentus ipsius Antichristi discutiant, si qui sunt qui nouerunt sensum Dei.

Idem Nemo-  
ris vnio-  
nis tractatu  
3. pag. 223.

Aliud quidam sitit & esurit, alius autem ebrius est, & notum est, quòd plerique indocti & ambitiosi, doctis & ciuilibiter agentibus præferebantur, avaritiâ stimulante in Romana curia, & non defecit

fecit in plateis nostris vsura & dolus,  
*Psal.* 54.

Nulla animarum lucra quærimus, ad  
 nostra quotidie studia vacamus, terrena  
 concupiscimus, humanam gloriam in-  
 tentâ mente captamus: & quia vt gradu,  
 quo cæteris prælati sumus, ad agenda  
 quælibet maiorem licentiam habemus;  
 susceptæ benedictionis ministerium ver-  
 timus ad ambitionis argumentum.

Idem ibid.

Interim autem quòd ego Romanam  
 curiam secutus sum, quasi lustris septem,  
 vel circa, semper in ea praticari conspe-  
 xi communiter illud: *Multi colunt per-  
 sonam potentis, & amici sunt dona tribuen-  
 tis, fratres hominis pauperis oderunt eum,  
 insuper & amici procul recesserunt ab eo,*  
*Prou.* 20.

Idem ibid.  
pag. 224.

Sexta conclusio: Libido dominandi,  
 lucrum, ambitio, rapacitas & auaritia sunt  
 causæ principales, quare tot schismata &  
 mala fiunt & sunt in Dei Ecclesia.

Idem ibid.  
tract. 5. pag.  
270.

Quòd experimentaliter videmus, cum  
 enim ipsa discordia pullularet in Eccle-  
 sia, mox profectò omnis virtus in Eccle-

Idem ibid.  
pag. 277.

sia cassatur, Simonia dominatur, omnis malitia collaudatur, bonus deprimitur, indignus exaltatur, &c.

Idem ibid.  
tractat. 6.  
cap. 34. p<sup>25</sup>.  
374.

In quibus (22. Monasterijs Frisiæ) penè omnis religio & obseruantia dicti ordinis, ac Dei timor abscessit, libido & corruptio carnis inter ipsos mares & Moniales, nec non alia multa mala, excessus & vitia, quæ pudor est effari, per singula (monasteria) succreuerunt, ac de die in diem magis pullulant & videntur in ipsis.

Idem ibid.

Ipsæque Moniales pro earum libitu voluntatis sæpè, imò sæpiùs prædicta monasteria exeunt, conuiuia secularia atque notos & amicos earum frequentando, & iterum redeunt ad eadem, quia ipsæ Moniales sub clausura perpetua & debita non existunt, & quod quidem etiam detestandum est, potissimè messis tempore cum dictis conuersis ad colligendum frumenta & foenum extra eadè monasteria transeunt, & durante messe huiusmodi in campis, pratis & pascuis multos dies inutiliter ac inhonestè consumunt. Fornicantur etiam quàmplures huius-



huiusmodi Monialium cum eisdem suis Prælati ac Monachis & conuersis, & in iisdem monasterijs plures parturiunt filios & filias, quos ab eisdem Prælati, Monachis & conuersis fornicariè, seu ex incestuoso coitu conceperunt. Filios autem in Monachos, & filias taliter conceptas quandoq; in Moniales dictorum monasteriorum recipi faciunt & procurant: & quod miserandum est, nonnullæ ex huiusmodi Monialibus maternæ pietatis oblitæ, ac mala malis accumulando, aliquos foetus earum mortificant, & infantes in lucem editos trucidant, seque habent sæuissimè circa illos, etiam Dei timore secluso. Vnde si tales Moniales, quæ talia perpetrant, essent personæ seculares, ipsæ pro tam inhumanis sceleribus eorum iuxta leges seculi, morte seuissimâ damnarentur.

Inter ipsos etiam multi alij graues & Ibid. statim. enormes excessus, propterea in eisdem monasterijs perpetrantur, quia absq; visitatione & correctione præmissâ excessus & certamina remanent vt frequenter.

Idem ibid.  
cap. 33. pag.  
377.

In eisdem etiam partibus Hybernæ & Norwegiæ iuxta consuetudines patriæ licet Episcopis & Præsbyteris tenere publicè concubinas, & eisdem visitantibus bis in anno subditos sibi Præsbyteros, ac ecclesiasticorum parochialiumque Rectores, suam dilectam ducere secum ad domos & hospitia eorundem subditorum præsbyterorum. Nec ipsa dilecta permittit Episcopum amasium visitare sine ipsa, his de causis, vt tunc lautè viuat cum Præsbyteris visitatis in hospitij eorundem Præsbyterorum, videatque amasias eorundem, nec non dona seu munera seorsum à quolibet Præsbytero capiat visitato, & ne Amasius visitans, Episcopo fortè vidente eam pulchriorem, illam etiam adamaret, sicque iniuriam faceret dilectæ, &c.

Ibid. statim.

Et penè idem modus scilicet quoad luxuriam, circa Præsbyteros Gasconiæ, Hispaniæ, ac Portugalliæ, nec non contiguarum regionum versus Africam in omnibus obseruatur. Vnde quodammodo plures innaturales ex foedo complexu nati,

nati, quàm filij legitimi ac naturales in omnibus illis partibus in ecclesiasticis titulis concedendis præferuntur, & plures legitimis apertissimè promouentur.

Etece hodiè ex erroribus errores in Ecclesiæ politia generantur, & adeò intricati sumus, quod nescimus, in quo nos vertere, aut cui credere debeamus. Nam conscientiarum & rerum pericula ex intestino Cleri bello, seu ex schismate vbi libet adaugentur.

*Idem ibid.  
cap. 40. pag.  
393.*

*Ex Warneri Roleuinki Monachi Carthusiensis Colonia fasciculo temporum pauca. Vixit Anno Domini. 1480.*

**H**eu! heu! Domine Deus, quomodo obscuratum est aurum? mutatus est color optimus: qualia contigisse circa hæc tempora etiam in sancta sede Apostolica, quam vsque huc tanto zelo custodisti, legimus scandala? Quales contentiones & emulationes, sectæ, inuidiæ, ambitiones, intrusiones, persecutiones. O tempus pessimum in quo defecit san-

*Fasciul. tē.  
porum fol.  
68. Ar. Do.  
904*

etus, & diminutæ sunt veritates à filijs hominum.

Idem ibid.

Isti octo Pontifices successiue sequentes breui tempore federunt. Nescio aliquid notabile de ipsis dicere, quia non nisi scandalosa de ipsis reperi propter inauditam in sancta sede Apostolica contentionem, vnus contra alium, & similiter contra se mutuò. Nam *Stephanus* confirmans facta *Iohannis* octauus Formosum damnauit, & eius facta irrita decreuit, & corpus eius mortuum dehonestauit, digitis duobus abscissis manum in Tyberim proijci mandauit, omninò ingratus contumeliam pro gratia reddens, quia Formosus ipsum antea Episcopum Anaginæ fecit.

Idem fol. 87.  
anno. Dom.  
1415.

Conscientia pura secundum timorem Dei in prælatis vicens Ecclesiam Christi laudabiter more, vitâ, & exemplo erexit & prouexit. Dehinc successu temporis cum iam Ecclesia in temporalibus abundare cœpisset, oblita quodammodo de conscientia, scientia, quæ inflare solet, multos in Ecclesia, præsidere fecit, qui sacram

eram scripturam inuersis versutijs palliantes, iusticias Domini rectas; quæ cor lætificare consueuerunt, propter delicias carnis falsificare non timebant, multas hereses seminabant, & plura beneficia pingua per Papam dispensando cumulabant. Veruntamen aliqui, licet pauci, cum conscientia retinentes, conscientiam puram & scientiam sanctam illuminati multos ad iustitiam erudiunt qui iam quasi splendor firmamenti in æterna foelicitate rutilare creduntur. Sed heu nefandis temporibus cum conscientia de conscientia abrais solum sponsam Christi gubernare videmus personas, videlicet conscientia scientiaque carentes. Et velut entia insensibilia Deum nec sanctos eius verentes beneficia super beneficia sibi usurpare.

Hinc guerræ mortiferæ, destructiones Idem ibid. ciuitatum & regnorum, mortes innocentium lamentabiles, & mala infinita nunc facta cernimus: quæ omnia ex pompa Episcoporum & insatiabili auaritia Prælatorum in detestanda processisse cernimus, &c.

*FINIS.*

Iohannes Francisci Pici  
 Mirandulę Domini, & Concordię  
 Comitıs, ad Leonem Pontificem maxi-  
 mum, & Concilium Lateranense  
 de reformandis mori-  
 bus oratio.

*Iohannes Franciscus Picus Mirandula  
 Dominus, &c. Bilibaldo Pirk-  
 heimero suo salutem.*

**Q**Uoniam ad pontem Oeni, tu qui-  
 dem reipublicę tuę legatus,  
 ego verò ob propria negotia  
 Cæsarem sequens, casu quodã  
 conuenissemus, coram petisti, vt oratio-  
 nis eius ad Leonem Pontificem maxi-  
 mum & Concilium Lateranense desti-  
 natam, te compotem facerem, & literis  
 tuis, postquam in Italiam redij, id ipsum  
 postulasti. Nunc eam tibi habere potes,  
 quam tum non potuisti, neque enim fas  
 erat, vt prior ullus eam haberet sibi,  
 quàm is ad quem mittenda erat, sed mi-  
 ræ expectationis, aliquam Iohanni tuo  
 co-

Cochliti vsuram, cum oratione ipsa Bononiam misi, hymnis tribus comprehensam, Martino, Magdalene, Antonio, qui postquam ex Germania in Italiam, indeque in patriam ditionem perueni, præter quinque alios, diuersis in locis olim formis stanneis excusos, æditi sunt. Cæterum si me amaueris, ad communem amicum Iohannem Rheuclin alligatam epistolam curabis perferendam, & interim bene vale nostri memor. Mirandule Calend. April. Anno salutis M. D. XVII.

**Ad Leonem decimum Pontificem maximum, & Concilium Lateranense**  
*Iohannis Francisci Pici Mirandule Domini, de reformandis Moribus, Oratio.*

**S**I quis fortasse cuperet in sacratissimo  
N. Christianæ reipublicæ, conuentu  
atque concessu de ferendis legibus ad  
frænandam malorum hominum audaci-  
am vt verba fierent, ipse secum cogitet  
prius, quo pacto sit opus eos plecti, qui  
eas

cas quæ à maioribus nostris ritè positæ,  
maximoq; habitę in pretio sunt, & habu-  
ere contemptui, & nunc maximè habeāt.  
Nec dubitabit de moribus hominū, qui  
tamdiu collapsi iacent, instaurandis, & ad  
normam positarum iam legū redigendis  
orationem ante omnia haberi oportere.  
Nam tametsi non duxerim in contro-  
uersiam referri debere ad sacrosanctam i-  
stam Synodum de legibus quibusdam  
ferendis, præstare tamen existimo, vt à  
Principibus viris, vt à Cardinibus ipsis,  
quibus tota nostræ Christianæ reipubli-  
cæ moles, verti, regi que conuenit, san-  
ctissima antiquorum decreta patrum,  
& honestissima instituta custodiantur.  
Quod si fiat, populi faciliè Antistites ipsos  
tanquam animatas & viuas leges sequen-  
tur atque ad normam pietatis & veræ di-  
sciplinæ reuocabuntur. Noua consulta  
atque decreta neutiquam aspernor, sed  
veterum custodiam sanctionum in pri-  
mis duco necessariam, ad ea quæ iam  
prolapsa defluerunt pijs primum instau-  
randa moribus, seueris deinde legibus  
vin-



vincienda, adeo ut censoribus, ut vindicibus legum ipsarum atque assertoribus magis quam legislatoribus opus esse non negem. Et quanquam hac de re differendi maius esse onus, quam ut ferre facile queam non sum nescius: nam valentioribus egeret humeris, & vires robustiores exposceret: tamen quod suapte naturâ pertinet ad omnes, id à me alienum esse non cogito. Quod si ad hanc diem in tanta eruditissimorum hominum turba vel vnum quempiam conspexissem, qui hoc idem exactè sibi adsciuiisset, mihi omnino cessandum putassem. Sed quum de statuendis legibus sæpenumero sermonem habitum norim, de legum custodia, vel nullum vel tenuem, ut sunt hominum varia iudicia, varijs rerum occasionibus mota: non abs re mihi visum est fore, si quæpiam afferrem, ut faciliùs ad memoriam reuocarentur sanctissima priorum instituta, quibus observatis, nostra Christiana respublica & aucta est semper & conseruata. Posthabitis verò atque contemptis, innumerabiles

les iacturas fecit, & nisi esset seruata diuinitus, eò miserix & calamitatis prolapsa fuisset, vt frustra nunc, Pater sanctissime Leo decime, & vos Ecclesię Cardines & Antistites, conuētum haberetis, vt in meliorem statum redigi quiret, optabam certè vt ex doctissimorum hominum, numero aliquis hanc sibi prouinciā desumpisset, vt maiorem auctoritatem & potestatem in audientium animis habitura esset oratio, sed nuda fortasse veritas, puraque simplicitas viribus non carebit. De luxu, de libidine, de auaritia vitanda positas esse leges ab antiquis patribus, nemo est qui nesciat. De pietate, de iustitia, cæterisque virtutibus traditas esse normas, vel ineruditi nouere, eas partim negligi, partim iacere plus etiam quàm volumus experimur. Multi nostrę principes reipublicę priscam simplicitatem in astutiam, castitatem in nequitiam, liberalitatem & parcimoniam in luxum & auaritiam conuertere. Apud plerosque religionis nostrę primores, ad quorum exemplum componi atque formari plebs ig-

ignara debuisset, aut certè exiguus Dei cultus, nulla bene viuendi ratio atque institutio, nullus pudor, nulla modestia, iustitia, vel in odiũ, vel in gratiã declinauit, pietas in superstitionem penè procubuit, palamq; omnibus in hominũ ordinibus peccatur, sic vt sæpenumero virtus probis viris vitio vertatur, vitia loco virtutũ honorari soleant, ab his qui suorum criminum, quasi septa, & tanquam moenia, & inauditam petulantiam, & diuturnitatem impunitatem esse putauerunt. Hi tibi morbi, hæc tibi vulnera sananda sunt (Maxime Pontifex) alioquin si mederi (quoniam id ad te multis de causis potissimum spectat) recusaueris vereor ne non fomentis iam, sed igne feroque is cuius vices geris in terris, membra ipsa affecta dissecet atq; disperdat, signa iam dedisse illum eius futuræ medicinæ planè crediderim. An puellæ Deo dicatæ in Brixiana direptione à religiosissimis abstractæ templis cesserunt militibus loco prædæ? An in Rauennati excidio sacerdotes trucidati? An in Pratenſi clade sanctimonia

nia

nia olim celebratæ virgines prostitutæ? Quid aliud pater sanctissime? quidnam aliud nobis intelligi debere? quàm sacras ædes & templa Lenonibus & Catamytis antea commissæ, quàm nefarijs lupis optimi pastoris ouilia demandata, quàm virginibus olim dicata plerisque in vrribus septa, in meretricios fornices, & obscena latibula fuisse conuersa? Sed initia illa malorum, & prægustationes vereor propinandæ nobis à perfidis nostræ religionis desertoribus potionis amaræ, & luctuosæ, in bonis eam moribus auertamus, in precibus & supplicationibus, non ex summis labris, sed intimis ex animi penetralibus iratum placemus Deum, cuius ad hæc monita & tanquam coelestia tonitrua non aures modò nō arrigere visi sumus vt resipiscamus, sed deprimere, visi tanquam Æthiopes ad prolabentis Nili strepitum obsurdescere, praua consuetudine affecti sic, vt audiamus suadentibus vitijs, obaudiamus monenti Deo optimo maximo, sapientissimo, qui se contemni ampliùs à nostro seculo,

culo nolle satis arbitror indicauit, signis  
atque portentis non parùm multis, pe-  
stilentia, fame, cruentissimis paulò ante  
prælijs. Quid enim aliud? aut si quid a-  
liud, cur hoc tamen nostris insinuatum  
mentibus planè non rear? per tot Cæsa-  
rum hominum millia, quorum cadaue-  
ribus & coniecti sunt campi, & remorati  
fluuiorum cursus, eorumque cruore su-  
perum mare & inferum quasi quadam  
purpurâ infectum, nisi vt memoriam su-  
beat innumera in nos collata beneficia  
nobis non debere esse ludibrio, scilicet,  
Christus ille Seruator humani generis  
tantùm sanguinis effuderit, vt in eo san-  
guine non rediuiui solùm facti, sed ditati  
etiam sunt, delicienter in plumis? Quid  
plumarum feci mentionem, & scorto-  
rum præterij cateruas & greges exoletor-  
um? & coempta & diuendita sacerdo-  
tia? Sperare poteram (Pater sanctissime)  
postquam ad supremum sacerdotij cul-  
men euectus es, non malis artibus, non  
pudendis, vt plerique olim pactionibus  
& mercimonijs, qui per summum de-  
S decus

decus, summum decus appetiuere.  
Sed tua (ita mihi, ita non parum multis  
visum) gratissimâ humanitate fore ali-  
quando, vti meliorem in statum refor-  
maretur Christiana respub. sed nec om-  
ninò desperarem, si adniti volueris, & tuę  
isti humanitati, lenitati, facilitati, aliquid  
supercilij, aliquid rigoris, nonnihil pœ-  
narum admiscere. Danda est opera (ma-  
xime Pontifex) ne quid detrimenti no-  
stra respublica patiatur, bellum enim tibi  
cum multis, bellum (inquam) intestinū,  
periculosum, graue, quod auertendum  
est seueritate disciplinæ. Luxum cohibe  
cuiuscunque ordinis, modum pone am-  
bitioni, compeſce indomitos, & effrena-  
tos libidinis obscenæ furores, suspectis  
sacerdotum (quod & legibus Ecclesiæ  
cautum est) contubernijs fræna consti-  
tue, auiditati & sceleratæ habendi cupi-  
ditati terminum præfige. Non concedi-  
ta & commendata fidei sacerdotum, sed  
comeſta veriùs ab illis & deuorata pio-  
rum virorum patrimonia vindica, & ef-  
fice vt in bonos dispertiantur vsus, ne  
amplius

ampliùs ab impuris helluonibus, ab om-  
nium scelerum gurgitibus absorbeantur.  
Qui auctiõibus sacrorum, pudendisq̃ue  
licitationibus inuigilauerint, dent pœ-  
nas temerariæ mercaturæ. Qui non pro-  
spexerint commisso gregi, qui vanitati  
studuerint innumeræ, superstitionibus,  
commessationibus, pudendis exercitijs,  
& familiaribus oblectati, vel corrigantur  
omninò, vel amoueantur à sacris, quan-  
doquidem omnia foedant exemplo, &  
prauæ consuetudine vitæ eos qui benè  
morati, & egregiè instituti sunt, planè  
corrumpunt, vt hinc non plebis modò,  
sed omnis ordinis fiat lapsus in crimina.

Nec fanè mirum, quando malum  
omne prodire de templo Iohānes Chri-  
stomus censet, & Hieronimus scribit  
se inuenisse neminem, qui seduxerit po-  
pulos præterquam sacerdotes, quos qui-  
dem si vel probè institueris volentes, vel  
nolentes coerecuris, vniuerso Christiano  
orbi ad benè de omni reformatione spe-  
randum, quasi signum aliquod sustulisse  
videbere. Potes (summe Pontifex) nec

in terris alijs potest, & quum possis, debes, & quum debes nisi volueris, & curaueris vt fiat, quid sit periculi ex probatissimis eisdemque diuinis exemplis animaduerte. Succurrat quæso tibi vetustus ille sacerdos, in quem filiorum non vindicata scelera magna ex parte reciderunt, etenim qui præsumunt alijs non modò est opus vt sint innocentes ipsi, sed vt resistent nocentibus, eorumque mala facinora compescant, & tum quidem ex Lebeete carnes tridenti fuscinula subtrahebantur ab illis, quod peccatum sacra Regum testatur historia nimis grande fuisse, quin homines à Dei sacrificio retraheret. Nunc autem malorum cateruis exemplorum plebs ignara, & à diuino cultu, & ab omni pietate deterretur. Illi cum mulieribus eâ tempestate dormiebant ad ostium tabernacula. Nostra verò & in sacras ædes fit irruptio, & ab illis etiam (proh pudor!) foeminæ abiguntur ad eorum libidines explendas, & meritorij pueri à parentibus commodantur, & condonantur his qui ab omni corporis etiam concessâ



concessa voluptate sese immaculatos custodire deberent, hi post ea ad sacerdotiorum gradus promouentur ætatis flore transacto iam exoleti. Non igitur miremur, si deierant & falsò vtrunque se nosse sacrarum literarum instrumentū profiteantur. Quoniam nec quid eius nomē significet pernouere.

Ac memini puerum quendam, in Episcopi locum ascitum, qui quoniam literas penitùs ignorabat, per iocum dum rogaretur, an magnos fecisset progressus in disciplinis, respondisse ingenuè, nondum se didicisse exordium eius orationis quam de more sacerdotes præfari solent diuina facturi. Noui & qui annuas sacerdotij pecunias, commendatas eorum fidei, spurcissimis voluptatibus & impendant, & impendisse gloriantur. Hæc tu monstra (Leo decime) tolerabis? hæc & videbis & patieris? patieris (inquam) ut ignari literarum, ut ad omnia magis apti quàm ad tractanda sacra, per ignominiam & contumeliam abutantur diuinis, & opes ad templa vel tuenda, vel instauranda

*Episcopi  
adolecentis  
imperitia.*

S 3                      paratas,

paratas, ad subleuandam pauperum miseriam, à pijs hominibus qui iam vitam sunt functi destinatas, in alienos, & profanos usus conuertant? Scribit Hieronimus. eos qui rebus Ecclesiæ abutuntur, similes Scribarum esse & Phariseorum, & sacerdotum Christi seruatoris sanguinem mendatio redimentium. Equidem nec Dionysij mysticam Theologiam, & diuinorum dogmata nominum, neque subtilitates hypostaseon, notionum, originum & cæterarum disceptationum, quæ in Lutetia Parisiorum exagitatae ad nos manarunt, ab omnibus exquiro sacerdotibus, si se tamen dederent sacris literis, & præcellentium nostræ religionis Antistitum doctrinis nauarent operam, multa sanè commoda ad benè beateque viuendum consequi possent. Non eo solum quòd multa discerent, & pro se magna, & ipsis utilia, sed quoniam eiusmodi studiis præstaretur illis, uti faciliùs illecebris sensuum nuntium remitterent, cum honestissimo in officio occupati, tum ab ipsis studiis admoniti, ad meliorem

rem vitam nos esse natos, & hanc quam viuimus plenam esse ignorationis tenebris, si sensum, si humana solùm placita sectari volumus, plenam ærumnarum, plenam calamitatum, si humanis fidem votis velimus, cuius etiam vitæ incommodis & tanquam stimulis inuitamur, vt ad eam quæ futura est libentiùs propere-  
mus. Quis (quæso) mente paulo vegetiore non aduertat, prima hac in vita magis ad dolorem homines, quàm ad voluptatem natos? Tanto enim spatio nunquam aut bibere aut comedere, aut vacare proli quisquam potuit, quantò aut sitiunt febrientes, aut mendici & obsessi esuriunt, aut rei criminum torquentur. Id etiam emolumenti nancisci facilè possent, vt frænarent ambitionem malorum omnium matrem atque nutricem, quandoquidem omnia quæ magna corporeis & humana tantùm intuentibus oculis apparent, exigua videntur spiritualibus oculis, & æterna contemplantibus. Idq; ipsum iure optimo, quandoquidem terræ moles collata coelo, instar esse puncti,

raris habitata locis, sterili arenâ, noxijs serpentibus, siti que desertâ, vastis inuiâ paludibus, altissimis intersecta montibus profundissimis interpollata fluctibus. In hac exigua naturæ portione tumultuatur humanum genus, brevis & incertæ vitæ, etiam si diuturna, si longissima, si stabili nixa fundamento videatur. Quid enim diuturnum mortalibus? si æternitati futuræ, & immortalis vitæ ad ipsum conferatur? Quid certum & stabile in homine, in quo mutant omnia? in quo ut externas taceam & circumiacentes molestiarum moles, ipse conflictus pugnantium inter se qualitatum corporei temperamenti, bellum intestinum illi ipsi ciet identidem & confecto bello minatur excidium. Adde tenebras quibus humana mens sibi relicta circumfunditur, unde & variarum opinionum prælia cooriuntur, & votorum sibi succedentium, subindeque fluctuantium æstus planè continui. Adde impetus hostiles, dolos, fraudes, iniurias: adde & superiorum mentium & insultus & æstus, ut verissimum sit

fit illud elogium . Vita hominis militia super terram . Militia dubio procul , sed qua & victoriam , & coronam , & regnum, nobis in coelo comparari possimus, eiusmodi , vt nec animo capere, nec concupiscere votis planè queamus , quando & animi, & corporis foelicitas quæ illic reposita Dei amicis, eiusque legis custodibus post huius vitæ cursum asseruatur, omninò superet captum humanæ mentis , nec nisi Deo docente hominibus patefiat , nihilque omninò si ei conferantur foelicitati, quæ vanæ vetustatis illustratores Poetæ atque Philosophi commenti sunt, de fortunatis insulis, de fluminibus Nectaris, de Via lactea, de reditu ad Compares stellas, & cæteris quæ ad veritatem hallucinantes suis lucubrationibus inseruere. Hæc illi & similia de sacro literarum otio nancisci faciliè possent . Sed ea ab omnibus non extorqueo sacerdotibus, at ne literas omninò ignorent, ne falsis euanidi, ne lucis extinctæ notam gerant , & noscant quæ ad eorum pertinent officium, hoc exposco, hoc

hoc exigo, & ni præstent planè detestor. Inprimis autem & vitæ innocentiam, & morum disciplinam, non exactissimam illam quidem & præcellentissimam, sed mediocrem. Non peto vt instar Hieronimi, saxo pectus identidem verberèt, sed nec vt meretricum pectora baccatis monilibus, nec crepidas hydaspeis gemmis exornent. Neque enim postulauerim, vt Hilarionis inedię assuescant, sed ne Sybaritarum coenas aut æmulentur aut superent. Minus etiam efflagitauerim, vt in spinis & niue volutentur more Francisci & Benedicti: sed cùm mollem cygnorum plumam ingenti pecunia mercantur, aut redimendis captiuis, aut virginibus nuptui tradendis iure optimo dedicatâ id planè damnauerim. Mediocritatem suadeo præcellentiam illam virtutû, quam demirari facilius, quàm imitari plurimi possunt, si sequi etiam maluerint & laudabo & prædicabo. Sed neque ita rem ad viuum refeco, vt quum eos & largos, & faciles esse ad tribuendû moneo, ita moneam, vt velim eos omnino imitari

egre-

egregium illud Martini, & celebratissimum facinus scindendæ vestis, vti mendicus & frigore tremebundus pauper amiciretur.

Verùm eos quibus abundant acerui pecuniarum, monitos velim Martini exemplo, nudis vestes tribuendas, potiùs quàm coccineis atque purpureis pannis cooperinda iumenta. Neque item exigo in sacrarum sumptibus ædium censum vt omnem dispertiant, æmulenturque aut Sybillina Cumis olim extructa delubra, aut Simandij & Artemisiæ præruptas murorum moles & miuas, aut Salomoniam Templa, aut etiam nostræ tempestatis Iulia ædificia: sed libenter postulauerim, ne sinant corruere quæ ab illis structa sunt templa, à quibus ipsi opes tantas nati sunt, vt multo auro dicantur Salmacidas noctes coemere. Postulauerim ne Sacella à priscis olim frequentata patribus permittant histricum latibula constitui, foedeque adeo haberi & negligenter, vt sit sæpenumero videre ferarum lustra, & quorumque præsepia & mundiùs & honeste-

nestiùs asseruari. Quum nihilominus ip-  
forum cubicula interim auro splendeant,  
substracta etiam purpura longè pretio-  
sissima sint, mensarum verò & coquina-  
rum instrumenta opere cælato refulge-  
ant: his incommodis cum aliarum bene-  
ficio sanctionum, tum illis maximè cu-  
stodia legis consuleres, maxime Pontifex,  
quia sanctissimè cauetur, ne multa ab vi-  
no sacerdotia, quibus annexa sit anima-  
rum cura possideantur, dispensatio, ita so-  
let appellari, efficit, vt iam non multa, non  
plura, sed innumera teneant multi, qui  
ne Diaconi quidem mererentur officio  
desungi, at eiusmodi rerum dissipatio-  
nem non ego, sed Bernardus tot antea  
seculis appellauit. Oppone te huic petu-  
lantia, Pater beatissime, & vnum hoc in-  
ter alia negotium, & munus egregiè sus-  
cipe, vt qui luxu defluunt, qui ambitione  
deferuent, qui vel coemptis vel eiusmodi  
dissipationibus paratis sacerdotijs lasci-  
uiunt. Qui leges denique ritè positas  
non obseruant, sentient tuæ vim iustitiæ  
atque intrepidæ virtutis, vt si aliqua cul-



pa teneantur erroris humani ab eiusmodi tamen scelerum immanitate liberentur. Liceat bonis & modestis vivere, quibus nec otiosis in communi otio iam licet esse. Illis ipsis omnia arripientibus, & seruitutem in dicentibus maximam his qui eorum indigent opera ad famem tolerandam. Hoc si non egeris, Antistitum summe, si malis hominibus fræna laxaueris, si iamdiu multumque laxata non cohibueris, verear ne te Pontifice decedat eo nostra respublica ut dici non falso possit, à libidine pudorem, ab audacia tumorem, ab amentia rationem penitus esse deuictam, & in te bellum à nostræ religionis hostibus ante audias geri quam parari. Si egeris, & utilitatem omnibus, & tibi etiam gloriam non hanc solum momentaneam & caducam quæ parui temporis angustiis coercetur, sed & stabilem & perpetuam, non in terris modò, sed in cœlesti sede comparabilis. Nec modò timendum tibi ab exteris erit, sed intrepidè sperandum, venturos nostræ religionis hostes, ad nostræ fidei disci-

nitus disciplina , & maiorum tuorum  
sanctionibus atque decretis , & vtili-  
tate simul & gloria excitatus, indue-san-  
ctissimum in desertores & impios, salu-  
berimumque furorem, quo discant poe-  
narum agere formidine, quod virtutis a-  
more deberent. Moses ille legislator,  
quanquam mitissimus, terrifica tamen  
percitus est ira, quum posthaberi Deum  
agnouit , & seuerâ in desertores poenam  
exercuit. Deus & homo Christus Iesus  
omnium virtutum exemplar, irrogatas in  
se contumelias patientissimè tulit : non  
tulit paterni honoris notam, quum sacri-  
legos venditores , emptoresque ex tem-  
plo expulit , & flagello discussit . Et ille  
quidem vituli vnius aurei cultores, maxi-  
ma est cede persequutus : & hic columbas  
vænales & turtures è templo voluit eie-  
ctas. Tu verò earum cultores vitularum,  
quæ maximo numero in vrbe non sta-  
bulantur modo, sed dominantur, & auro,  
purpura , margaritis , more regio ince-  
dunt ornatae, vt ad earum aspectum, ne-  
dū congressum plurimi & obbrutescant

&amp;

& pereant, exilio saltem & honor<sup>u</sup>m  
omnium multa non compesces? Tu sa-  
cras ædes sceleribus omnifariam profa-  
nari, & in eis tot monstra Circæ grun-  
nare permiseris? tot Syrenes, & verius, tot  
Syrenum milia patieris, nauiculæ tibi di-  
uinitus commissæ, quantum in ipsis est  
procurare naufragium? Tu Dei opti-  
mi templorum, tu Christi sanguinis  
mercatum sustinueris? Cuius supremum  
sacerdotium nullis mercimonijs es con-  
sequutus. Si Clemens videris Pontifex,  
id pietati facilè adscribetur. Si nimis  
placidus, naturæ tuæ consuetudini, cor-  
porisq; temperamento. Sed si postha-  
beri Deum eiusque legem patieris, &  
immania scelera passim, & nulla prorsus  
verecundia peragi, nullus erit tam iniu-  
stus rerum æstimator, qui vereatur id tri-  
buere, vel malitiæ, vel negligentia. Qua-  
propter si attendere diligenter, & æsti-  
mare hac omni de re, de qua disseruimus,  
volueris, Pater sanctissime, sic (ni fallor)  
planè constitues, vt leges iam ritè positæ,  
poenæ saltem formidine custodiantur,  
dabis-

dabisque operam exemplo non solum & innocentia vitæ, sed animaduersionis in alios, ne quicquid collibitum fuerit impune fecisse audeant improbi, atque ita & tibi simul & omnibus consules, & collabentem iam ac propè intermorituram Christianam rempublicam ab interitu vendicabis. Hoc omnis ordo, hoc consensus bonorum omnium exposcit & obsecrat. Quæ ubi per te acta fuerint, ubi pessimæ vitæ monstra, vel edomueris, vel extinxeris, ne postea repullulent, adhibenda erit legum cautio, & seuerior aliquanto disciplina. Non in vestibus modo & sumptibus, sed in studijs sacræ literæ vtriusque instrumenti recognoscendæ, & cum antiquis & castigatis primæ originis exemplaribus conferendæ, ut aberratis quæ vitio temporum, & librariorum incuriâ in illas irreperunt, omnino purgentur, solennes ceremoniæ de quibus fuere olim quæpiam difficultates, prioribus oblata Synodis, statuendæ firmandæque sunt, quotidianæ preces redigendæ

T

digendæ in statum, & probatum ordinatum ordinem, & veræ historiæ ab Apocryphis nugis segregandæ, præscribenda Principibus viris officia, vt scelerata illa & nostræ reipublicæ deletrix opinio licere quæ placeant, & à vulgi animis omninò amoueatur, & penitus exulet. Sit inter ipsos Principes pax, & discordiarū finis, vt à diuturnis dissensionibus aliquando quiescamus, daturi operam eis officijs, quæ mortales euehant ad immortalē vitam, & excedentem animantium omnium vitæ fœlicitatem.

*Comitis Mirandula de Moribus reformatandis Orationis, finis.*

Ex

Ex instructionibus Papæ  
 Adriani sexti, quas dedit D. Fran-  
 cisco Cheregato, Legato suo, vt exponeret  
*Principibus Electoribus, & alijs Prin-*  
*cipibus &c. in Dieta Nuren-*  
*bergenſi congregatis. An-*  
*no Dom. 1522.*

**I**Tem, dices nos ingenuè fateri, quòd  
 Deus hanc persecutionem Ecclesiæ  
 suæ inferre permittit, propter peccata  
 hominum, maximè sacerdotum & Ec-  
 clesiæ Prælatorum. Certum enim est,  
 non esse abbreviatam manum Domini,  
 vt saluare nequeat, sed peccata deuidere  
 inter nos & ipsum, & abscondere faciem  
 suam à nobis, vt non exaudiat. Clamant  
 Scripturæ, peccata populi deriuari à pec-  
 catis sacerdotum, proptereaquæ (vt ait  
 Chrysostomus) Saluator noster curaturus  
 infirmam ciuitatem Hierusalem; in-  
 gressus est priùs templum, vt peccata sa-  
 cerdotum primo castigaret; instar boni  
 Medici, qui morbum à radice curat. *Sci-*

*mus in hac sancta sede, aliquot iam annis  
multa abominanda fuisse, abusus in spiritu-  
alibus, excessus in mandatis, & omnia de-  
nique in peruersum mutata. Nec mirum,  
si ægritudo à capite in membra, à sum-  
mis pontificibus in alios inferiores Præ-  
latos descenderit. Omnes nos (id est præ-  
lati ecclesiastici) declinauimus, vnusquis-  
que in vias suas, nec fuit iam diu, qui fa-  
ceret bonum, non fuit vsque ad vnum.  
Quamobrem necesse est, vt omnes de-  
mus gloriam Deo, & humiliemus ani-  
mas nostras ei, videatque vnusquisque  
nostrum vnde ceciderit, & se potius qui-  
libet iudicet, quàm à Deo in virga furo-  
ris sui, iudicari velit. Qua in re, quod ad  
nos attinet, polliceberis nos omnem o-  
peram adhibituros, vt primùm curia hæc,  
vnde fortè omne hoc malum processit,  
reformatur, vt sicut inde corruptio in  
omnes inferiores emanauit, ita etiam ab  
eadem sanitas & reformatio omnium e-  
manet. Ad quod procurandum nos  
tanto arctiùs obligatos reputamus, quan-  
tò vniuersum mundum huiusmodi re-  
for-*

formationem auidius desiderare videmus.

*Ibid.* Inueteratus nimium morbus est, nec simplex, sed varius & multiplex, pedetentim in eius cura procedendum est, & prius grauioribus, magisque periculosis occurrendum, ne omnia pariter reformari volentes, omnia perturbemus. Omnes subitæ mutationes (inquit Aristoteles) in republica periculosæ sunt. Qui nimis emungit, elicit sanguinem.

T 3

Papas



Papas Romanos, eorum-  
 que assiclas Prouincias Christia-  
*nas spoliasse & expilasse: Hoc ostenditur*  
*primum generaliter, deinde sigil-*  
*latim de priuatis regnis &*  
*prouincijs.*

Abbas Vrf-  
 pergenfis  
 pag. 307.

**V**ix remansit aliquis Episcopatus, si-  
 ue dignitas ecclesiastica, vel etiam  
 parochialis Ecclesia quę non fieret  
 litigiosa, & Romam deduceretur ipsa  
 causa, sed non manu vacua. Gaude ma-  
 ter nostra Roma, quoniam aperiuntur  
 cataractę thesaurorum in terra, vt ad te  
 confluant riui & ageres nummorum in  
 magna copia. Lætare super iniquitate fi-  
 liorum hominum, quoniam in recom-  
 pensationem tantorum datur tibi pretiũ.  
 Iocundare super adiutrice tua discordia,  
 quia erupit de puteo infernalis Abyssi, vt  
 accumulentur tibi pecuniarum præmia.

Habes quod semper sitisti, decanta  
 canticum, quia per malitiam hominum,  
 non per tuam religionem orbem vicisti.

Ad

Ad te trahit homines non ipsorum deuotio, aut pura conscientia, sed scelerum multiplicium perpetratio, & litium decisio prærio comparata.

Quia superius tangitur Camera Apostolica, restat etiam pauca de illa explicare, quæ assimilatur mari, in quod intrant omnia flumina, & non inundat (ab exundat) sic enim in istam portantur quotidie de diuersis mundi partibus auripondo multa, attamen non impletur: in qua est generatio, quæ pro dentibus gladios commutat, ut comedit inopes de terra, & pauperes ex hominibus: & in qua sunt multæ sanguisugæ dicentes, Affer, Affer, cuius quidem Officiales, gentes Camerae nuncupantur: benè quidē. Gentes enim sunt barbaræ nationes habentes ritus & mores extraneos à moribus hominum legibus & ratione utentiū. Hæ autem gentes nostræ eisdem alijs gentibus multifarie in omnibus sunt conformes. Vnde congruit eis illud:

*Cumq̃, pares estis, sociari iure potestis.*

Nam sicut Turcæ & Tartari, qui Christianis

Theodoric.  
de Niem  
Nemoris v.  
nio tract. 6.  
cap. 37. prg.  
379.

Romana  
Ecclesia in  
vendendis of-  
ficijs Eccle-  
siasticis avar-  
ritia.

stianis magis sunt infesti, infoelices huiusmodi Christianos, qui ad eorum manus viui perueniunt, tractant inhumaniter & flagellant: sic & nostræ gentes prædictæ novos ecclesiasticos Prælatos, qui apud nos promouentur, exquisitis vijs, rebus, substantia, remotâ omni pietate, rursus denudant. Vnde si fortè totum soluere nequeant, quòd in ipsa Camera postulatur ab ipsis, & de gratia, quæ rarò fit & paucis, tempus ad soluendum aliquod statuatur, extorquentur ab ipsis, qui remanent obligati, tam immania seu horribilia iuramenta, quòd sapiens quicumque illa etiam pro consequendo magno bono, vel effugiendo magno damno in euentum præstare meritò formidaret. Et super tali dilatione dantur ei literæ in ipsa Camera, non propter Iesum tantum sed vt immoderatè nimis aurum, si quod superest pro expensis itineris allatum, etiam extorqueatur ab ipsa, sic vt ab eadē Camera liberatus eā vice rectè dicere possit:

*Cantabit vacuum coram latrone viator.*

Omnis

Omnis enim inde pietas, misericordia & clementia longissimè auolarunt, & si fortè mille florenos ibidem solueres, quorū vnus tantum vnum duntaxat obulum minùs debito ponderaret, nisi longè illo ponderosiorè illico exhiberes, aut quod deficeret in duplo ni argentea moneta suppleres, liber tibi recedendi non pateret exitus ab eadem, licet gentes ipsæ nostræ generaliter omnes florenos, quos recipiunt ab alijs, persoluunt cæteris sine pondere ac mensura. Si autem quis pauper aut diues prælatus totidem quot debet, ipsi Cameræ soluere vna vice non possit, quamuis etiam occasione literarum Apostolicarum super promissione de se facta confectarū, nec non stando in Roma, tam intolerabiles fecisset expensas quas forsā præsidendo suæ prælaturæ deductis oneribus, diu accumulare nequiret, etiam si esset excellentior doctor, vel magister in orbe terrarū, sibi propterea non differtur: quoniam si infra annum à datis promissionis suæ computandum, totum non soluat, in quo ipse dictæ Cameræ obli-

obligatur, in eiusdem anni reuolutione de Antistite fit Clericus, nec non de Abbate Monachus, & Priore posterior deriuatur, nulla ipsis æquitate vel iustitia suffragante. O iustissimæ gentes nostræ vel quasi rectè cum infernalibus furijs seu harpijs & Tantalo sortem sitibundi positura, qui nunquā satiantur. Habent etiam dura capita & faxea pectora ex Deucalionis composita lapidibus, & corda ad inferendum compatiendumq; omni Chalybe duriora Gentes nostræ prædictæ. Infoelix igitur pauper ille Prælatus, qui retibus dictæ Cameræ illaqueatus in locum inibi venerit tormentorum.

Idē Theod.  
de Niem. de  
scismate li. 1  
ca. 68. pa. 55

Ipse etiam Bonifacius huiusmodi offerentioris non contentus licet ad maximas summas ascenderent (erat enim insatiabilis vorago, & in auaritia nullus ei similis) ad diuersa regna misit quæstuarios vendendo dictam indulgentiam offerentibus tantum, quantum essent expensuri in via, si propterea iuissent ad urbem, & huiusmodi exactores, seu quæstuarij etiā maximas summas pecuniarū à simplicibus,

bus, seu barbaris subtiliter extorserunt, ita quòd aliquando in vno regno, seu in vna prouincia huiusmodi venditionibus vltra centum millia florenorum reportarunt, quia omnia peccata etiam sine poenitentia ipsis confitentibus relaxarunt, super quibuscumque irregularitatibus dispensarunt interuentu pecuniæ, dicentes se omnem potestatem habere super hoc, quum Christus Petro ligandi & soluendi contulisset in terris, & per hoc ipsi quæstuarij impinguati, dilatati, ingrossati, & cum multis pulchris equis & decenti familia redeuntes ad urbem, &c.

Quid quod maiora vel certè paria priscorum temporum vectigalibus Europa penè omnis tributa Romam mittit: dum singulæ ciuitates à Romano Pontifice beneficia accipiunt.

Blódi Flauij  
Foriliniensis  
ad Eugenium  
4. de Roma  
instaurata.  
lib. 3. 40.

Et quod amplius à malo est (quoniam Symonia quamuis post factum expleatur amplissima est) quod eadem potestate redditus & prouentus beneficiorum omnium & vbique quo primum anno vacantia fuerint, sibi referuat, secundum hunc

Marsilius Pa  
rauinus in  
defensorio  
pacis, Part. 3  
ca. 24. p. 361.

hunc modum sibi congregans omnes mundi thesauros, & eisdem omnia regna spoliens atque prouincias, &c.

*Quomodo Gallia à Papa ex-  
pilata fuerit.*

Constitutio  
Ludou. regis  
qui Beatus  
dictus est.  
Anno 1228.

**E**Xactiones & onera graua pecunia-  
rum per Curiam Romanam Eccle-  
sijs regni nostri imposita, quibus reg-  
num miserabiliter depauperatum extitit,  
seu imponenda leuari & colligi nullate-  
nus volumus, nisi duntaxat pro rationa-  
bili, pia & vrgentissima, vel inuitabili  
necessitate, ac de expresso & spontaneo  
consensu nostro, & ipsius Ecclesiæ regni  
nostri.

Nicol. Cle-  
mangis de  
non soluēdis  
Annatis in  
fascicul. rerū  
expetend. &  
fugiend. fol.  
192.

Nam taxa vacantiarum secundum  
quod descriptum est in libris Camerae  
Apostolicæ de Ecclesijs Cathedralibus  
& Abbatijs Galliarum taxatis, ascendit  
ad sexcentanonaginta septem millia sep-  
tingenta quinquaginta Francorum sine  
prælaturis quas non taxant, & alijs in-  
terioribus dignitatibus & beneficijs,  
quæ

quæ fere ad tantundem ascendunt, quæ summa prima sex annos (velut clarè demonstraretur) integraliter soluitur : & singulis annis diuisa ascenderet ad ducenta milia, prælaturis & alijs minoribus beneficijs iunctis. Quod si in singulis nationibus tantundem reciperetur, & haberetur, ascenderet summa, & esset in vniuerso sex milliones nongenta septuaginta septem millia & quingenti floreni, quod esset excessuum valde, &c.

Eadè habet  
Carolus Mo-  
linus cõtra  
paruas da-  
tas. pag. 131

Artic. 67. Si decreta & constitutiones iam dictæ (Pragmaticæ sanctionis) antiquarètur, quotannis decies centena milia aureorum, & eo amplius hinc Romanam exportarentur. Ut spaciatiim & sigillatim demonstremus, quantopere hoc triennio pecunia regnum (Galliæ) exhaustum sit, animaduertendum est Pij Pontificis tempore vacasse in hoc regno plusquam viginti Archiepiscopatus & Episcopatus. Nec dubium est, quin pro annuo illo vectigali, quod Annatam vocamus, quàm pro reliquo sumptu accessorio & extraordinario in sin-

Senatus Pa-  
risiensis in  
postulatis ex-  
hibitis Ludo-  
uico 11. à fr.  
Duareno Iu-  
riscon. latine  
conuersis &  
editis cum  
priuilegio  
Regis bis Lu-  
tetia, & bis  
Lugd. Art. 79



singula diplomata seu Bullas \* \* aureorum millia dispensa munerataq; sunt. Quæ summa est centum & viginti milliū aureorum.

Artic. 73. Cænobiarchæ quoque siue Abbatae ad sexaginta aut eo amplius vacauerunt in hoc regno. Quarum singulae duobus millibus aureorum vt minimum constiterunt: summa ergo est centum & viginti millium aureorum.

Artic. 74. Eodem tempore Prioratus, decanatus, præposituræ præceptoris, & dignitates electiuæ, quæ lituo insignitæ non sunt, plusquam ducentę vacauerunt, ac in singula huiusmodi beneficia aurei sunt quingenti. Summa igitur est centum millium aureorum.

Artic. 75. Constat in hoc regno vt minimum centum paręciarum esse, quæ inhabitentur & incolentur. Nec vlla est in qua eo tempore gratiam expectatiuam aliquis non impetrauerit: in quarum singulas 25. aurei tam pro itineris sumptu, quā diplomatum confectiōe: pro non obstantijs, prærogatiuis, annullationibus,  
&

& alijs specialibus clausulis, quæ gratijs ascribi consueverunt; item pro executorio processu super eisdem gratijs facto. Summa hæc est, vices quinquies centena millia aureorum.

Artic. 77. Pro deuolutionibus aliorum præsulatum & dignitatum: pro beneficiorum prouentionibus: pro commendationibus & pensionibus: pro beneficijs vacantibus in Curia Romana: pro dispensationibus ad duo vel tria, vel quatuor beneficia incompatibilia, & multis alijs eiusmodi quæ sequuntur. Ex quibus summa conficitur multo amplior, quàm ducentorum millium aureorum.

Artic. 78. Reditus Episcopatum, Abbatiarum, & aliorum huiusmodi beneficiorum; quos residentes & commorantes in Curia Romana ad se perferri curant quotannis excedunt summam centum millium aureorum.

Quis est adeo imperitus rerum, vt Romanæ Curiae artes non norit, & quantum ea hirudo gallici exorbeat sanguinis quotidie non satis intelligat?

Dicam

Franciscus  
Duarenus de  
sacris Eccle-  
siae ministe-  
rijs & benef.  
li. 1. ca. 6. fo. 8

Dicam quod à viris peritissimis, ac diu in republica versatis non semel accepi, quam incredibile videtur: quotânis variorum diplomatum à Pontifice obtentorum nomine ad septingenta aut eo amplius aureorum millia Romam hinc exportari solere, quæ ita illic velut capta vinctaque detineantur & custodiantur, vt nullo vnquam postliminio ad nos redeant.

Ioannes Maria Belga Ludouici 12. historicus de scismate. part. 2. ca. 22. pag. 441.

Præterea idem Papa (Ioannes 22) qui tantam vim auri post se reliquit, quantum nullus Pontificum, qui vel ante, vel post eum fuere, cum suis successoribus ita regnum Galliae nouis exactionibus, Annatis, Decimis, Subsidijs, gratijs expectatiuis, alijsque inuentionibus (in quibus excogitandis Curia Romana magistra est) aggrauauit, vt miseri clerici ac studiosi Parisienses ne vnicum quidem beneficium adipisci possent: sed omnia à Cardinalibus & Curiae Ministris Auinione degentibus occupabantur: quam ciuitatē Franciscus Petrarcha doctissimus vir, eo tempore Meretricē Babylonicam appel-

appellabat. Nec solum miseri Sacerdotes ac scholares præter modum premebantur, sed & ditiores regni prælati sæpius de immensis oneribus ac exactionibus regi conquerebantur. Vide plura ib.

Pauper remansit Fiscus noster, diuitiæ nostræ ad Ecclesias sunt translatae. Nulli nisi Episcopi regnant: perijt honor noster, & translatus est ad Episcopos ciuitatum.

Verba Chilprici Regis Franc. apud Gregor. Turonen. lib. 6.

*Germania pecuniâ exhausta.*

Atque his mercium (indulgentiarum) nundinationibus, simul & spoliata est ære Germania, & Christi pietas extincta.

S. Rom. Imperij principum ac procerum grauamine.

Quapropter sacri Romani Imperij status obnixè quoque rogant, vt præfata onera & grauamina, per quæ tam immenso pecuniarum cumulo spoliatur Germania, quæ hinc in curtifanas malè prodigitur, radicitus ac penitus tollantur & auferantur.

3. Ibid. Grauamine 21.

Huic facile conijcere licet, quot Romæ, quanti que laquei pro emungendis nummis tendantur.

Ibid. Grauamin. 34.

Archiepiscopus Moguntinus, solue-  
V  
bat,

bat Papæ pro pallio 24000. Ducatos: & tantidem soluebat Archiepiscopus Colonienfis.

Paralip. Abbat. Vrfpergen. p. 454.

Germania soluebat annuè Papæ circiter trecenta millia Florenorum.

Albert. Kratrius VVandalizæ lib. 12. cap. 33 pag. 289.

Rex Poloniae cā tempestate non satis æquo ferebat animo, quòd Marinus de Fregano nuntius Apostolicus, qui iamdudum in Suecia multas opes contraxit, etiam suas in Polonia constituisset oues tondere, teneri iussit hominem, vt omnibus diligentius perquireret, quos in v-sus veniret tanto molimine aceruatâ per Prouincias pecuniâ: præferens suo regno magis opus videri tali supplemento quàm Italiae, quòd cū illa in pace degeret, ipse à Turcis Tartariſque laboraret. Vide plura.

Circa Ann. Dom. 1466.

Pauli Langij Cygnæci Monach. Bozawienfis. Chronicon Citiz. de illius Dieceſeos geſtis p. 875.

Anno Dom. 1484. fuit Legatus quidam cum indulgentiarum pleniffima remiſſione in Suecia, vbi hoc anno, æſtuo præſertim tempore, præualida ferbuit peſtilentia. Quâ fretus Legatus ille miro modo & inſatiabili explumauit pauperes. Quare author hiftoriæ Sclanuce ex qua

qua hæc transcripsi, ita exclamat, O Petre, Petre, non tibi dixit Christus, mulge aut tonde, sed pasce, pasce, *Ioan. 21.* ideoque aperuit infernus os suum sine termino, & intrabunt maiores sine numero.

Hallis autem & per Saxoniam sequenti fuit anno suspensa indulgentiarum cassatio: primo & vnico anno (vt fama fuit) centum millium aureorum damnosam priuationem inferens Romanensibus. Proinde pius Lector pensitare poterit, quàm inestimabilis collecta duntaxat per Germaniam fuisset pecunia, ipsum si indulgentiarum negotium adhuc integro lustro, vti præfixum institutumque fuerat, perdurasset. Ast ô Deus, quorsum tanta tandem deuenisset pecunia?

Idem ibid.  
pag. 898.

In Cardinalium videlicet & præsertim Papalium amicorum æraria repositus. Nec mirum, cum nuper quidam frater ordinis mendicantium, præfatarum indulgentiarum per Saxoniam terrasque nostras commissarius, moriens duo milia Florenorum, quos ex poenitentiu la-

ibid. statim.

chrimis corraferat & extraxerat, in extremis reliquerit.

*Sicilia.*

Robert. Gagnignus in  
histor. Fran.  
lib. 7. in Di-  
uo Ludouic.

Carolus Andegauensis, Ostiam delatus Romæ tandem exceptus est: mox adeptâ Senatoriâ dignitate, Diadema quoque Siciliæ regni, donante Clemente Urbani successore, accepit, annuâ quadraginta milliū Ducatorum pensione indictâ, quam sedi Apostolicę solueret.

*Quomodo Angliam diripuerint & spoliârunt Papa eorumq; Affecle: primùm ex Mathæo Paris Monacho Albanensi, è multis paucis. Obijt An. Dom. 1259.*

Matthæus  
Paris in Io-  
h. in ne pag.  
387.

**E**odem anno Iohannes Ferentinus Apostolicę sedis Legatus veniens in Angliam, eamq; prælustrans, magnam pecunię summam congeffit, &c.

Idem ib. pa.  
382.

Eodem tempore Wallo Legatus exegit procurationes per totam Angliam ab Ecclesijs Cathedralibus & domibus religiosis, pro scilicet procurationibus quinquaginta

quaginta solidos. Omnia etiam beneficia Clericorum pariter ac virorum religionis, qui Ludouico & Baronibus auxilium, consilium, vel fauorem impenderant, sequestrauit, quæ omnia in suos & Clericorum suorum vsus conuertit.

Tunc idem Otto cœpit ab omnibus Ecclesijs Angliæ conuentuallibus nomine procurationis duas marcas argenti. Et sciendum quod tempore quo magister Otto venit in Angliam, dominus Papa misit nuntios per orbem vniuersum, exactiones indebitas exigens, sicut inferius dicitur.

Omnibus igitur congregatis tã Laicis quàm Clericis, & eorum subiectis, Magister Stephanus coram omnibus recitauit Domini Papæ literas, in quibus exigebat decimas omnium rerum mobilium de tota Anglia, Hibernia, & Wallia, ab vniuersis Laicis & Clericis, ad guerram suam sustinendam, quam contra Romanum Imperatorem susceperat Fredericum.

Comites verò & Barones ac Laici omnes

*Idem in  
Henrico 3.  
pag. 435.*

*Idem ibid.  
pag. 483.*

*Idem ib. pa.  
484.*



nes planè decimas se daturos contradixerunt nolentes Baronias suas vel laicas possessiones Romanę Ecclesię obligare.

Ibid. ead. pa.

Erat autem in huius rei executione adeò improbus exactor, vt etiam de frugibus Autumni futuri, quę adhuc in herba crescebant, singulos compelleret decimarum sibi pretium exhibere. Prælari verò aliud remedium non habentes, calices, phialas, phylacteria, & alia sacra altaris vasa, quędam vendiderunt, nonnulla sub pignus posuerunt.

Ib. pag. 485.

Et sic abraſor pecuniarum Magister Stephanus Domini Papę Capellanus, Anglis fœda reliquit vestigia.

Idem ibid.  
pag. 535.

Dominus Papa occasionem sumens à prædicta Imperatoris persecutione, argumentosas extorsiones præcipuè in Anglia excogitans, & multiplicans Legatos sub specie simplicium nuntiorum potestatem tamen habentes Legatorum vndique destinauit, qui multifariam exegerunt pecuniam, nunc prædicando, nunc supplicando, nunc præcipiendo, nunc comminando, nunc excommuni-  
cando,

cando, nunc procurationes exigendo, per regnum Anglię infinitos extorres reddiderunt & mendicantes.

Paruoque tempore succedente facta Idem pag. 539.  
est tanta commutatio, tam multiformis pecunię exactio, nec fieri poterat in quã abyssum tanta pecunia, quę per papales procuratores colligebatur, est demersa, &c.

Per eosdem dies venit in Angliam nova quędam pecunię exactio omnibus seculis inaudita & execrabilis. Misit enim Papa pater noster sanctus, quendam exactorem in Angliam, Petrum Rubeum Idem pag. 714.  
qui excogitatâ muscipilatione infinitam Fallax pecunię exactio per Rubrum Papæ emissarium  
pecuniam à miseris Anglicis edoctus erat emungere. Intrauit enim religiosorũ capitula, cogens & seducens eos ad pecuniam promittendam, & promissam persoluendam exemplo aliorum Pręlatorum, quos mentitus assererat gratanter persoluisse. Dixit enim ille Episcopus, & ille: ille Abbas, & ille iam libens satisfecit: quidnam vos ignavi tam moramini, vt grates cum muneribus amittatis?

tis. Vide plura ibidem.

Idem pa. 735

Igitur in crastino Epiphaniæ, apud Doueram legatus nauem ascendens post regales amplexus & oscula, legationis deposuit insignia, & transfretans depauperatâ Angliam à tergo salutauit, nullo præter Regem, & quos idem legatus bonis regni salutauerat, de recessu condolente. Nec remansit eadem hora, vt veraciter dicebatur, in Anglia tantum pecuniæ, exceptis sanctorum vasis & ornamentis Ecclesiarum, quantum à regno iam extorserat Anglicano. Præbendas autem Ecclesias, & varios redditus opimos plusquam trecentos ad suam vel Papæ contulerat voluntatem. Vnde regnum quasi vinea exposita omni transeunti, quam exterminauit aper de silua, miserabiliter languit desolatum.

18

Idem pa. 743

Eodem tempore permittente vel procurante Papâ Gregorio, adeo inualuit Romanæ Ecclesiæ insatiabilis cupiditas, confundens fasque nefasque quòd deposito rubore velut meretrix vulgaris & effrons omnibus venalis & exposita, vsu-  
ram

ram pro paruo, symoniam pro nullo inconuenienti reputauit, ita vt alias affines prouincias, imo etiam puritatem Angliæ sua contagione maculauit.

Circa idem tempus misit Dominus Idem p. 82 5  
anno Dom.  
1244 nouus Papa quendâ nouum in Angliam pecuniæ exactorem, magistrum uidelicet Martinum, autenticum papale deferentem & habentem potestatem excommunicandi, suspendendi, & multipliciter uoluntati suæ resistentes puniendi. Qua roboratus potestate, suspendit prælatos Angliæ à suspensione beneficiorum donec uoluntati papali satisfactum fuisset, redditus ad opus Clericorum suorum & consanguineorum postulanti. Indignum tamen iudicabat aliquem redditum suscipere, nisi triginta marcas aut supra valentem, ne quisquiliæ colligere tantus uir uideretur. Cœpit igitur dictus magister Martinus munera, præcipuè palfriados concupiscibiles imperiosè exigere & extorquere à Prælati, maximè à religiosi, præcipient per literas districtè illi Abbati, vel illi Priori ut ei equos, quales decebat spe-

specialem Domini Papæ Clericum insidere, transmitterent: contradicentes autē & excusationes & causas negationis prætendentes etiam rationales, utpote Abbatem de Malmesburia, & Priorē de Meretona suspendit vsq; ad plenam satisfactionem, grauiter puniuit. Sedulus etiam explorator Ecclesias vacantes & præbendas considerauit ut ipsas patentissimæ papali indigentia præsentaret: inter quas dum præbenda opima Sarisberienfis Ecclesiæ spectans ad præcentorem vacaret, inuito Episcopo & nimis dolente cum toto capitulo, manus rapidas eidem præbendæ statim iniecit, & iussu Papæ cuiusdam puero nepoti suo non sine multorum cordiū amaritudine & stupore contulit. Credebant enim multi & sperabāt, quod Romana Curia à Deo multipliciter iam flagellata, fræno moderaminis suam avariciam coerçeret.

Idē pag. 936  
Verba Papæ  
de Anglia.

Verè hortus noster deliciarum est Anglia, verè puteus inexhaustus est, & ubi multa abundant, de multis multa possunt extorqueri.

Pro-

Probatum fuit in publicis Angliæ Comitij, anno Domini 1532. soluta fuisse pro Bullis Episcoporum ab anno quarto Henrici septimi decies centena & sexaginta millia librarum præter alias dispensationes & indulgentias.

Verba Holingheadi in Chronico vlt. edito. pag. 928. Hoc fuit spatium circiter 44. annorum

*Quantos thesauros quidam Papæ post mortem reliquerunt.*

**A**Nno illo Ioannes 22. Pontifex Romanus à vita migravit, anno Dom. 1334. vitæ verò suæ nonagesimo, & obiit Avinione. Reliquit autem in thesauris ingentem vim auri & argenti, cuius computatio fuit millies viginti quinque millia aureorum.

Antonius hist. part. 3. titul. 22. cap. 6. fol. 111.

Hanc summam Galli sic exprimunt, viginti quinque milliones auri. Germani verò ducentas quinquaginta auri tonnas.

Pontifex autem ipse Calixtus 3. sexto die Augusti, 1458. ex hac luce migravit 84. anno ætatis suæ. Quo mortuo re-  
perta sunt 150000. florenorum in scrinio  
sub

Idem ibidē titul. 22. cap. 16. fol. 186.

sub cubiculo eius.

Mercurius  
Gallo-Belgi-  
cus Nuncio  
Anni 1590.  
lib. 3. p. 194

Sixtus Quintus anno Pontificatus sui primo nouum & antea insolitum ærarium in castro S. Angeli erexit, & in illud confestim decies centena aureorum milia intulit. Auxit idem ærarium totidem centenis millibus anno Pontificatus sui tertio. Posterioribus annis eandem summam adhuc ter eidem ærario adiecit. Quo factum vt moriens quinque milliones auri in hoc thesauro reliquit, &c.

Hieron. ad-  
uersus Ioan.  
Hierosolym.  
tom. 3.

Ex his iudicet Christianus lector annon verba illa Diui Hieronimi in Ioannem Episcopum Hierosolymitanum, multo verius de Romano Pontifice dici possint: *Tu qui sumptibus abundas, & totius orbis religio tuum lucrum est, grauissimos illos legatos tuos huc illucq; transmittis.*

Versus retrogradi.

*Pauperibus sua dat gratis nec, munera curat  
Curia papalis, quod modo percipimus.*

FINIS.

*Errata corrigenda. Prior litera, pro linea poni-  
tur, posterior significat Lege.*

**I**N Epist. dedic. pag. 3. l. vlt. l. Hinc. Ibid. p. 5. l. 14. l. cedemus.  
p. 13. l. 22. l. Antistites. p. 14. l. 6. l. quā. p. 17. l. 19. l. particulatis)  
p. 27. l. 12. l. commercia. p. 42. l. 13. l. tui. p. 50. l. 1. l. ijsdem. p. 54.  
l. 7. l. qui cū Angeli. p. 55. l. 21. l. discedent. p. 58. l. 13. l. sepe, &  
l. 16. sepe. p. 59. l. 21. l. super. p. 72. l. 17. l. eis. p. 81. l. 9. l. gratiam. p.  
103. l. 15. l. Pascantium. p. 105. l. 9. l. conatus. p. 116. l. 8. l. cruci-  
fixiq; p. 123. l. 20. l. erga illos. p. 135. l. vlt. l. praesedit p. 152. l. 3. l.  
congregatione. p. 156. l. 1. l. discessio. p. 162. l. 12. l. officarij. p.  
168. l. 23. l. quod expentæ. p. 190. l. 17. l. malum. p. 191. l. 5. l. cul-  
pabiles. p. 198. l. 11. l. Ecclesiarum. p. 210. l. 16. l. annum. p. 211. l.  
vlt. l. Nec vereor. p. 220. l. 11. l. Ibidem. l. iij. p. 234. l. 18. l. intrare  
p. 236. l. 10. l. conuiijs. p. 242. l. 21. l. Alius p. 250. l. 1. l. Ioannis. p.  
295. l. 1. l. aut nullus, aut certe & c. p. ead. l. 17. l. ferro. p. 259. l. 23  
l. coercueris. p. 267. l. 14. l. minas. p. 270. l. 13. l. initiari. p. 272. l. 1.  
l. honorum. p. 279. l. 8. l. pro ab, lege al. i. aliās. p. 281. l. 7. l. in argen-  
tea. p. 285. l. 6. l. iniunctis. p. ead. l. 16. l. speciatim. p. 286. l. 1. l. Se-  
na aurorum. p. ead. l. 19. l. centum millia. p. ead. l. vlt. l. annulla-  
tionibus. p. 289. l. 22. l. Hinc. p. 290. l. vlt. l. Sclauicæ.











**MAMBO R**  
**LEGATORE DI LIBRI**  
*CORSO 32*

